

Հայկական գիտահետազոտական հանգույց  
Armenian Research & Academic Repository



Սույն աշխատանքը արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

This work is licensed under a Creative Commons Attribution-NonCommercial  
3.0 Unported (CC BY-NC 3.0) license.

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

891.99.092  
4-953



391.99.092  
th 952 592-93  
История История  
VHS 2100015/1988  
\_\_\_\_\_

Nr.

ՆՈՐ ՄԱՍՆԻՎԻՐԵՐ

4

ԱՐԵԱՄՑԱԾՈՅ ԱՐԴԱԿԱԳԻՐՆԵՐ

ԱՐՓԻԱՐ ԱՐՓԻԱՐԵԱՆ

ԳՐԱՅԻ

ԱՐԵԱՆ ՎԱԿՈԲԵԱՆ



391.99.092  
Ա-952

ԳՐԱԿԱՆ  
ԱՐՓԻԱՐԵԱՆ ՎԱԿՈԲԵԱՆ

1922

ՆՈՐ ՄԱՏԵՆԱԴԱՐԱՆ

ԱՐԵՒՄՏՏԱՀԱՅ ԱՐԶԱԿԱԳԻՐՆԵՐ

13 APR 2011

Nr.

ՆՈՐ ՄԱՍԵՆԸՆԴՈՒՅՆ

4

891.99.092

Ա-952


ԱՐՓԻԱՐ ԱՐՓԻԱՐԵԱՆ

ԿԵՐՆՔՆ ՈՒ ԳՐԵԿԱՆ ԳՈՐԾՈՒՆԵՈՒԹԻՒՆԸ

ՔՆՆԱԴԱՏԱԿԱՆ ՎԵՐԱՌՈՒԹԻՒՆ

ԳՐԵՑ

ՍԻՄԵՈՆ ՅԱԿՈԲԵԱՆ



ՎԻԵՆՆԱ

ՄԻՒԹԵՐԵԱՆ ՏՊԱՐԱՆ

1922

1939  
1936

## ՑԱՆԿ

	Եջ
I. Գրագետը	1
II. Կետնքը	5
III. Միջավայրը եւ ազդեցութիւններ	11
IV. Իրապաշտական վէպը	20
V. Քաղաքական վէպը	27
VI. Աշխատաւորական վէպը	46
VII. Արփիարեանի դերը	63



592

43

I.

## ԳՐԱԳԵՏ

Արեւմուահայ գրականութեան մէջ մասնաւորապէս եւ հայոց գրականութեան մէջ ընդհանրապէս այս տաղանդաւոր հեղինակը ունեցել է շատ ծանր ճակատագիր:

Ճակատակ իր գրական փայլուն ընդունակութիւններին եւ իր հրապարական կարողութիւններին՝ Արփիար Արփիարեանը չէ գնահատուել մեր գժբախտ միջավայրում իր կենդանութեան ժամանակ, չէ գնահատուել տարաբախտաբար նաև այնուհետեւ:

Երկու անգամ մահափորձ է կատարուած այդ երախտաւոր գրագետի վրայ, առաջին անգամ կ. Պոլսում, երկրորդ անգամ 1903 թուին Վենետիկում: Առաջին մահափորձից յետոյ նա գրեց մեր նոր ժամանակի վիպագրութեան ամենակարեւոր երկերից մէկը — «Կարմիր Ժամուցը»: Երկրորդ մահափորձից յետոյ գրեց մեր աշխատաւորական արձակի ամենահամարձակ էջը — «Ոսկի Ապրօջանը»:

Մի բարեբախտութիւն եղաւ հայոց գրականութեան համար, որ կ. Պոլսի եւ Վենետիկի գնդակները չհասան իրենց նպատակին: Բարեբախտութիւն եղաւ, որովհետեւ այսօր հայոց գրականութիւնը ունի երկու արժեքաւոր երկեր, որոնք գարաջրան են բնորոշում եւ որոնք չէին լինի այլապէս:

Բայց անիծեալ ճակատագիրը երրորդ անգամ անողոք եղաւ գրագետի հանդէպ, աւելի եւս անողոք եղաւ մեր գրականութեան համար: Արփիար Արփիարեանի գէմ չարաբաստիկ մահափորձը կրկնուեց 1908 թուին կաշիրէում, եւ այս անգամ այլ եւս չաղատուեց նա: Անհատը ընկաւ անէութեան գիրկը մի ծանր վայրկեանի մէջ, թերեւս չգտալով սարսափելի եւ յանկարծական իրողութեան բոլոր տագնապը: Բայց նրանից յետոյ մենք զգացինք, եւ զգում ենք մինչեւ հիմա, թէ ինչ կորուստ ունեցաւ հայոց հալածուած գրականութիւնը: Մենք զգացինք, որ «Կարմիր Ժամուց» ներ եւ «Ոսկի Ապրօջան» ներ ստեղծագործող գրագետը անդառնալի կերպով հեռացաւ մեղանից, թափուր թողնելով իր տեղը երկար ժամանակ:

Արփիարեանը մեղանից հեռացաւ դեռ այրական հասակում, աշխատանքի եւ մտաւորական կեանքի կատարեալ կարողութեան մէջ: Կա գիտէր

մեր պատմութիւնը, մեր իրականութիւնը, մեր լեզուն, մեր գրականութիւնը, ինչպէս քչերը գիտեին նրա ժամանակ եւ աւելի եւս քչերը գիտեն հիմա: Փորձառութիւններ ուներ նա մեր միջավայրի զանազան խաւերից: Ճանաչում էր եկեղեցականին, հարստին, մտաւորականին, արհեստաորին, գործաւորին: Եւ ինչ որ չափազանց գնահատելի է եւ զարմանալի, այդ գրագէտը գնում էր կեանքի հետ, չքարանալով մի իդէալի վրայ, երբ իրականութիւնը իր զարգացման յարատեւ շարժման մէջ ցոյց էր տալիս հիդէալների ապիկարութիւնը, վասակարութիւնը:

Իրականութեան կատարեալ զգացումն ուներ նա:

Ծնուելով եւ մնուելով մի միջավայրում, որ կրում էր ամիրայականութեան եւ միջնադարեան եկեղեցականութեան խոր կնիքը — Արփիարեան չյամառեց իր սքոլաստիքական դաստիարակութեան մէջ: Գրաբարի կապանքների մէջ մինչեւ քսան տարեկան հասակը մնալով ակամայ կերպով — նա դպրոցից յետոյ ծառացաւ գրաբարեան նուիրական դարձած աւանդութիւնների դէմ: Գաղութային իրականութեան եւ մտայնութեան մէջ մեծանալով — նա զգաց, որ հայ գրականութիւնը կարող է գոյութիւն ունենալ միմիայն գաւառուկան ոյերով եւ գաւառուկան հողի վրայ հիմնուելով: Բարոյական համակերպութեան միջնոլորդում իր մանկական եւ պատանեկան տարիները կերակրելով — Արփիարեան զգաց, որ ոյժի աղդեցութեամբ միայն ժողովութերը կարող են իրենց համար մարդկային կեանք ապահովել, անշուշտ այս ոյժը իմաստութեամբ եւ իրականօրէն գործադրելով:

Եւ վերջապէս, ազգային ոռմանտիզմի հոսանքի մէջ ընկնելով, գնալով որոշ ժամանակ այդ նոր հոսանքի հետ — Արփիարեան յիսուն տարեկան հասակում զգաց, որ նա եւս հնացաւ մեր մշտանորոգ կեանքի համար: Եւ զգալով՝ այդ՝ գնաց հոսանքի դէմ, ցոյց տալով որ մեր ժողովրդի փրկութիւնը արտաքին միջամտութեան մէջ չէ, որ այլասերուած եւ գրամատիրական եւրոպան չի կամենայ եւ չի կարող հայ աշխատաւոր զանգուածների իդէալները իրագործել:

Բոլոր այս ինդիրները մենք քննում ենք այնչափ, որչափ կապուած են Արփիարեանի գրական գործունեութեան հետ: Մենք դիտում ենք զրագէտը եւ տալիս ենք այն, ինչ նրա գրական ստեղծագործութեան մէջ տեսնում ենք: Իրեւ կուսակցութեան մարդ, իրեւ քաղաքական գործիչ, իրեւ հրապարակագիր — Արփիարեան չի կարող այսօր արժէքաւոր լինել: Ինչ որ մնացել է նրանից մեր սերնդի համար, ինչ որ կը մնայ այսուհետեւ եւս — Արփիարեանի գրականութիւնն է: Այդ գրականութեան մէջ ցոլանում է 80 ական թուականների մեր հասարակական եւ տնտեսական իրականութիւնը: Այդտեղ ներկայացուած է 90 ական թուականների մեր ժողովրդական յեղափոխութիւնը ոչ իրեւ ծրագիր, այլ իրեւ իրողութիւն, կենդանի, ապրող տիպերով:

Այդտեղ ցոլանում է վերջապէս 900 ական թուականների մեր աշխա-

տաւորի կեանքը եւ մեր աշխատաւորական իդէալը, որ սրբագրում է հինը եւ որ նոր ձամբաներ է ցոյց տալիս մեր ժողովրդին:

Այս բոլոր սակայն դրուած է ոչ թէ հրապարակագրական ձեւի մէջ իրեւ գաղափար, այլ գրական-գեղարուեստական ամբողջութեան մէջ, իրեւ կենդանի ապրում, իրեւ կենդանի մարդ:

Իրեւ հրապարակագիր՝ Արփիարեան մշակուած չէր ժամանակի ընկերաբանական եւ տնտեսական գիտութիւններով: Բայց Արփիարեան կեանքի գործառութիւն ուներ պատկառելի չափով, Արփիարեան կեանքի իմաստութիւնը ուներ — եւ տեսնում էր այն, ինչ որ ուրիշները կարդում էին:

Հրապարակագրութեան մէջ Միքայէլ Նալբանդեանից յետոյ գալով ժամանակագրական կարգով, այնուամենայնիւ նրան բնաւ հաւասար չէր, նրան ամենեւին չէր կարող համնել: Այն, ինչ որ 60 ական թուականներին Նալբանդեանը հասկացել էր եւ աւանդել նոր սերունդին, Արփիարեան 80 ական թուականներին տակաւին չէր հասկացել, ինչպէս չէր հասկացել նրա ժամանակակից եւ նրա բարեկամ գրիգոր Արծրունին:

Այս տեսակէտից, թէ գրիգոր Արծրունու հրապարակագրութիւնը կովկասում եւ թէ Արփիարեանի հրապարակախօսութիւնը կ. Պոլսում առաջադիմութիւն չէր: Բայց իր միջավայրում, կ. Պոլսի այն ժամանակուայ յետամաց պայմանների մէջ — Արփիարեան այնուամենայնիւ ամենաուժեղն էր եւ ամենէն առաջադէմը: Գրիգոր Օտեան, Մատթէոս Մամուրեան, Զիլինկիրեան, Մինաս Զերազ, որոնք նրանից աւելի վաղ էին հրապարակագրական ասպարէզ մտել, Բիւզանդ Քէշեան, Գրիգոր Զօհրապ, Յովհաննէս Շահնազար, որոնք գրում էին նրա ժամանակ եւ նրանից յետոյ — ամբողջութեան մէջ չկարողացան գերազանցել Արփիարեանին կամ նրան հաւասարել: Այդ հրապարակագիրների համեմատութեամբ Արփիար անկասկածելի առաւելութիւններ ուներ: Աւելի նոր էր, կենդանի, ժամանակակից, քան նրանցից որ եւ է մէկը: Ուժեղ խառնուածք ուներ իր հրապարակագրութեան մէջ, ժողովրդական էր, համարձակ էր, շեշտակի էր:

Այսպէս էր նա “Արեւելք” մէջ 80 ական թուականներին, այսպէս էր մանաւանդ “Հայրենիք” մէջ 90 ական թուերին, այսպէս էր նաև “Նոր կեանքի”, մէջ՝ իր բոլոր պաշտօնակիցների բաղդատութեամբ:

Բայց այսպանը միայն: Եւ այսպանը ապահովաբար բաւական չեղաւ, որ մեր հրապարակագրութեան մէջ Արփիարեան մնայ իրենից յետոյ, որովհետեւ նա չկարողացան Նալբանդեան լինել կամ նրա գործը շարունակել:

Գեղարուեստական գրականութեան մէջ սակայն նա աւելի եղաւ, եւ այստեղ նա Միքայէլ Նալբանդեանի պէս նորագոյն ժամանակի ոգին զգաց եւ վերարտադրեց:

Այս ոգու զգացողութիւնը եւ վերարտադրութիւնը ողբան էլ սակաւաթիւ գործերի մէջ անձնաւորուէր — այնուամենայնիւ մնայունը, ապրող եւ գեղեցիկը այդտեղ էին:

Կովկասահայերի մէջ 80 ական թուականներից յետոյ սկսուեց իրական վիպագրութիւնը, որի գեղարուեստական արտայայտիչները եղան լէօ եւ մասնաւանդ Շիրվանզադէ: Գրեթէ միեւնոյն ժամանակ կ. Պոլսում հիմք գրուեց իրապաշտական վիպագրութեան, որի ներկայացուցիչը եղաւ Արփիար Արփիարեան: Գրիգոր Զոհրապ, Տիգրան Կամսարական, լեւոն բաշալեան եւ ուրիշները Արփիարեանի ստեղծած ճանապարհով գնացին եւ զարգացան նրա գաղափարական ազդեցութեան ներքոյ:

90 ականի վերջերում եւ 900 ականի սկիզբներում կովկասահայ քաղաքական եւ սոցիալական արձակը արտայայտուած էր մեծ մասամբ Աւետիս Ահարոննեանի երկերի մէջ, որ բաֆֆի երկերի արձագանքն էին եւ որ ընդհանրապէս երեւակայական գործեր էին: Արփիարեան այդ ժամանակ ներկայացրեց մեր քաղաքական իրականութիւնը՝ կենդանի մարդկանց միջոցով: Ոչ բաֆֆի պէս ծրագիրներ էր տալիս նա յեղափոխական շարժման համար, եւ ոչ էլ Ահարոննեանի պէս լալիս էր այդ շարժման անյաջողութիւնը — այլ նկարում էր շարժման անձերը եւ պատկերացնում էր շարժումը իրական եւ ճշմարիտ հոգեբանութեամբ: “Կարմիր ժամուց”<sup>1</sup> այդ գրականութեան լաւագոյն արտադրութիւնն է իբրեւ հոգեբանական եւ գեղարուեստական երկ, եւ ոչ իբրեւ քաղաքական պրօպագանդա:

Բայց Արփիար Արփիարեան չմնաց այդ կէտի վրայ եւ մեր վիպագրութեան համար նոր ուղիներ բաց արեց: Այստեղ արդէն նա մենակ էր իր ժամանակ, մենակ է տարաբախտաբար մինչեւ հիմա:

Ահա թէ որտեղ է գրագէտի մեծութիւնը:

Իբրեւ գրագէտ՝ Արփիար Արփիարեան ազնիւ կեանք ունեցաւ: Ապրեց նա ծանր եւ տաժանելի պայմանների մէջ, չարքաշ, նեղութիւններով լի, ամենօրեայ եւ շարունակական զոհողութիւններով:

Եթէ մինչեւ անդամ ապագայի անաշառ պատմաբանը հաստատի, թէ այդ տաղանդաւոր հեղինակը, տկար եւ անդիտակից ժամերին, մարդկայնօրէն մեղքեր է գործել — ապա գրականութեան համար նա լիովին սրբագրել է իր մարդկային թերութիւնները, այնքան սրտառուչ եւ ազնիւ երկերով, այնքան դառն կեանքով եւ մանաւանդ այն ողբերգական մահով: Որովհետեւ ովէ է, որ մեր անկատար աշխարհում կարող է աւելին պահանջել: Եւ բարոյապէս որքան անմեղ են նրանք, որոնք մեռնում են փառքի գագաթնակէտին, հասարակութեան ովաննաները վայելելով:

Իսկ եթէ տիսուր առեղծուածը լուսաւորուի Արփիարեանի անմեղութեամբ — այն ժամանակ նրա անունը պիտի մնայ մեր գրականութեան մէջ իբր իսկական նահատակի անուն:

Նա պիտի ներկայանայ յետնորդ սերնդին աւելի ողբերգական կերպարանքով, քան մեր նոր գրականութեան որ եւ է մէկ հեղինակը, որովհետեւ նրա մահը հաղարապատիկ աւելի գառն էր:

Արփիար Արփիարեան մեր գրականութեան մէջ յեղաշօնում մոցրեց: Նրա գործը ոչ միայն ազնիւ է իր խորքով, այլ եւ գեղեցիկ է իր արուեստով:

Եւ ինչ որ այդ ողբերգական գրագէտին բարձրացնում է սերունդների աչքում, այդ նրա գործի ոչ միայն պատմական մասն է, այլ եւ ներկայ արժէքն է, որով նա կարող է այսօր էլ օրինակ լինել նոր գրողներին...

## II.

### Կ Ե Ս Ն Ք Է

Արփիար Արփիարեանի կեանքի վրայ մեկը շատ համառօտ կանգ կառնենք: Եւ կ'աշխատենք այնպիսի էջեր մատնանշել, որոնք անմիջապէս կապուած են նրա գրական գործունէութեան հետ:

Ծնուել է նա մի ճանապարհորդութեան ընթացքում, երբ նրա ծնողները Ակնի Ապուչելս գիւղից կ. Պոլիս էին գնում, 1850 թուին, Սամաննաւահանգստում: Գրիգոր Զոհրապ, Արփիարի մասին գրած իր սրամիտ յօդուածում, այս պարագան խորհրդածութեան նիւթ է գարձնում եւ Արփիարեանի կեանքը համեմատում է ալեկոն, խորոնկ եւ տատանուող ծովին:

“...Նաւագնացութեան մը միջոցին, ծովի վրայ լոյս տեսած այս երիտասարդը, արկէ թերեւս, անդունդի վրայ քալող մարդու քայլուածքն ունի եւ զլիս պտոյտը:”

“...Իր անհաւասար գրականութիւնը այս ծովին պէս լեցուն է անկումներով եւ բարձրացումներով...”<sup>1</sup>

Կ. Պոլիս համելով Արփիարեանի ծնողները տեղաւորում են Օրթագիւղ, ուր եւ մեծանում է նրանց զաւակը:

Այսպէս, Արփիարեան չէ ծնուում գաւառական ժողովրդի միշավայրում, բայց ապրում է մի ընտանիքում, որ գեռ նոր էր գաղթել գաւառից եւ պահում էր գաւառի սովորութիւնները, բարբերը, լեզուն:

Ծնողների գաղթականութեան պատճառները մեզ յայտնի չեն, բայց յայտնի է, որ Ապուչելս եւ առհասարակ Ակնի շրջանը շատ սակաւահող երկիր է եւ գիւղացիները չեին կարողանում երկրագործութեամբ իրենց օրան ապրուստը հայթհայթել:

Կ. Պոլիս տեղափոխուելով՝ ծնողները չեն կտրում գաւառից: Թղթակցութիւններ են ստանում հայրենիքից, որոնց մէջ սրտաձմիկ ոճերով պատւում է գաւառի կեանքը, մնացողների վիճակը, ժողովրդի ամենօրեայ ողբերգու-

<sup>1</sup> “Օանօթ գէքեր — Արփիար Արփիարեան..” Գ. Զոհրապի:

**Թիւնը:** Այդ նամակներից շատերը կարդում է Արփիարեան եւ տակաւին մանուկ հասակից կապւում է գաւառի կեանքի հետ:

“...Մանկութենէ ի վեր կարդացած եմ այդ նամակները, լսած եմ ակնցիներու պատմութիւնները, տեսած եմ անոնց արցունքները, ու այդ ամենը վրաս խոր տպաւորութիւն թուշած են, եւ սիրոս լեցուցած են այնպիսի զգացումներով, զորս միայն պիտի կարենամ մասամբ բացատրել, եթէ օր մը ինձ հնարաւոր ըլլայ զրել ակնցիներու կեանքէ այն վէպը, որուն կը տենչամ երկար ատենէ ի վեր<sup>1:</sup>”

Այս միջավայրը անջնջելի տպաւորութիւն է թողում Արփիարեանի զգայուն մտքի վրայ, եւ հասուն տարիներում նրա հրապարակագրական եւ գրական աշխատանքների ուղղութիւնը մեծ չափով պայմանաւորում է:

Սկզբնական կրթութիւնը Արփիարեան ստանում է Օրթագիւղի թարգմանչաց դպրոցում, որտեղ նա կոչում է Արփիար Փիլիպպոսեան:

Օրթագիւղի դպրոցը բացառութիւն չէր ներկայացնում այն ժամանակուայ մեր դպրոցական հիմնարկութիւնների մէջ: Քերականութեան, ճարտասանութեան, գրաբարի դաստիարակութիւնն էր, որ տակաւին յամառում էր իր միջնադարեան տիրապետութեան մէջ եւ չէր ուղղում ենթարկուել նոր մանկավարժութեան ու հոգեբանութեան տարրական օրէնքներին: Այդպիսի դպրոցում էր սովորել Պետրոս Դուրեան, մեր նորագոյն բանաստեղծութեան հիմնադիրը: Այդպիսի դպրոցում սովորեց նաեւ Արփիար Արփիարեան, մեր նոր արձակի եւ իրապաշտական գրականութեան ներկայացուցիչը:

Այդ դպրոցից գուրս գալով՝ Արփիարեան եղաւ գրաբարեան դաստիարակութեան համոզուած հակառակորդը եւ աշխարհաբարի տաղանդաւոր պաշտպանը:

“...Մենք գրաբարի... հակառակորդ ենք, երբ կուզուի դպրոցին մէջ մատղաշ տղոց միտքը չարչըկել գրաբարի անպէտ, վնասակար ուսուցումնվ, երբ աշխարհաբար գրելու համար կուզուի կուրօրէն հետեւել գրաբարի կազմակերպութեան<sup>2:</sup>...”

Օրթագիւղի դպրոցի մասին յետագյում մի քանի հետաքրքրական յիշողութիւններ է հրատարակել Արփիարեան<sup>3:</sup>: Այդ յիշողութիւնների մէջ չափազանց գառն տրամադրութեամբ է արտայայտուել դպրոցում տիրող մուաւոր եւ բարոյական դաստիարակութեան նկատմամբ: Առանձնապէս բացացական կերպարանքով է ներկայացրել նա կրօնադիտաւութեան ուսուցիչ Աւետիս Պէրպէրեանին, որ նրա հաղորդագրութեան համաձայն եղել է խստաբարոյ, գաֆան եւ բարբարոս: Այդ ուսուցչի բարոյական ամրող դաստիարակութիւնը արտայայտուած է եղել “որ ոչ լուիցէ ունկամբ, լուիցէ

<sup>1</sup> “Հայրենիք”, Կ. Պոլիս 1891 թ., Օգոստ. 8:

<sup>2</sup> Կեանքի Լեզուն, Արփիարեան, “Հայրենիք”, Կ. Պոլիս, 4 Հոկտեմբ. 1392:

<sup>3</sup> “Անցեալ Յիշատակներէն”, “Հայրենիք”, Կ. Պոլիս 1892 թ., Մարտ 8:

թիկամբ” հին սկզբունքի մէջ, որ նա ըմբռնել է կատարելապէս բառացի իմաստուլ, ուղղուած իր մատաղահաս եւ անպաշտպան աշակերտների դէմ:

Այս նկարագրութիւնը զարմանալի կերպով նման է այն նկարագրութեան, որ տուել է գերձ գուշեան կովկասահայ հին դպրոցների վերաբերմամբ: Գրանից երեւում է, որ հայ հեղինակները թէ արեւելահայերի եւ թէ արեւմտահայերի մէջ սարսափելի ծանր դժուարութիւններով են իրենց համար ծանապարհ բաց արել կեանքի եւ գրականութեան ասպարիզում: Միւս կողմից, գրիգոր Զօհրապ, որ տարբեր ձեւով է ներկայացնում Աւետիս Պէրպէրեանին իր յիշողութիւնների մէջ — դպրոցական ընդհանուր ոէժիմի մասին նոյն դիտողութիւններն է հաղորդում:

Այս պայմաններում, անշուշտ, Արփիար Արփիարեան շատ բան չէր կարող ստանալ Օրթագիւղի դպրոցից: Միակ բացառութիւնը, որի մասին Արփիարեան խօսում է մեծ յարգանքով եւ սրտառուչ երախտագիտութեամբ՝ թուաբանութեան ուսուցիչ գարբիել Ներշապուհն է եղել<sup>1:</sup>: Այս ուսուցիչը թուաբանութեան չոր գասերից զատ՝ սովորեցնում էր ամեն ինչ: Նա բանաստեղծ թուաբան էր, ինչպէս արտայայտում է Արփիարեան: Վիկտոր Ճիւգօի մասին առաջին անգամ նրանից է լսել: Խօսել է քրանսիական գրականութեան լաւագոյն ներկայացուցիչների մասին, բացարել է, կարեւոր գէպքերում կարդացել է լսուիր էջեր — մի խօսքով բաց է արել ուսումնածարաւ պատանիների սիրտը: Տարիներ յետոյ, երբ գարբիել Ներշապուհ հեռանում է դպրոցից, միայնութեան մէջ բանաստեղծութիւններ է գրում եւ հրատարակում է “Մոհոցուած մարդը», ծածկանունով — Արփիարեան խիստ վիշտ է զգում, քանի որ Ներշապուհը բնաւ մոռացուած չէ իր աշակերտների համար:

Օրթագիւղի դպրոցում Արփիար Արփիարեան մնում է մինչեւ 1865 թուականը, եւ ստանում է այն, ինչ որ այդ յետամնաց ժամանակներում եւ այդ միջավայրում կարելի էր ստանալ:

1867 թուին մեկնում է Վենետիկ, մանում է Մուրատ-Ռաֆայէլեան վարժարանը, ուր աշակերտում է բանաստեղծ Վենենդ Ալշանին:

Ռաֆայէլեան դպրոցում Արփիարեան կատարելագործում է հայերէն լեզուն, հայոց պատմութիւնը, հայ գրականութիւնը, ծանօթանում է իտալական եւ ֆրանսիական գրականութիւնների հետ, որ յետագյում որոշ չափով աղեցութիւն են ունենում: Նրա գրական գործունէութեան վրայ: Առում ենք որոշ չափով, քանի որ Արփիարեանի իրապաշտական գրականութիւնը աւելի մեծ չափով կապուած է ուրիշ աղեցութիւնների հետ, որոնց մասին քիչ յետոյ առիթ կունենանք խօսելու: Ոչ այն դաստիարակութիւնը, որ նա ստացաւ Օրթագիւղի թարգմանչաց դպրոցում եւ ոչ այն, որ նա ստացաւ Վենետիկ — իրենց ներքին սկզբունքներով իրապաշտական չէին: Կեղծ դասականու-

<sup>1</sup> “Օրը Օրին», “Հայրենիք», Կ. Պոլիս 1892, Աւպա. 4:

թեան եւ մասամբ ոռմանտիզմի բարյական միջավայրեր էին նրանք, որոնք տալիս էին գլխաւորապէս Պէտիկթաշլեանի, Հերիմեանի, Թերզեանի, Աճեմանի նման գրագէտներ:

Անկախ ստացած դաստիարակութեան ուղղութիւնից՝ Արփիարեան Վենետիկեան գպրոցում ձեռք բերեց մտաւոր պաշար, որ յետագյում օգնեց նրան գրական եւ հրապարակագրական ասպարիզում:

Վենետիկի գպրոցն աւարտելուց յետոյ Արփիարեան վերադարձաւ Կ. Պոլիս: Սկզբում եղաւ քարտուղար հայոց պատրիարքարանի մէջ, յետոյ սեղանաւորի մօտ հաշուակալի պաշտօն ստանձնեց: Բայց այսպիսի պաշտօնները չէին կարող բաւարարութիւն տալ Արփիարեանի բնոյթին — եւ նա կարձատեւ խարիսափոմներից յետոյ գտնում է իր խիկական ճանապարհը, հանրային գործունէութեան, հրապարակագրութեան եւ գրականութեան ասպարէզը: Արփիարեան ընտրում է երեսիսիսն Ազգային ժողովի, նշանակելի գեր է կատարում Արարատեան Ընկերութեան հիմնադրութեան մէջ, որ նպատակ ունէր Հայաստանի գաւառներում ժողովրդական գպրոցներ բայց անել եւ որ այդ առաքելութեամբ Վասպուրական է ուղարկում Մկրտիչ Փորթուգալեանին: Արփիարեան գաղափարական յարաբերութեան մէջ է մննում ոչ միայն գաւառի հայութեան, այլ եւ կովկասահայերի հետ: Աշխատակցում է Գրիգոր Արծունու «Մշակ» ին կանոնաւոր եւ սերտ կերպով, անցնում է Կովկաս հանրային գործերով, լինում է Թիֆլիս, Երեւան, Էջմիածին, ծանօթանում է կովկասեան կեանքի ու տրամադրութիւնների հետ, ինչպէս եւ արեւելահայ գրողների — Բաֆֆիի, Պերճ Պոօշեանի, Ղազարոս Աղայեանի եւ միւսների հետ: Կ. Պոլիս վերադառնալով՝ «Արեւելք» ի եւ «Մասիս», մէջ, 1884ին, մի շաբք յօդուածներ է հրատարակում եւ աշխատում է ամեն կերպ արեւելահայութեան եւ արեւմտահայութեան գրականութիւնները, կեանքը, տրամադրութիւնները իրար մերձեցնել: Արփիարեանի գերը այս տեսակէտից լինում է բաւական նշանակալից, այն ժամանակուայ համար մասնաւանդ, երբ գրական-բարյական կապը այդ երկու հատուածների միջեւ դեռ նոր էր սկսում:

Այս շրջանից է սկսում Արփիարեանի գրական-գեղարուեստական գործունէութիւնը: 1885 թուականին հրատարակում է նա իրապաշտական գրականութեան երեք նախափորձեր — «Դաստապարտեալը», «Երազի մը Գինը», եւ «Կատակը», — ամփոփուած մի հատորի մէջ, որ կրում էր «Կեանքի Պատկերներ» ընդհանուր խորագիրը: 1889—1890 թուին Արփիարեան մտնում է Հնչակեան կուսակցութեան մէջ, քաղաքական գործունէութեան համար ձեռքալւում է 1890ին, ապա ազատ արձակուելով՝ 1891 թուին Յովշաննէս Շահնազարի հետ հիմնում է «Հայրենիք», օրաթերթը:

Այս օրաթերթը, ուր մասնակցում էին ժամանակի երիտասարդ գրական եւ հրապարակագրական ոյժերը, Կ. Պոլիսի մտաւորական-հասարակական կեանքում նշանակելի երեւյթ էր: Ժողովրդական-դեմոկրատական սկզբունք:

Ների պաշտպան էր նա ընդհանրապէս՝ ուղղուած վերմաշուքների աւատական հոգեբանութեան եւ մտայնութեան դէմ: Կովկասի իր մէկ բարեկամին գրած նամակի մէջ՝ Արփիարեան խօսում է վերմաշուքների եւ «Հայրենիք»ի յարաբերութիւնների մասին, որից երեւում է թէ ինչպիսի չափաւոր ծրագիր ունէր թերթը եւ թէ Կ. Պոլիսի ամիրայական միջավայրում այդ չափաւոր ծրագիրն անգամ ինչպիսի հակառակութիւն էր գտնում:

“...Աղնուաշուքներու եւ վերմաշուքներու շրջանակները “Հայրենիք”, Կիրող չեն: Երեւակայեցէք, որ անոնց անունները պարզ կը գրենք, առանց շողողուն տիտղոսներու, առանց զանազաններու ‘հասարակ մահկանացուներէն’, Անոնց հարսանիքներն ու մեռները, անոնց ուղեւորութիւնները մեզ համար կարեւորութիւն չունին եւ չենք գրեր ‘գոհանակութեամբ, կամ կորինցաւով’,:”

Կ. Պոլիսի հարուստ դասսակարգի թշնամութիւնը լոկ տեսական չեր դէպի “Հայրենիքը”: Այդ թշնամութիւնը գործնական արտայատութիւն է ստանում նրանով, որ վերմաշուքները աշխատում են փակել տալ թերթը կառավարութեան միջոցով: Արփիարեան եւ իր ընկերները ծանրածանր գժուարութիւններով են կարողանում փակուած թերթը վերստին հրատարակել եւ շարունակել իրենց պայքարը մեռնող դասի դէմ:

Յետագյում Պ. Արշակ Զօպանեան խօսելով Արփիարեանի եւ նրա վարած այս պայքարի մասին, հետեւեալ պարզունակ ձեռով է պատկերացնում այն:

“...Հայրենիք, ի մեծ սխալներէն մէկը եղաւ անհաշտ ու մոլեգին կոխւ մղել ամբողջ հարուստ դասսակարգին դէմ: Եթէ ‘Հայրենիք, հարուստներէն մէջն բոնուելիք կողմեր ունեցողներուն նկատմամբ բարեկամական քննադատութեան, անթոյն խորհրդատութեան մեթօդը գործածած ըլլար, անոնցմէ մէկ կարեւոր մասը իր բանակին մէջ պիտի ունենար, եւ անոնցմով պիտի կարենար իրագործել ծրագիրներ, որոնք միայն կծու քրոնիկներով չէ որ կրնան իրագործուիլ: Արփիարեանի ուղղութիւնն էր, որ գլխաւոր պատճառ կազմեց այդ անջատումին<sup>1</sup>:”

Բայց Արփիարեանի առաւելութիւնը իսկ եւ իսկ այնտեղ էր, որ նա չէր կամենում կամ չէր կարողանում տեսնել “բոնուելիք կողմեր ունեցող” հարուստներ: Եւ եթէ այդ “ուղղութեամբ” էր նա տարբերւում Կ. Պոլիսի եւ “Հայրենիքով իր ընկերներից — ապա դա վարձք է եւ ոչ մեղք, եւ այդ է, որ նրան հետաքրքրական եւ ուսանելի է դարձնում նաեւ ներկայում:

1895 թուականի Սեպտեմբեր 18ին Կ. Պոլիսում տեղի է ունենում Հնչակեանների ցոյցը: Ցոյցից յետոյ շատ հայեր թագնուեցին եւ յետոյ դաշտնի անցան արտասահման: Արփիար Արփիարեան հեռացողների մէջ էր:

<sup>1</sup> “Արփիար Արփիարեան”, յօդուած Ա. Զօպանեանի. “Անահիտ”, 1901 թ., Փետրուար:

1896 թուականից մինչեւ 1901 նա ապրում է Լօնդոնում Հնչակեան կուսակցութեան գործերով: Վարում է այնտեղ՝ “Նոր-Լեանք”, եւ “Մարտ” թերթերի խմբագրութիւնը իրեն յատուկ տաղանդով, ապա անցնում է Պարիս, որտեղից 1902 թուին տեղափոխում է Վենետիկ, ուր եւ հիմում է “Հայ Հանդէսը”: Այդ ժամանակուանից Արփիար Արփիարեանի համար սկսւում են ծանր, ողբերգական տարիները: Տարիքն արդէն բաւական առաջցած է: Երիտասարդական հասակում կարող էր ամեն տեսակ նեղութիւններ տանել եւ փոյթ չէր: Բայց հիմա մենակ, լքուած իր ընկերներից եւ բարեկամներից, զուրկ նիւթական յետին միջոցներից — Արփիարեան շարունակում է կրել կեանքի անտանելի բեռը եւ աշխատել հայ գրականութեան համար: Այդ ըրչանին է պատկանում նրա “Կարմիր ժամուց”, ուժեղ, գեղարուեստական գրուածքը, որ արտադրել է նա ամենագժուարին պայմանների մէջ:

Երկրորդ մահափորձից յետոյ, 1903 թուին, Արփիարեան դադարեցնում է “Հայ Հանդէսը”: Ապա տեղափոխում է Եգիպտոս, ուր եւ վարում է “Շիրակ”, ամսագրի Խմբագրի պաշտօնը: Հրապարակագրական եւ այլ տեսակի բազմաթիւ յօդուածների հետ միասին՝ նա այդ շրջանում արտադրում է երկու գեղարուեստական գործ: Այդ գործերից մէկը, “Մինչեւ երբ”, խորագրով մի հետաքրքրական պատմուածք, վերամշակութիւնն է մի պատմուածքի, որ Արփիարեան հրատարակել է 1889 թուի “Մասիս” մէջ: Երկրորդը, “Ոսկի Ապրջան”, խորագրով, աւելի մեծ եւ ամբողջական գործ է, ներկայացնում է մեր աշխատաւորական գրականութեան ամենէն համարձակ, խիզախ եւ տաղանդաւոր էջը:

Մինչ այսպէս մեծամեծ զոհողութիւններով եւ տանջանքներով հարստացնում էր նա մեր մտաւորական գանձարանը — կրկնում է երրորդ անգամ յամառ, աղէտաւոր մահափորձը, 1908 թուի Յունուար 30ին, եւ Արփիար Արփիարեան անշնչացած ընկնում է կահիրէի փողոցում:

Ահաւասիկ եղերական եւ հերոսական կեանքը այս համարձակ, ինքնուրոյն, ուժեղ գրագէտի, որի կորուստը մինչեւ այժմ էլ այնքան դգալի է մեր գրականութեան համար եւ որի աղէտալի ճակատագրի առջեւ ամենասառնասիրտ մարդն անդամ կը յուղուի մինչեւ հոգեկան խոռվութիւն:


Իր մահից ընդամենը կէս տարի առաջ “Քաւութեան կանթեղ”, խորագրով մի յօդուածի մէջ Արփիարեան պատմում է հետեւեալ սրատառուչ զոյցը:

“...Վենետիկ, երբ իրիկունները մութը կը կոխէ, սուրբ Մարկոսի գմբէթին ներքեւ, հրապարակին վրայ նայող անկիւն մը, կանթեղ մը կսկսի պլազմալ: Հանրապետութեան օրով ոճրի մը առիթով հացավաճառ մը իրը եղեռնագործ մահուան կը դատապարտուի: Խեղճը կախուելէն յետոյ՝ անոր անմեղութիւնը կը յայնուի: Անկէ ի վեր հարիւրաւոր տարիներ են՝ Վենետիկը իր սխալումը քաւելու խղճահարութեամբ ամեն գիշեր կանթեղ մը կը վառէ անմեղին հոգուն:”

Արփիարեան զգում էր արդեօք, որ մի տարի չանցած ինքն էլ պիտի գնդակահար ընկնի ստեղծագործական աշխատանքի մի բեղմաւոր շրջանում:

Վենետիկի պէս “քաւութեան կանթեղ”, չենք վառել մենք ողբերգական Արփիարեանի համար: Միստիքական գործերը հին ժամանակների հետ անցել են յաւէտ:

Բայց Արփիարեանի իրական գործը մնում է մէջ տեղ: Եւ մենք պարաւաւոր ենք այդ իրական գործը ճանաչել, գնահատել եւ ներկայի համար արժէքաւոր դարձնել:



### III.

#### ՄԻ ԶԱՎԱՅՅՐ ԵՒ ԱԶԳԵՑՈՒԹԻՒՆՆԵՐ

Արփիար Արփիարեանի գրական գործը առաջցաւ որոշ միջավայրի մէջ եւ որոշ աղղեցութիւնների ներքոյ: Աը կամենայինք գէթ համառօտ կերպով այս խնդիրը ներկայացնել, որպէս զի նրա գործը աւելի պարզ երեւայ ընթեցողին:

Կենսագրութեան մի քանի տուեալներից արդէն որոշ չափով կարելի է նրա գործի էութիւնը կռահել:

Առանց գաւառական հողի վրայ ապրելու, նա իր գաւառացի ծնողներից շատ բան իւրացրեց այդ ուղղութեամբ: Տեսանք թէ ինչպէս Ակնի հետ մշտական յարաբերութեան մէջ էր նրա ընտանիքը եւ թէ ինչպէս Ակնից ստացուած թղթակցութիւնները նրա մանկական հոգուն այնքան կարեւոր մնունդ տուին: Այս բարոյական միջավայրում էր մեծացել Արփիարեան եւ այսաեղից էր նրա մէջ միաբ ծագել՝ գրելու մի ընդարձակ վէպ Ակնի կեանքից, ինչպէս տեսանք նախորդ էջերում:

Արփիարեան սակայն չի կարողանում գրել այս վէպը, որովհետեւ կեանքի պարագաների բերումնի նա չի կարողանում գաւառում ապրել եւ անմիջապէս ծանօթանալ գաւառի եւ գիւղի իրականութեան հետ:

Բայց այն, ինչ որ նա ստացել էր իր գաւառական ընտանիքում մանուկ հասակից, ուղղութիւն է տալիս նրան յետագայում եւ ուրիշ տեսակէտով գեր է կատարում նրա գրական-գաղափարական կեանքում: Արփիարեան գրելով իրական վէպեր կ. Պոլսի հասարակական կեանքից, արտադրելով “Կարմիր ժամուց”, ստեղծելով “Ոսկի Ապրջան” ամեն կերպ աշխատում էր գրականութիւնը կապել ժողովրդական կեանքին եւ մեր ներկայ իրականութեան:

Այս կարեւոր աշխատանքը կատարելու համար նա անշուշտ շատ բան ստացաւ ժամանակի իրապաշտական դրականութիւնից, սոցիալական կեանքից եւ գաղափարաբանութիւնից, որոնք զարգացրեն նրա մանկական տարիների լաւագոյն տարրերը եւ որոնց վրայ մենք կանգ կառնենք քիչ յետոյ:

Օրթագիւղի թարգմանչաց վարժարանը Արփիար Արփիարեանին շատ բան չտուց: Ինչ որ Պետրոս Գուրեան ստացաւ Ակիւտարի Ճեմարանում, մասաւորապէս նոյնը ստացաւ Արփիարեան իր թաղի դպրոցում: Աքոլաստիքական դաստիարակութիւնը կաշկանդել էր մաքերը եւ տաղանդաւոր պատանիները պէտք է յագուրդ տային իրենց հոգեկան պահանջնին՝ արտադպրոցական ընթերցանութեամբ եւ դրափ կեանքի ամենօրեայ տպաւորութիւններով:

Դպրոցը նրանց տալիս էր միայն որոշ պաշար, սովորեցնում էր թէկուղ եւ աղաւաղեալ մեթօդով՝ որոշ լեզու, ինչ որ պատանիներին ծառայում էր իբրեւ միջոց եւ իբրեւ զէնք, սեփական նախաձեռնութեամբ կեանքի ծանր ճանապարհով առաջ ընթանալու:

Դպրոցական այս աղքատիկ պաշարի մէջ պէտք է գնել մասնաւորապէս այն ծանօթութիւնները, որ պատանիները ստանում են օտար գրականութիւնից, առաւելապէս ֆրանսիական գրականութիւնից: Արապիոն Թղթեան ծանօթութիւններ էր տալիս իր աշակերտաներին — նրանց թւում եւ Պետրոս Գուրեանին — ֆրանսիական ոռմանտիք բանաստեղծների գործերից: Իսկ Գաբրիէլ Ներշապուհ ծանօթութիւններ էր տալիս ֆրանսիական ոռմանտիք վիպասանների գրուածքներից թարգմանչաց դպրոցի իր աշակերտաներին, որոնց թւում եւ Արփիար Արփիարեանին:

Այսպէս, ծանր եւ գանդաղ քայլերով առաջ էին գնում մեր գրագէտի սկզբնական տարիները:

Վենետիկի Մուրատ-Ռաֆայէլեան դպրոցում — ինչպէս արդէն տեսանք — նա իրական եւ ժամանակակից գրականութեան տեսակէտից նոյնպէս շատ բան չէր կարող ձեռք բերել: Դպրոցական դաստիարակութիւնը այդպէս է ընդհանրապէս ոչ թէ միայն մեր, այլ եւ երոպական բաղմաթիւ հաստատութիւնների մէջ: «Նշանաւոր երրոպացի գրագէտների կենսագրութիւնը ուսումնասիրելի» մենք շատ յաճախ նոյն երեւոյթն ենք տեսնում: Եւ այդ մանաւանդ այնպիսի գրողների նկատմամբ, որոնք որոշ յեղաջրում են առաջ բերում իրենց ժամանակի գրական նիւթի եւ ձեւի մէջ:

Արփիար Արփիարեան մեր գրականութեան այնպիսի առաջամարտիկ հեղինակներից է, որոնց չէր կարող անշուշտ շատ բան տալ դպրոցական սահմանաւորուած դաստիարակութիւնը, ինչ որ բնաւ զարմանալի չէ:

Վենետիկում էլ սակայն Արփիար Արփիարեան ստանում է որոշ զէնք, որով ինքը յետոյ առաջ է գնում, ինքնակրթութեամբ եւ սեփական աշխատանքով: Երրոպական գրականութիւնը այստեղ աւելի եւս բացում է նրա առաջ: Կարգում է ֆրանսերէն, կարգում է իտալերէն, բայց թէ ինչ ուղղութեամբ է կարգում գլխաւորապէս — կենսագրական տուեաների մէջ

որոշակի յայտնի չէ: Մի քանի նիւթերից կարելի է եղբակացնել, թէ Արփիարեանի այդ շըմանի ընթերցանութեան գրեթե առաւելապէս լինում են իտալական եւ ֆրանսիական ոռմանտիքները:

Այդ գրականութեան ազդեցութիւնը նկատում է Արփիարեանի մասաւանդ սկզբնական աշխատանիքների մէջ, բայց այն ոչ թէ ընդհանուր առում մով, այլ նրա զանազան էջերի վրայ, որոնք յամենայն դեպս չեն կարողանում աղարսել Արփիարեանի գրական գէմքը:

Եթէ դպրոցական ժամանակաշրջանը եւ ոռմանտիք գրականութեան ընթերցանութիւնը Արփիար Արփիարեանին շատ բան չեն տալիս նոր տեսակէտով — ապա Կ. Պոլսի կեանքը, ուր նա անցնում է դպրոցական տարիներից յետոյ, բաւական ուսանելի է լինում նրա համար: Գիտում է նա այդ կեանքը — եւ ամենօրեայ դիտողութիւնից անդնահամար կերպութեամբ է ժողովում:

Այդ ժամանակական կեանքը թագեալ գարի 80 ական թուականներին, մեր հասարակական կեանքը թէ կովկասում եւ թէ Կ. Պոլսում բաւական իրար նման գծեր են յայտնաբերում: Դա այն շըմանն էր, երբ մեր գիւղը կորցնում է իր առաջնակարգ բացառիկ նշանակութիւնը եւ երբ զարգանում է քաղաքի կեանքը:

Դրամատիրական հասարակակարգի ազդեցութեան ներքոյ գիւղի նաև հապետական դրումը ենթարկում է մեծ փոփոխութեան: Գիւղը դուրս է գալիս իր մեկուսացած դրութիւնից եւ սկսում է աւելի յաճախակի շփուել քաղաքի հետ: Գիւղացին թէ կովկասում եւ թէ թիւրքիայում թողնում է իր ծննդալյոր եւ աւելի բարեկեցիկ կենցաղի ակնկալութեամբ տեղափոխում է քաղաք:

Կառավարութեան քաղաքականութիւնը միւս կողմից թէ Ռուսաստանում եւ թէ թիւրքիայում նպաստում են այդ տեղափոխութեան: Հողային ինդիբը առաջնակարգ սոցիալական նշանակութիւն է ստանում: Գիւղացին չի կարողանում ապրել սակաւահողութեան կամ անհողութեան դաժան պայմաններում, աւատական հողատէրերի ստեղծած տնտեսական ձորտութեան մէջ — եւ անցնում է արդիւնաբերական կենցրոնները:

Տակաւին վաթսունական թուականներին Միքայէլ Նալբանդեան նկատել էր այս երեւոյթը իր «Նրկագործութեան» մէջ եւ սրտառուչ էջերով նկարագրել էր այն հայաստանցիներին, որոնք թողնելով գաւառը կենդրունաւուր են Պոլս, Տրավիդն, Խոմիք եւ այլուր:

Արփիար Արփիարեանի ժամանակ այս երեւոյթը արդէն շատ խոշոր չափերով գոյութիւն ունէր: Հետզիւտէ ստեղծում եւ զարգանում է մեր դրամատիրական գասակարգը: Արեւելահայ հասարակութեան համար գրամատէրերի կենդրոն հանդիսանում է Բագուն, իսկ արեւմտահայերի համար Կ. Պոլսը: Եւ երկու կենդրոններում էլ — չնայելով քաղաքական եւ քա-

Դաքակրթական տարբերութիւններին — ստեղծում է դրամատիրական նման հոգեբանութիւն, անտեսական գործոնների զօրաւոր ազգեցութեան ներքոյ: Այս հոգեբանութիւնը արտայայտուած է՝ մէկ կողմից Շիրվանղագէի երկերի, միւս կողմից՝ Արփիար Արփիարեանի իրապաշտական դրականութեան մէջ: Դատապարտեալով Հայրապետ էֆէնտին, “Կատակոկի գրիգոր էֆէնտին նոյնպիսի անձնաւորութիւններ են, որոնց նմանը մենք այնքան յաճախ պատահում ենք Շիրվանղագէի վէպերում եւ դրամաներում:

Քաղաքների զարգանալով եւ կազմակերպուելով փոխում է ազգաբնակութեան նախկին կազմը: Թէ կովկասում եւ թէ կ. Պոլսում ծագման դասը կամաց-կամաց տեղի է տալիս եւ զիջում է իր իրաւունքները առեւտրական, վաճառական դասին: Կ. Պոլսի ամիրաների սերունդը ուժունական թուականներին այլ եւս այն գերը չէր կատարում, ինչ որ կատարում էին նրա նախահայրերը:

Դրամատիրութիւնը դառնում է ոչ միայն անտեսական ոյժ, այլ եւ հասարակական, ազգային իշխանութիւն:

Այս դասակարգի հետ միասին փոփոխութեան է ենթարկում նաև մտաւորական խաւը: Ստեղծում է մտաւորական-բուրժուազիա, որ ծառայում է դրամատիր-բուրժուազիային եւ դառնում է նրա սոցիալական իդէալների գաղափարախօսն ու պաշտպանը:

Ստեղծում է մանաւանդ բուրժուա-մտաւորականի անհամակրելի տիպը, որ կարծում է թէ իր շահի համար եւ իր վայրենի կըքերին կարող է զոհաբերել ամեն ինչ:

Այս տեսակէտից էլ կ. Պոլսի միջավայրը ուժունական թուականներին բաւական նմանութիւն ունէր կովկասի միջավայրի հետ: Այս տեսակէտից էլ Շիրվանղագէի գրականութիւնը բաւական մերձեցման կէտեր ունի Արփիարեանի իրապաշտական գրականութեան հետ:

“Դատապարտեալով Արամը, “Կատակոկի Վահրամը իրենց նման օրինակները ունին Շիրվանղագէի վէպերի եւ դրամաների մէջ, ցրուած զանազան անունների տակ:

Դրամատիրական այս հասարակակարգը իր կնիքը դնում է կեանքի բաղմատեսակ արտայայտութիւնների վրայ:

Սէրը, ամուսնութիւնը, կնոջ վիճակը, ընտանիքը, դաստիարակութիւնը խորապէս ազգում են տնտեսական եւ սոցիալական այդ կարգից: Ընտանիքը կազմում է ոչ թէ փոխագարձ համակրութեան հիմքերով, այլ շահագիտական հողի վրայ:

Եթէ գիւղական կեանքում ամուսնութեան համար բաւական կարեւոր գործօն էր նկատում աշխատանքը — թէ կնոջ եւ թէ տղամարդի կողմից — քաղաքների դրամատիրական հասարակութեան մէջ առաջին տեղը դրաւում է դրամը: Ոսկու ոյժով եւ շուկայի առաքինութիւններով չափում են թէ կինը եւ թէ տղամարդը: Այս պատճառով ընտանիքի հիմքերը սկսում են տատա-

նուել: Հին բարյականութիւնը այլ եւս անզօր է լինում պահպանել երկու էակների արհեստական կապը: Եկեղեցին կորցնում է իր անվիճելի հեղինակութիւնը ամուսնական խնդիրներում: Ծագում է կնոջ աղատագրութեան խնդիրը, ծագում է բաժանման հարց, պահանջ է գառնում այնքան աղմուկ հանած ապահարզանը:

Արփիար Արփիարեանի ուժունական թուականների իրապաշտական գրականութիւնը ծնուռ է այս սոցիալական եւ տնտեսական միջավայրում: Սաթենիկը “Դատապարտեալով ի մէջ, Մաքրուհին Կատակոկի մէջ այս իրականութեան տարբեր արտայայտութիւններն են, որոնք թէ կենդանի անձնաւորութիւններ են եւ թէ որոշ գաղափարի խորհրդանշաններ:

Նկատեցէք, որ այս կողմից եւս կ. Պոլսի կեանքը ուժունական թուականներին բաւական յիշեցնում էր կովկասեան իրականութիւնը: Եւ դրա հետեւանքով՝ Արփիարեանի իրապաշտական գրականութիւնը յիշեցնում է գրական այն գործը, որ սկսեց Շիրվանղագէն արեւելահայերի մէջ:

Այսպէս: Արփիար Արփիարեան կեանքի մէջ նկատեց հիմնական երեւոյթներ եւ ուժունական թուականներին իր գրականութեան մէջ արձագանգ տուեց ադ երեւոյթներին: Եւ ինչ որ չկարողացաւ տալ նրան դպրոցական սահմանափակ դաստիարակութիւնը, ինչ որ չկարողացաւ տալ ոռմանտիք գրականութիւնը — տուեց կենդանի իրականութիւնը:

Գրականութիւնը նրա համար եղաւ “կեանքի արտացոլումը” — ինչպէս ինքն էր անուանում — եւ ոչ կեանքից դուրս, վերացական ու “միթարիչ” մի իր, ինչպէս ուղղում էր Գրիգոր Օտեանը:

Եւ քանի որ կեանքն է գրականութեան առաջնակարգ ստեղծողը, ապա ուրեմն գրականութիւնը պիտի հետեւի կեանքի զարգացման, արտայայտի այդ զարգացումը իր բազմատեսակ երեւոյթներով:

Իննասունական թուականներին մեր կեանքի մէջ քաղաքական խոշոր երեւոյթներ տեղի ունեցան: Համիդի կառավարութիւնը Տաճկաստանի զանազան մասերում հայկական կոտորածներ կաղմակերպեց: Հայ ժողովուրդը բոնի գաղթականութեան դատապարտուց: Կովկաս անցան մօտ 50 000 թիւքքահայ գաղթականներ: Երկրում մացածները ապահով չէին աւատական սարսափելի ուժմիմի մէջ: Բոնի խլամացումներ տեղի ունեցան, բանտարկութիւններ, կախաղաններ, տաժաննելի աքտորներ: Կրանք, որոնք կարողանում էին դլուիններն աղատել՝ փախում էին դէպի Եփիտոս, Բալկանները, Ամերիկա:

Այս ծայր աստիճան ողբերգական կացութիւնը, որ վիճակուեց մի փոքրիկ եւ աշխատասէր ժողովրդի աշխարհիս “խաղաղ” կարգերի մէջ — յեղաշրջեց մեր իրականութիւնը: Հասարակական խաւերը, մտաւորականութիւնը, հրապարակագրութիւնը, գրականութիւնը արձագանգ եղան այս ծանր իրողութեան:

Արփիար Արփիարեան արտայայտեց այդ մուայլ եւ վերաւոր ժամանակաշրջանը մի գեղարուեստական երկով — չենք խօսում նրա հրապարակա-

գրական բազմաթիւ գրուածքների մասին — որ կարելի է գլուխ գողծոց համարել այդ ժամանակուայ իրական գրականութեան:

Այսեղ էլ Արփիարեանի գեղարուեստական գործին ուղեցոյց եղաւ ինքը կեանքը եւ ոչ թէ նախնական տրամադրութիւնը, կանխակալ տեսողութիւնը կամ՝ քաղաքական ծրագիրը:

Բայց կեանքը իննառևական թուականներից յետոց չգագարեց իր շարժան մէջ: Գրամատիրական հասարակակարգի հետ նոր դաս էր երեւացել մեր իրականութեան մէջ — քաղաքների գործաւոր գասակարգը, որ սկզբում վարանու էր, թոյլ, անդոյն եւ որ հետզետէ ձեւ ստացաւ եւ հասարական ոյժ հանդէս բերեց:

Արփիարեան այսեղ եւս կեանքի հաւատարիմ արտայայտիչը եղաւ, խորապէս ազդուեց մեր նոր իրականութեան փաստերից եւ այդ փաստերը գրականութեան մէջ ցոլացրեց:

**Սոցիալական** եւ տնտեսական միջավայրից զատ Արփիար Արփիարեան որոշ ներշնչումներ ստացաւ նաեւ հայ եւ օտար հրապարակագրութիւնից ու գրականութիւնից: Իր գործունելութեան սկզբնական շրջանում որոշ չափով նկատելի է իր արեւմուահայ նախորդների աղդեցութիւնը: Երբ ութունական թուականներին սկսեց նա հրապարակագրական յօդուածներ հրատարակել, իր առջեւ ունէր Նահապետ Ռուսիանեանի, Ստեփան Ռսկանի, Գրիգոր Օսեանի օրինակները, որոնք ներշնչուելով ֆրանսիական կեանքից եւ գրականութիւնից, պայքար էին սկսել հին սկզբունքների դէմ: Արփիարեան իր առաջին շրջանի հրապարակագրութեան մէջ շարունակեց նրանց գործը եւ նշանակելի չափերով գարգացրեց այն:

Ժողովրդական գրականութիւն հիմնելու իր տեսութիւնները, որոնց մէջ բուռն եռանդով պաշտպանում էր նա գաւառական կեանքի, այսինքն հայ ժողովրդի մէջ հատուածի անկապտելի իրաւունքները — ապահովաբար ազդուած էին Խրիմեանի գործունելութիւնից եւ հրապարակագրութիւնից:

Բայց արեւմուահայ հրապարակագիրներից Արփիարեան անշուշտ ներշնչուած է Գրիգոր Արծրունու հրապարակագրութիւնից, որ այդ ժամանակաները սկսել էր տարածուել նաեւ արեւմուահայերի շրջանում: Իր իրապաշտական գրականութեան առաջին փորձերը — “Գատապարտեալը”, “Երազի մը Քինը”, “Կատակինը”, որ նա հրատարակեց մի հատորի մէջ — նուիրուած են Գրիգոր Արծրունու:

Այդ “Իրական պատկերների”, մէջ արծարծուած գաղափարները շատ մերձ կապացութիւն ունին Արծրունու հրապարակագրութեան հետ: Կանց ազատագրութեան գաղափարը, ամուսնական օրէնքների փոփոխութեան ինդիրը, համբաւաւոր ապահարզանը Արծրունու այնքան սիրած եւ արծար-

ժած ինդիրներն են, որոնք կովկասեան գրականութեան մէջ ազդեցին Շիրվանզադէի վրայ, իսկ արեւմուահայ գրականութեան մէջ՝ Արփիարեանի վրայ:

Բայց հայ հրապարակագրութիւնից Արփիարեանի գրական գործունելութեան վրայ ազդեցութիւն ունեցել է անշուշտ մեր գեղարուեստական գրականութիւնը: Ուստահայերի եւ արեւմուահայերի մէջ Արփիար Արփիարեանի գրական երկերից առաջ հրատարակուած են մի քանի աչքի ընկնող գործեր իրապաշտական ուղղութեամբ: Բաֆֆիի “Փունջոնի երկորդ հատորը — որի նիւթը առնուած է քաղաքի գրամատիրական շրջանից — հրատարակուած է 1874ին: Իսկ Ասկի աքաղաղը, որի մէջ բաֆֆին հանդէս է բերում իրապաշտական գործեր տալու իր անվիճելի ընդունակութիւնը — հրատարակուած է 1879ին: Մասիսեանի տիպը իրեւեւ կենդանի պատկեր եւ լաւ գծուած հոգեբանութիւնն մեր գրականութեան մէջ այնուհետեւ երեւած գրամատէրների նախատիպը կարելի է համարել:

Գաբրիէլ Սունդուկեանի “Խաթաբալան” գրուած է 1866ին, “Էլմեկ գոհուը 1870ին, “Պէպոն 1871ին, “Քանդած օջախը” 1873ին, որոնց մէջ կովկասահայ տաղանդաւոր թատերագիրը արդէն կենդանի օրինակներով արտայայտել էր մեր նոր իրականութիւնը:

**Շիրվանզադէն** 1883ին հրատարակել էր “Հրդեհ նաւթագործարանում” իրական, հետաքրքրական պատմուածքը, իսկ նոյն տարուայ վերջում հրատարակել էր “Գործակատարի Յիշտակարանիցը”, որի մէջ արդէն երեւան է գալիս ութունական թուականների կովկասահայ յայտնի իրապաշտը:

Արեւմուահայ գրականութեան մէջ եւս Արփիար Արփիարեանից առաջ կային իրական արուեստի արտայատութիւններ:

Յակոբ Պարոնեան, մեր երգիծաբանութեան տաղանդաւոր ներկայացուցիչը, արդէն սկսած էր իր իրական, առողջ գրականութիւնը, որի մէջ այնքան պարզութեամբ ցոլանում էր ժամանակակից կեանքը:

Պետրոս Դուրեան 1871 թուին գրել էր “Թատրոն կամ թշուառներ” Խորագրով իրական թատերախաղը, որ հրատարակուեց 1872 թուին եւ որի նիւթը առնուած էր իր ժամանակի սոյիալական կեանքից:

Սրբունի Տիրսաբ 1883ին հրատարակել էր “Մայտա” անունով վէպը, որ ժամանակին այնքան հետաքրքրութիւն շարժեց եւ որի մէջ արծարծուած էր հասարակական հոգեբանական խիստ կարեւոր պրօբլեմ — կնոջ աղապարութեան խնդիրը:

Արփիար Արփիարեանի իրապաշտական գրականութիւնը այսպիսի միջավայրում առաջացաւ: Ակնյայտնի է, որ նա մէկուսացած կամ վաղաժամ երեւոյթ չէր մեր արեւմուահայ գրականութեան մէջ եւ ունէր իր նախորդները թէ կովկաս եւ թէ Ա. Պոլիս:

Բայց չնայելով սրան Արփիար Արփիարեան աւելի անմիջական եւ աւելի հետեւողական ներկայացուցիչն է արևուստահայ իրապաշտական գրականու-



թեան, այնպէս, ինչպէս Շիրվանղադէն է արեւելահայ գրականութեան մէջ։ Թէ Արփիարեանի եւ թէ Շիրվանղադէի առանձնայատկութիւնն այստեղ է, որ նրանք աւելի հասունացած սոցիալական ժամանակի արտայատութիւն էին։ Եւ ինչ որ միւսների մէջ երեւան է գալիս իբրեւ նախափորձ, իբրեւ տարր, խառնուած ուրիշ այլազան տարրերի հնտ, մասամբ խարիսափումն եւ մասամբ բնազդով — Շիրվանղադէի եւ Արփիարեանի գրականութեան մէջ յայտնուում է իբրեւ ժամանակի գեղարուեստական պատկերացում՝ իր ամբողջութեամբ եւ իր հիմնական տարրով։

Մանաւանդ որ, Արփիար Արփիարեանին նախորդող հեղինակները այնպէս էին արեւմտահայ գրականութեան մէջ, որ նրան աւելի եւս իրաւոնքով կարելի է համարել արեւմտահայ իրապաշտական վէպի հիմնաղիրը։ Որովհետեւ Յակոբ Պարոնեան երգիծաբան էր, Պետրոս Գուրեան բանաստեղծ էր, եւ առ առաւելն թատերագիր, իսկ Արբուհի Տիւտար՝ մէկ կողմից աւելի հրապարակագիր էր, քան վիպասան, միւս կողմից՝ ժամանակով այնքան մօտ էր Արփիարեանին, որ դժուար է առանց վերապահութեան վերջինի նախորդ համարել։ Նրա «Մայտան Հրատարակուած» է 1883 թուին, մինչդեռ Արփիարեանի «Կեանքի Պատկերները»՝ 1885 ին։

Եւ այսափ նախորդներ ամեն հիմնադիր ունի անշուշտ։

—

Բայց հայ գրականութիւնից՝ Արփիարեան ներշնչումներ ստացաւ նաև արտասահմանեան գրողներից։ Գիտենք, որ նա պատանի հասակում շատ է կարգացել ֆրանսիական եւ իտալական ուժանատիք հեղինակներին։ Բայց այդընթերցումը նրա վրայ որոշիչ ազդեցութիւն չի ունեցել, որովհետեւ կեանքն արդէն փոխուած էր եւ այս փոփոխութեան հետ նոր գրողներ էին արդէն առաջացած։

Գրանսիական յեղափոխութեան հետեւանքով անհատը ձեռք էր բերել որոշ ազատութիւն։ Ռոմանստիք գրականութիւնը ներբողը էր այս ազատութիւնը խելակորոյս եւ կատաղի։ Բայց գրամատիրական կարգերը ստեղծել էին ուրիշ պայմաններ, այլ կերպ վատթար եւ դժոխային։ Մարդկութեան թշուառութիւնը նորից երեւաց, քաղաքուկան աղատութիւնը իր հրապարը կորցրեց։ Երեւակայականը, ոռմանտիքականը զարնուեց կեանքի, իրականութեան պարիսպներին։ Եւ երազական, ամուլ ոգեւորութիւնները այլ եւս չէին համապատասխանում դարի բնոյթին, որ հետզհետէ իրական էր գառնում։

Սի ուժգին պահանջ առաջացաւ ճանաչելու մարդկանց բնաւորութիւններն ու բնազները, ինչպէս իսկութեան մէջ կային։ Փոխանակ երազելու եւ երեւակայելու՝ մարդիկ պէտք զգացին դիմելու, իսորհելու։

Փիլիսոփայութիւնը այդ ուղղութեամբ առաջ ընթացաւ գրանսիայում, գերմանիայում եւ այլուր։ Գիտութիւնը փաստերի, իրողութիւնների, գիտու-

դութիւնների հասարակական արժեքը հաղորդեց եւ ամրացրեց։ Գրականութիւնը իրական կեանքի, ապրող եւ տանջուող գյութիւնների արձագանգը հանդիսացաւ։ Մարդիկիկ եւ նրանց զբաղումներն ու գործերը, հասարակութիւնը եւ նրա հաստատութիւններն ու բարեկերը, իրական ու ճամարիտը գաղողները բարձր ներշնչումներ հաղորդեցին նրան։

Ուշականը Գրանսիայից գուրս զարգացաւ նաև ամբողջ Եւրոպայում։ Անգլիական, ամերիկեան, սկանդինավեան, ուստական մէծ գրողները բարձր ներշնչումներ հաղորդեցին նրան։

Արփիար Արփիարեանի — ինչպէս եւ արեւելահայոց մէջ Շիրվանղադէի — գրականութեան հիմքերը բաւական մօտ են այն սկզբունքներին, որ հոչակեց եւ իրագործեց ֆրանսիական իրապաշտական գպրոցը։ Որուանակիք գրականութեան հակահարուածն էր այն մեր կեանքում։ Վմենօրեայ փաստերի եւ իրողութիւնների առարկայական նկարագրութիւնն էր։ Դա իրական վեպն էր, հիմնուած «հասարակական փորձերից», գիտողութիւնների վրայ։

Ահաւասիկ այսպիսի սոցիալական եւ գրական միջավայրում զարգացաւ Արփիար Արփիարեանի տաղանդը, իրական կեանքի եւ նրան հետեւող մէծ գրողների ազդեցութեան ներքոյ։ Այսպիսով նա մերձենում է ոչ միայն կողկասահայ գրականութեան հիմնական նկանքներին, այլ եւ Եւրոպական իրականութեան։

Եւ այս գիծը հանգէս բերեց նա տակաւին իր գրական գործունէութեան սկզբին, ուժուունական թուականներին, վանելով կեղծ գասական եւ ուսմանտիք գրական սկզբունքները եւ ներկայանալով իրը նոր արձակի, նոր վիպագրութեան ստեղծողը արեւմտահայ գրականութեան մէջ։

— — —

## IV.

ԵՐԱՊԵՏԾԵԿԵՆ ՎԵՊԸ  
(Կեանքի պատկերներ:)

Արփիար Արփիարեան 1885 թուին հրատարակեց մի հատոր, “Կեանքի Պատկերներ” ընդհանուր խորագրով: Այդ հատորով նա սկիզբ դրեց արեւմտահայ իրապաշտական վիպագրութեան:

“Կեանքի Պատկերներ”ի մէջ ամիսութած էր երեք դործ — “Դատապարտեալը”, “Երազի մը գինը”, “Կատակ մը”: Արփիարեան այդ գրուածքների մէջ ներկայացրել է կ. Պոլսի ընտանեկան կեանքը, ամուսնական հարցը, դրամատիրական դասակարգի հոգեբանութիւնը, բուրժուական հասարակակարգի զօհերը — իրական պատկերներ եւ պրօբլեմներ, որոնք այդ ժամանակ առաջնակարգ կարեւորութիւն ունեին մեր կեանքում:

Արփիար Արփիարեան այդ գրուածքների մէջ սկսնակ է, նոր դիտող եւ նոր արտայայտուող մի հեղինակ, որ սակայն կեանքի նոր էջ է բաց անում այնքան հետաքրքրական կերպով: Կա ուշալստ է այդ դործերի մէջ, բայց մի ուշալստ, որի շուրջը տիրապետող է ումանտիքական գրականութիւնը եւ որի վրայ երեւում է այդ գրականութեան այս կամ այն արտացոլումը:

“Կեանքի Պատկերներ” ժամանակին մեծ աղմուկ հանեցին կ. Պոլսի միջավայրում: “Արեւելքը”, որի տապագրութեամբ ըյս էին տեսել Արփիարեանի իրական գործերը, զանազան թշնամական գրութիւններ է ստանում՝ ուղղուած հեղինակի դէմ<sup>1</sup>, որ աւանդական “բարյականութեան” սահմաններից դուրս էր եկել եւ արտայայտել ախտաւոր, յոոի իրականութիւնը: Ճիշտ նոյնպիսի վերաբերմունքի արժանացաւ Շիրվանդէի յայտնի “Կամուսը” տգէաների կողմից, որոնք այդ գեղեցիկ ստեղծագործութեան մէջ տեսնում էին հայրենի արատների անթոյլատրելի տարածայնումը:

Արփիար Արփիարեանին մեղադրում էին այն բանի համար, որ նա համարձակուել է մաքրակենցաղ ազգայինների ընտանեկան սրբութիւնը հրապարակի վրայ դնել եւ նուիրագործուած իշխանութեան դէմ ըմբոստութեան քայլեր անել:

“Դատապարտեալ”ի կենդրոնական անձնաւորութիւնը մի երիտասարդ կին է, Սամենիկ անունով, որին դատապարտում են միայնութեան եւ ողերգական մահուան:

Սամենիկի կեանքի պատմութիւնը մի շատ ծանր պատմութիւն է: Գաւառացի ծնողների գաւակ է նա: Հայրը, Հայրապետ էֆէնդին, տարիներ առաջ դուրս է եկել գաւառից առանց որ եւ է նիւթական հարստութեան, գնացել է կ. Պոլս, սպասաւորութիւն է արել վաճառականների մօտ, չափազնց եռանդ է ցոյց առեւել եւ վերջը մարդ է եղել:

<sup>1</sup> “Արեւելք”, 1885 թ., Յուլիս 20: Յ. Շահնազար:

“Հայրապետ էֆէնդին գաւառացի այն հայերէն էր, որ դեռ զլեթէ տղայ Փոլիս կու զան, առանց մէկ ստակի: Կը մնուն իբր սպասաւոր վաճառականի մը մօտ, եւ օր մը կը տեսնեն, թէ մարդ եղած են . . . ,

Հայրապետի ընտանիքը իսխա օրինապահ բուրժուացի տուն էր: Թէեւ երկար ժամանակ կ. Պոլս էին ապրում, բայց տակաւին պահպանում էին գաւառի սովորութիւնները եւ բարբերի ծանրութիւննը: Սամենիկը կ. Պոլսում դպրոց էր յաճախում, սիրում էր գրականութիւնը, սիրում էր գեղարուեստը, սիրում էր ընկերներին եւ ուսուցիչներին: Նրա հոգին դպրոցում բացւում էր, բայց տանը, Հայրապետի առեւտրական մուայլ ընտանիքում, փակւում էր եւ չէր կարողանում թուիչը տալ իր խոհերին եւ զգացումներին: Ընտանիքի մէջ դաստիարակութիւնը չափազանց տալուկալի էր, քաղքենիական, անգոյն եւ տափակ: Հայրապետի վաճառական հոգին թագաւորում էր բոլորի վրայ եւ ամեն ինչ պահում էր իր ըսր շունչի մէջ: Մէկ զաւակը բժշկութեան ուսանող էր Պարիղում, իսկ միւսը, Տրդատը, Պոլս էր եւ օգնում էր հօրը առեւտրական գործերում: Արփիարեան նրա մասին քիչ բան է ասել, բայց ինչ որ ասել է, շատ բնորոշ է:

“Սամենիկ միծ եղայր մը ունէր, Տրդատը, որ չափաւոր կրթութիւն մը ստացած էր եւ բաւական ալ սրամիտ, բայց չարջը կը ըուըէր:”

Այս բարյական միջավայրում Սամենիկ ապրում էր իր ներքին կեանքով, իր իդէաներով եւ երազներով:

Սակայն գրամատիրական հասարակակարգի մէջ եւ բուրժուական ընտանիքում անհատը իր հոգու տէրը չէ: Հայրապետ էֆէնդին առեւտրական կեանքում հաշիւներ ունէր, ուղում էր իր դիրքը ապահովել հաւանական սնանկութեան դէմ եւ այդ նպատակով պէտք ունէր քերտվել էֆէնդիի աջակցութեան: Այս վերջնա ամուրի է, մօտ 40 տարեկան, հարուստ, տգեղ, ուամիկ: Հայրապետ էֆէնդին վճռում է, որ իր տասնվեց տարեկան գեղեցիկ եւ երազուն աղջիկը այս վաճառականին կնութեան տայ: Բայց Սամենիկ չէ հասկանում իր հօր հաշիւները եւ մերժում է առաջարկութիւնը: Էֆէնդին զայրանում է, երբ մօրաքոյրը հաղորդում է նրան Սամենիկի մերժումը:

“... ի՞նչ, ատ հանըմին ալ իսօր կ'իյնայ եղեր...”

“... կնիկ, ի՞նչ կըսես, աս աղջիկ իսինդ է ի՞նչ է, երկինքը փնտուծ ատեննիս գետինը գտանք: Ասանկ մարդ հազարին մէջ մէկ հատ չկայ, մէկ հատ: Աղայ մարդ է, աղայ մարդ: Վարժապետի կնիկ ըլլալ կուզէ, ի՞նչ ըլլալ կուզէ: Զէ, էֆէնդիմ, չէ. իրեն հարցնող չկայ թէ ով կ'ուզես, ով չես ուզեր. մենք իրեն չափ իսելք ունինք. մենք զիտենք, թէ որո՞ւ պիտի տանք եւ որո՞ւ չպիտի տանք: Թող ետքը երթայ մեզի աղօթք ընէ...”

Սամենիկի համար ստեղծում է շատ ծանր կացութիւն: Նրան յայտնի է դառնում, որ իբր թէ հօր առեւտրական գործերը լաւ չեն ընթանում, որ կարող է մնանկութիւն պատահել, որ կարող է սիրած եղեցայրը ուսանողական

շըջանը կիսատ թողնել եւ կ. Պրիխ վեռադառնալ: Ամենից շատ նրան դառնութիւն է պատճառում այս վերջին պարագան: Նրա պատանեկան գոյութիւնը դրամատիկ վայրկեաններ է ունենում: Միայնանում է իր սենեակի մէջ եւ տանջում է այս խնդիրների վրայ: Եւ վերջապէս իր մանուկ գիտակցութեամբ լուծում է խնդիրը ի նպաստ իր սիրելի եղօր, մասձելով թէ ինքը պարտական է փականք դնել իր զգացումների վրայ, խեղգել իր ներքին աշխարհը:

Այսպէս, Սաթենիկ ամուսնանում է քերովէ էֆէնդիի հետ: Բայց հասկանալի է ինքնին, որ այս ամուսնութիւնը չէր կարող երկար տեւել: Ըստով Սաթենիկի համար քերովէ էֆէնդիի կենակցութիւնը դառնում է դժոխք — եւ երիտասարդ կինը փախում է նրա մօտից, վերադառնում է հօր տուն, որովհետեւ “այլ եւս անհնարին էր կենակցել ամուսնու հետ”:

Այս շըջանում Սաթենիկ պատահում է Արամ անունով մի երիտասարդի, որ 22 տարեկան էր, սովորում էր իրաւագիտութիւն եւ պատրաստում էր մանել դիւնագիտական ասպարէզ: Արամ սիրում է նրան բուռն սիրով: Այս սէրին հակառակում են ծողները երկու կողմից եւս: Սաթենիկ ինքն էլ արդէն “խոհեմ կին էր”, չէր ուզում կապուել Արամի հետ եւ պատրաստ էր կրելու իր ճակատագրի դառնութիւնը:

Բայց երիտասարդական կեանքը իր իրաւունքներն ունէր: Սաթենիկ վերջի վերջոյ թուլանում է Արամի թախանձանքների առջեւ — եւ կապում է նրա հետ: Այստեղ է սակայն, որ հին հասարակութիւնը, դաժան ու կեղծաւոր, կանգնում է նրանց սիրոյ հանդէպ եւ թոյլ չի տալիս, որ նրանք կապուեն “օրինական”, կապով: Արամի համար այսպիսի կենակցութիւնը որոշ ժամանակ յետոյ դառնում է անկարելի: Կա հասարակութեան ու շըջանի մարդ էր: Դիրք էր ուզում, բարձր պաշտօն էր հետամտում, փառք էր որոնում: Սաթենիկի “ապօրինի”, կապը նրան խանգարում էր — եւ նա ի վերջոյ կարում է այդ կապը:

Սակայն սրա հետեւանքով՝ երիտասարդ կինը տիրող հասարակակարգի մէջ անարգւում է ամենից, արտաքսւում է ընկերութիւնից եւ շըջաններից, մոռացւում է նոյն իսկ իր ծնողներից, ուրացւում է մինչեւ իսկ իր հարազատ եղօրից, որի համար նա զոհել էր ինքն իրեն եւ որ այդ զոհաբերութեան գնով՝ այժմ դիրքի տէր մարդ է:

Մի բառով՝ Սաթենիկ դառնում է դատապարտեալ: Եւ իրեւ դատապարտեալ՝ մեռնում է ողբերգական պարագաների մէջ:

Հեղինակը այս “իրական պատկերի” վերջում բացականչում է մելամաղձութեամբ.

“Խեղճ Սաթենիկ, միջի դիմուածի արդիւնք եղան քու վշտերդ: Ոչ, դու զո՞ւ մը եղար մեր ընկերական կազմակերպութեան: Որքան նէր քեզ պէս լացին ու կուլան . . . ,”

Այս ցուցադրութեան մէջ գործող անձերի բնաւորութիւնները գծուած են արդէն եւ հիմնական խնդիրները ներկայացուած են բաւականաշախ:

Դիր ընթերցողը կը նկատէ անմիջապէս այն ներքին, հոգեբանական նմանութիւնը, որ այս վիպակն ունի կովկասահայ իրապաշտ գրականութեան, մասնաւորապէս Շիրվանլաղդէի նոյնանման վէպերի հետ: Այս նմանութիւնը անշուշտ արդիւնք չէ անհատական ազգեցութեան, քանի որ Շիրվանլաղդէի իրական վէպերը Արփիարեանի գրուածքին ժամանակակից են եւ նրանից յետնագոյն են: Կմանութիւնը բացարձարում է անշուշտ նրանով, որ երկուան էլ արտայայտում են նման տնտեսական-սոցիալական միջավայր: Հոգեբանական երեւոյթները եւ գրական արտադրութիւնները հեղինակների մտացածին ստեղծագործութիւնը չեն, այլ իրականութեան վերաբաղրութիւնն են: Իսկ այս իրականութիւնները ուժունական թուականներին թէ կովկաս եւ թէ կ. Պոլիս տնտեսապէս իրար շատ նման էին — հակառակ քաղաքական տարրեր ուժիմներին — ինչ որ արդէն տեսանքը մեր աշխատութեան նախորդ գլխի մէջ:

Արփիար Արփիարեան այս աշխատանքի մէջ ցոյց է տուել դիտելու կարողութիւն, եւ այն՝ ոչ միայն իրեւ ընկերաբան, այլ եւ իրեւ հոգեբան:

Կա նկատել է սոցիալական կեանքի մէջ երեւոյթներ, որ նրա ժամանակ շատ քչերն էին կարողանում տեսնել: Ընտանիքի փոփոխութիւնը, հասարակութեան փոփոխութիւնը, դրամատիրական նոր կարգերը, այդ կարգերց առաջացած իրողութիւնները եւ նրանցից բղնող խնդիրները դուրս են ցոլացել Արփիարեանի գրական գործի մէջ: Վիպասանի համար սրանք անշուշտ երկրորդական առաւելութիւնները չեն, իսկ իրապաշտ վիպասանի համար մասնաւորապէս սրանք հիմնական յատկութիւն են:

Բայց Արփիարեանի գիտողութեան կարողութիւնը չէ սահմանափակւում միայն կեանքի կարգերի եւ երեւոյթների նկատմամբ, այլ գործում է նաեւ այն ժամանակ, երբ հարկ է լինում անձեր ներկայացնել: Մեր իրականութեան մէջ գործող անհատները նա ճանաչում է ոչ միայն իրենց դասակարգային ընդհանրութեան մէջ, այլ եւ իրենց մարդկային-հոգեբան կողմերով:

“Դատապարտեալ, ի մէջ նա կարողացել է գծել Հայրապետ էֆէնդիի գէմքը բաւական համոզիչ կերպով եւ բաւական ամփոփ: Սաթենիկը, որ գրուածքի ներսունին է, լաւ է դուրս եկել իր պատանեկան շըջանում, բայց հետզետէ, իրեւ ապօրինի, կին եւ մանաւանդ իրեւ դատապարտեալ՝ նաեւ մացել է եւ անդոյն կերպարանք ստացել: Եւ այս այն պատճառով, որ ուժուանական թուականներին Սաթենիկները տակաւին ընդհանրական տիպ չէին մեր կեանքում, եւ միայն սկզբնաւորութիւն էին:

Արփիար Արփիարեան կարողացել է դիտել երեւոյթը իր սկզբնական շըջանի մէջ, երբ տակաւին դառնուած չէր եւ հոգեբանական ձեւակերպում չէր ստացած:

Իրեւ արտեստագէտ Արփիար Արփիարեան “Դատապարտեալ” ի մէջ տակաւին սկսնակ է, բայց չնայելով գրան ցոյց է տուել ձեռքի վարժութիւն, նկարագրական խօսքի դրու վատահութիւն, որ անշուշտ յատուկ է տաղանդաւոր գրագէտներին: Պատմելու տոնը բաւական հանդարտ է, առանց տատա-

Նումերի, առանց նկատելի վարանման, յաճախ բարեխառնուած փիլիսոփայական խորհրդածութիւններով, որոնք այնքան բնական ձեւով են երեւան գալիս, եւ երգիծական սրամիտ էջերով, որոնք հաճելի գոյն են տալիս գրուածքին:

Արփիարեան շատախօս չէ արեւելեան պատմիչների նման, բառերի մէջ չէ թաղում խկական նիւթը, գործ է ածում ընդհանրապէս կարճ եւ ամիոփի արտայայտութիւններ եւ առարկան պատկերացնում է քիչ խօսքերով:

Այս յատկութիւնը աւելի կատարեալ կերպով երեւան է գալիս նրա յետագայ գրուածքների մէջ, որոնք սակաւաթիւ էջերի վրայ պարունակում են յաճախ ընդարձակածաւալ նիւթ: «Կարմիր ձամուցը», եւ «Ոսկի Ապրջանը», պատմական որոշ շրջաններ են ընդգրկում, հիմնական պրօլեմներ են արծարծում եւ խտացեալ անձներ են ներկայացնում — եւ չնայելով սրան բաւական սահմանափակ ծաւալ ունին: Արփիարեանի գրութեան այս բնորոշ յատկութիւնը մի հազուագիտէպ երեւոյթ է մեր գրականութեան մէջ, եւ այն ոչ միայն կ. Պոլիս, այլ եւ կովկասեան միջավայրում: Այն ժամանակ, երբ մեր մինչեւ իսկ անուանի գրագէտները մի երկրորդական խնդիր արծարծելու համար յաճախ մանուածապատ պտոյտներ են գործում, Արփիար Արփիարեան զարկում է կարճ, խորանում է գէպի ներս, աշխատում է ինսել գէպի գեղարուեստական նիւթի կենդրոնը եւ ոչ տարածուել լայն ու հեռու՝ գէպի ծանծաղ ափերը:

«Կեանքի Պատկերները», իրենց բոլոր միւս թերութիւնների մէջ՝ գրագէտի այս առաջնակարգ յատկութիւնը երեւան են բերում: Իր առաջին գրուածքի — «Դատապարտեալ»ի — մէջ այս յատկութիւնը տակաւին չէ զարդացած բաւարար չափով: Այստեղ կան մի քանի հատուածներ, որոնք ոչ միայն միամիտ են գեղարուեստական տեսակէտով, այլ եւ անտեղի են ու աւելորդ: Հեղինակը պատմուածքի առարկայական ընթացքի մէջ մտցնում է ժամանակակից ծանօթ անձեր, ներս է բերում Յովշաննէս Շահնաղարին, Մինսս Չերազին, դեր է տալիս իրեն, որոնք ոչ միայն գրական գործը չեն պարզաբանում, տիպերը չեն լրացնում, այլ եւ վէպը գարձնում են ինքնակենսագրութիւն, տեղ-տեղ մինչեւ իսկ ճամբորդական սոսկական նօթեր:

Այս յատկութիւնը սակայն այլ եւս չէ երեւում «Կեանքի Պատկերներ»ի երրորդ գրուածքի մէջ, որ Արփիարեան խորագրել «Կատակ մը», եւ որ այնքան լաւ տարել է սկզբից մինչեւ վերջ...

Հ «Կատակի» մէջ Արփիար Արփիարեան ներկայացրել է երկու ընտանիք, որ պատկանում են երկու տարբեր դասակարգերի: Մէկը նիկողոս Աղքարի ընտանիքն է, որ ապրում է Սամաթիայում, միւսը՝ Գրիգոր էֆէնտիի ընտանիքը, որ ապրում է Գատը-Գիւղում:

Նիկողոս Աղքարը ձկնորս է, աշխատում է առաւօտից երեկոյ ամենածանր պայմանների մէջ, միշտ ենթակայ ծովի վտանգներին: Նրա ընտանիքը ապրում է հինգ օր քաղցած, մի օր կուշտ, նայելով թէ ինչ կը բերի տուն յոգնած սիկողոս Աղքարը:

Գրիգոր էֆէնտին վաճառական է, «աղգային երեւելի վաճառական», ինչպէս սովորաբար կոչում էին նրան: Այդ «երեւելի վաճառականը» տիրել էր կ. Պոլսի «գրամական հրապարակին» եւ իր նմանների հետ յաջորդել էր «ամիրաների գասին»:

Նրա տունը լիքն է հարստութեամբ: Որդին, Վահրամ բէյը, ապրում է առատ, վայելում է կեանքի հաճոյքները: Աղջիկը, Գոհարիկը, ոչ մի գործ չէ կատարում եւ անցնում է իր ձանձրալի ժամերը գիւրին եւ տաք միջնոլորդում:

Եւ ահաւասիկ այս տունն է գալիս աշխատելու Սամաթիացի ձկնորսի աղջիկը, գեղեցիկ եւ համեստ Մաքրիկը: Գրիգոր էֆէնտիի ընտանիքում նա ունի այն վիրաւոր գիտակցութիւնը, որ ինքը աշխատաւոր եւ «ռամիկ», աղջիկ է եւ որ արժանի չէ այս փառայեղ, փարթամ տանը մինչեւ իսկ ծառայողի դերում լինելու:

Արփիար Արփիարեան ներքին յուզմունքով եւ գեղեցիկ արուեստով ներկայացրել է Մաքրիկի հոգեբանութիւնը, ցուցահանել է նրա ամբողջ կեանքը, որ այնքան ողբերգական կերպով իրական է: Սամաթիայում Մաքրիկը թողել է իր ծերունի հօրը եւ իր տարաբախտ եղբօր փոքրիկ որբին, եւ չարչարում է օրն ի բուն, որ մի կտոր չը հացնի իր սիրելիներին:

Բայց այս չը մեր ախտաւոր հասարակակարգի մէջ ձեռք է բերում զարհութելի գառն գնով: Մաքրիկի անմեղ գլխի վերեւ կախուած է Վահրամ բէյի փորձութիւնը, անարդ գայթակղութիւնը մի մարդու, որ կարծում է թէ իր սոկու ոյժով կարող է գնել գեղեցիկ աղջիկների կեանքը:

Արփիար Արփիարեան գեղարուեստական կենդանի ձեւով ներկայացրել է այս անհաւասար ընդհարում: — Մէկ կողմից Մաքրիկին, որ աշխատում է շիրել, չխաբուել, չզրաւուել, չյանձնուել, որովհետեւ բնազդական ոյժով հասկանում է, որ Վահրամ բէյի սէրը վտանգաւոր պէտք է լինի: Միւս կողմից Վահրամ բէյին, որ այրում է հաճոյքի կարօտից, որ կրքուուում է, վզովուում է, զայրանում է Մաքրիկի «անհասկանալի», ընդհիմադրութիւնից:

Այս ողբերգական ընդհարումը վերջանում է նրանով, որ ուժեղը յաղթում է եւ շուշանագեղ Մաքրիկը անբուժելի վէրքը սրտում, «բիծը» ճակատին, մի անձրեւային մուայլ օր թողնում է Գրիգոր էֆէնտիի ոճրագործ ապարանքը:

Բայց աղջիւ աղջիկը այդ գէպից յետոյ չի կարողանում եւ չի կամենում մի օր իսկ ապրել: Զարմանալի խանդաղատանքով մտնում է նա իր հօր աղքատիկ տունը, յանձնում է ձկնորսին իր ամբողջ խնայողութիւնը, սիփոփանք եւ կեանք է տարածում այդ ցուրտ եւ անշուք խրճիթում, գրկում, ուրախացնում է եղբօր անմիթար որբին — եւ ապա գնում է իր փոթորկուած, բեկուած գոյութիւնը ծովի ալիքներին յանձնելու:

Ահաւասիկ Արփիարեանի յուզիչ եւ իրական պատմութիւնը, որ նա անուանել է «Կատակ մը». Կատակերգութիւն Վահրամ բէյի համար, բայց ամենադառն ողբերգութիւն բոլոր սիկողոս Աղքարների եւ Մաքրիկների համար:

Արփիարեան այդ գրուածքի մէջ վիպագրողի ճշմարիտ յատկութիւններ է հանդէս բերել: Տիպերը որոշ են, ամիսոփ, կենդանի: Զարմանալի լաւ է գծուած նախ եւ առաջ նիկողոս Աղքարը: Միշտ քիչ բառերով, իմաստասիրական որոշ տրամադրութեամբ, երգիծական մի յայտնի տարրով, բայց մասնաւանդ իրական ողբերգութեամբ Արփիարեանը պատկերացրել է սամաթիացի ձկնորսին՝ նրա կեանքի տարբեր շրջաններում: Ընթերցողը նրան տեսնում է աչքի առջեւ, եւ գրուածքը յաձախ իրականութեան պատրանքն է տալիս:

Անհամեմատ լաւ է ներկայացուած նաեւ Մաքրիկը, շատ աւելի լաւ, քան Սամենիկը “Դատապարտեալ”, ի մէջ: Դուք ապրում էք նրա կեանքով եւ այդ կեանքի ծանր գէպքերով, որպէս թէ այդ գէպքերը կատարուելիս լինէին ձեր ծանօթ իրականութեան մէջ:

Միւս կողմից՝ լաւ է ներկայացուած զրիգոր էֆէնտիի բուրժուական միջավայրը եւ այս միջավայրի մէջ ապրող “Երեւելի վաճառականը”, որդին վահրամ բէյը, իր շուկայիկ հոգով, աղջիկը, իր ողորմելի բարոյականով, կինը՝ իր քաղքենի բոլոր տափակութեամբ:

Արփիար Արփիարեան այդ գրուածքի մէջ այնքան զաղըելի գործեր ներկայացնելիս՝ մնում է սակայն կատարեալ առարկայական վերլուծողի դերում: Ուռուցիկ եւ գերազարական խօսքեր չունի նա: Հանդարտաբարոյ տոնով պատմում է միայն: Բայց այս հանդարտաբարոյ պատմութեան տակ ամենամռայլ ողբերգութիւնն է ներկայացնում, որ յուղում է այնքան խորունկ կերպով: Այստեղ է ահա գրագէտի անկասկածելի արժանիքը:

Արուեստագէտ հոգեբանի կարողութիւնները, որ Արփիարեան յայտնաբերում է, առաւելապէս իր գրական գործունէութեան երկրորդ եւ երրորդ շրջանում — երեւում են նաեւ այստեղ:

Արեւմտահայ վէպի մէջ նա մոցնում է հոգեբանական բաւական ուժեղ տարր՝ Մամուրեանի, Տեւկանցի, Միսաքեանի ուսմանտիք եւ ֆանտաստիքական վէպերից յետոյ, ուր բացակայում էր հոգեբանութիւնը, ինչպէս եւ Ծերենցի պատմական եւ Տիւսարի հրապարակագրական վէպից յետոյ, ուր դարձեալ վըպած էր հոգեբանական իրագործումը:

Արփիարեան ուժսունական թուականներին դրեց նաեւ “Երազի մը դինը”, որ ամփոխուած է նոյն հատորի մէջ, եւ “Ապուշը”, որ հրատակուած է առանձին:

Բայց նրա գեղարուեստական-գրական գործունէութիւնը այդ շրջանով չսահմանափակուեց: Նա աւելի կատարեալ ձեւով արտայատուեց յետագյում մեր յեղափոխական շրջանի եւ մեր աշխատաւորական վիպագրութեան մէջ:

Այդպէս պիտի ամբողջանար նրա գրական գործը եւ նրա գեղարուեստական իդէալը...

## V.

## Ք Ե Գ Ա Ք Ե Կ Ա Ա Վ Հ

(“Կարմիր ժամուց:”)

Արփիար Արփիարեան 1902 թուին գրում է “Կարմիր ժամուցնը, որի նիւթն առնուած է մեր քաղաքական-յեղափոխական կեանքից:

Անմիջապէս ասենք, որ այդ վէպը գրուած է շատ անյաջող պայմանների մէջ, նրա կեանքի մի շատ գառն ժամանակաշրջանում:

Իր ընկերներից եւ բարեկամներից հեռացած ու լքուած՝ ապրում էր նա այդ ժամանակ վենետիկ, ուր հրատարակում էր “Հայ հանդէս” անուշով մի պարբերաթերթ: Այդ թերթի գրեթէ բոլոր յօդուածները նա էր հասցնում: Գրում էր խմբագրականներ, քաղաքական յօդուածներ, վարում էր զանազան բանավէճեր քաղաքական եւ յեղափոխական ինդիրների շուրջ: “Կարմիր ժամուցնը գրում է նա մաս-մաս, յաձախ շատ սահմանափակ էջերով՝ յարմարեցներով նրա ստեղծագործութիւնը եւ հրատարակութիւնը պարբերաթերթի նիւթական պայմաններին:

Ինքնին հասկանալի է, որ այսպիսի պայմաններում գրուած գեղարուեստական գործը անխուսափելի կերպով պիտի ունենայ շատ թերութիւններ: Եւ յիրաւի: “Կարմիր ժամուցնի վրայ երեւում են օրուան հրապարակացութեան եւ տպագրական երերուն պայմանների բացասական աղդեցութիւնները:

Գրուածքի մէջ կան էջեր, որոնք շօշափում են քաղաքական կուսակցութեան գործունէութիւնը շատ մասնակի ձեւով, գուրս են բերուած Հնաշեան կազմակերպութեան անձեր, իրենց յայտնի անուններով, որոնցից ապրողներ կան մինչեւ հիմա: Արփիար Արփիարեան այդ էջերի մէջ շփոթել է տիեպահական տիկալը մասնաւոր անձի հետ եւ տիկիքիքական դէպքերը մասնաւոր իրողութիւնների հետ, ինչ որ անշուշտ գեղարուեստական մոլորութիւն է պարզապէս:

Բացի այդ՝ գրելով պարբերաթերթի ամեն մէկ թուի համար հարկաւոր չափով, գրուածքը շատ տեղ ստացել է հասուածական բնոյթ, գէպքերի յաջորդականութիւնը վրիպել է յաձախ եւ հոգեբանական կապն ու ընթացքը շատ գէպքերում աղաւաղուել է:

Անկայն չնայելով այս բոլոր թերութիւններին, եւ անկախ այն ինդրից թէ այդ թերութիւնները արտաքին պայմանների արդեք թէ ներքին անկառութեան հետեւանք են — “Կարմիր ժամուցնը ընդհանրապէս շատ արժէքաւոր գործ է գրական-գեղարուեստական տեսակէտով:

Տասնիններորդ դարի վերջերում մեր կեանքի մէջ շատ կարեւոր դէպքեր տեղի ունեցան: Հայ ժողովրդի արեւմտեան խոշոր հատուածը, որ ապրում էր թիւրք սովորանների բոնապետութեան լծի տակ, ծանր դէպքերի ենթարկուց: Եւրոպական դիւանագիտութիւնը, որ թղթի վրայ լուծել էր “Հայկական նահանգների” այսպէս կոչուած բարենորոգման խնդիրը, իրական կեանքում ոչինչ չէր արել, մղուելով իր շահերի տեսակէտից, որ անշուշտ ոչ մի դէպքում մարդասիրական կամ բարոյական չէր կարող լինել: Բերլինի դաշնագրի 61րդ յօդուածը Հայ ժողովրդին ազատութիւն տալու փոխարէն ընդհակառակը աւելի ծանր պայմանների մէջ էր դրել:

Ստեղծուել էին քաղաքական կուսակցութիւններ, որոնք նպատակ էին դրել Հայ ժողովրդի քաղաքական խնդիրը լուծել ապստամբութեան միջոցով, յոյս ունենալով, որ “Եւրոպան”, կը միջամտէ եւ կը կատարէ իր “յանձնառութիւնները”: Միւս կողմից՝ Եւրոպական պետութիւնները չէին թողնում իրապէս, որ Հայ ժողովրդը որ եւ է կերպ իր գոյութեան ծանր խնդիրը լուծէ թուրք պետութեան սահմաններում՝ կամ թուրք ժողովրդի հարստահարուած տարրերի հետ միասին եւ կամ յետաձգերով իր քաղաքական ազատութիւնը մինչեւ աւելի բարեպատեհ ժամանակ: “Մեծ” պետութիւններին ընդհանրապէս եւ կայսերական Ռուսաստանին մասնաւորապէս Հարկաւոր էր սակայն “Հայկական խնդիր”, որի Համար նրանք ամեն կերպ աշխատում էին մթնոլորդը լարուած պահել: Եթէ մի կողմից այս լարուածութիւնը ոչ մի դրական բան չէր տալիս Հայ ժողովրդին, միւս կողմից շատ նշանակելի ծառայութիւն էր անում պետութիւններին, որոնք յաջողեցնում էին Հայկական խնդրի անունով զանազան նուաճումներ անել “Հիւանդ մարդու”, պետութեան սահմաններում:

1895—1896 թուականներին Հայաստանի զանազան կողմերում կոտորածներ եղան, որոնք կազմակերպուած էին կենդրոնական կառավարութեան Հրահանգի համաձայն եւ գործադրուած նահանգապետների միջոցով:

Եւրոպան սակայն ոչ մի գործնական ընդդիմութիւն ցոյց շառուեց այդ կոտորածների ընթացքում տաճիկ կառավարութեան քաղաքականութեան, որչափ այդ քաղաքականութիւնը ուղղուած չէր պետութիւնների կապիտալիստական շահերի դէմ: Հայ ժողովրդի տառապանքների նկատմամբ միմիայն կեղծաւոր ցաւակցութիւններ էին արտայայտուում, օրաթերթերը գրում էին “Հայկական սարսափների”, մասին անտարբեր կամ շահախնդրական ոգով, իսկ անդիտակից քաղքենի հասարակութիւնը “ափսոսում էր”, որ Հեռու վայրերում կոտորում են „les pauvres arméniens“, խելք Հայերը . . .

Եւ մինչ շարունակում էր այս զարչուրելի ողերգութիւնը, Եւրոպական քաղաքական գործիչներն ու պատասխանատու դիւանագէտները վէրբը բուժելու փոխարէն՝ աւելի եւս խորացնում էին այն: Նրանք ընդհանուր առմամբ արծարծում էին “Եւրոպական միջամտութեան”, խնդիրը եւ յայտա-

բարում էին, թէ Հայ ժողովուրդը դարձեալ կարող է փրկուել . . . արիւն թափելով:

Եւրոպական այս միջամտութիւնը ձեռք բերելու համար Հարկաւոր էին գործողութիւններ, Հարկաւոր էին մանաւանդ ցուցական դէպքեր թիւրքիայի այն մասերում, որ էին Եւրոպական կենդրոններին եւ որտեղ պատահած “դէպքը” կարող էր միջամտութեան գործունէութիւնը արագացնել:

Խնդիրը այսպէս էր ձեւակերպուած իր հիմնական գծերի մէջ:

Եւ քանի որ այդպէս էր՝ պէտք էր գործել եւ ժողովուրդը շարժել այդ ուղղութեամբ:

Քաղաքական կուսակցութիւնները, որոնք այդ ժամանակ գործում էին թիւրքահայոց Հարցի շուրջը — չնչակեան եւ դաշնակցական գլխաւորապէս — խնդիրին մերձենում էին այդ տեսակէտից: Հայ ժողովրդի մէջ այն կենադրոնական միտքն էր արծարծում, որ Եւրոպան իր պարտաւորութիւնները յանձն կառնի, եթէ մէկ ստիպնէք նրան մեր քաղաքական գործերով, մեր շարժումներով, մեր ցոյցերով:

Մեր մէջ այս կացութեան եւ այս լուծման վերաբերմամբ կային տարբեր հայեացքներ եւ տարբեր զգացումներ, արտայայտուած տարբեր դասակարգերի կողմից: Կեանքը, պատմութիւնը ստեղծել էին մի շափականց բարդ հոգեբանութիւն: Այս հոգեբանութիւնը հետաքրքրական էր ոչ միայն սոցիալական եւ քաղաքական տեսակէտով, այլ եւ գեղարուեստական ուղղութեամբ:

Արփիար Արփիարեանի “Կարմիր ժամուց”ը ահաւասիկ այդ ժամանակը ընդհանրապէս:

Մեր վիպագրութիւնը տասնիններորդ դարի վերջում եւ քսաներորդի սկզբում այդպիսի գործածքներ չունի ընդհանրապէս:

Րաֆֆի, որ տուել էր քաղաքական ծրագիրների վէպը եւ ներկայացրել էր թիւրքահայոց աղաստագրութեան խնդիրը իր սկզբնական շրջանում, մեռած էր արդէն: Վրժանէս Փափաղեանը այդ շրջանում այլ եւս թիւրքահայ կեանքից չէր գրում: Լէօն եւ Շիրվանզադէն այդ խնդիրը առհասարակ չէին արծարծել վիպագրութեան մէջ, ինչպէս եւ Կարգութունը ու Մուրացանը: Հին վիպասաններից Պերճ Գուշեանը, որ գրել էր “Ակիզըն Երկանց” խորագրով եւ Բաֆֆիի ազգեցութեամբ մի երեւակայական վէպ, քաղաքական դէպքերի Հասունութեան շրջանում արդէն ծերացած էր եւ չանդրագարձաւ այդ դէպքերին:

Արեւելահայ վիպագիրների մէջ այդ շրջանում Աւետիս Ահարոնեանն էր միայն, որ պատմուածքների նիւթ էր գարձնում թիւրքահայերի կեանքը: Այդ պատմուածքների մէջ ցոլանում էր գլխաւորապէս թիւրքահայ գաղղա-

կանների սարսափելի կացութիւնը երկրից դուրս, կովկասում: Երկրի իրական կեանքը եւ նրա իրական հոգեբանութիւնը սակայն դուրս էր այդ պատմուածքների վերլութեան շըջանակից:

Արեւմտահայ վիպագիրները չէին կարող այդ ուղղութեամբ որ եւ է բան գրել: Համիտեան ուժիմը խեղդել էր ամեն ինչ, գրաքննութիւնը գործում էր այնպիսի կատաղի խատութեամբ, որ ամենաանմեղ գրուածքներն անդամ չէին կարող լոյս աշխարհ գալ օսմանեան պետութեան սահմաններում: Գրիգոր Զոհրապ, Թղկատինցի, Ռուբէն Զարդարեան բնականաբար չէին կարող որ եւ է կերպ շօշափել այդ խնդիրը: Այն վիպագիրները, որոնք հնարաւորութիւն էին գտել սահմանն անցնելու, ինչպէս օրինակ Տիգրան Կամսարական եւ Լեռն Բաշլեան, վիպական կարեւոր գործեր չարտագրեցին: Ռուբէն Զարդարեան անցներով Բուլգարիա, ղբաղուեց Հրապարակագրական գործունէութեամբ, Վարելով “Ռազմիկ” թերթի Խմբագրութիւնը եւ գրեթէ թողնելով վիպական աշխատանքները:

Այսպէս էր մեր վիպագրութիւնը այդ շըջանում:

Արփիար Արփիարեանի “Կարմիր ժամուց”ը մի բացառիկ երեւոյթ է այդ պայմանների մէջ եւ գրանով՝ աւելի եւս ուշագրութեան արժանի:

Այդ գրուածքի մէջ դուրս է բերուած թիւրբահայ գիւղի կեանքը գէպքերից առաջ, քաղաքական կուսակցութիւնների սկզբնաւորութիւնը եւ գործունէութիւնը ժողովրդի մէջ, յեղափոխական ցոյցը, նրան հետեւող կոտրածներն ու աքտորը:

Այս շըջանակում եւ այս գէպքերի ողբրտում Արփիար Արփիարեան ներկայացրել է մեր կեանքի մի շատ նշանակալից վայրկեանը, վերլուծել է նրա հոգեբանութիւնը եւ ստեղծել է տիպեր, որոնք այդ շըջանի գեղարուեստական մարմացումն են:

—

Գրուածքի կենդրոնական անձնաւորութիւններն են Տէր-Յուսիկ եւ Հայրապետ էֆէնտին: Առաջնը ծնուել եւ մեծացել է Հայաստանի գիւղում, կապուած է գիւղացու հետ, եւ ինչպէս հեղինակն է ասում՝ արտայայտութիւնն է հայ գիւղացիութեան: Թէ որքան ստոյգ է այս վերջին կէտը, թողնենք առ այժմ: Ճշմարիտ է այն, որ Տէր-Յուսիկը Հայրապետ էֆէնդիի հետ ընդհարման մէջ է եւ չէ ուղում Կ.Պոլսի էֆէնդիական դասի քաղաքականութեան պարզ գործիք դառնալ:

Հայրապետ էֆէնդին ծնուել է գաւառում, բայց վաղ հասակից գնացել է Կ.Պոլսի, Հարստացել է այստեղ, դարձել է հայ դրամատիրութեան ներկայացուցիչը:

Ահաւասիկ այս երկու անձերի, կամ նրանց ներկայացրած երկու խաւերի միջեւ անխուսափելի ընդհարում է սկսում, որ լցնում է գրեթէ ամ-

բողջ երկը, բայց որ սակայն գրուածքի վերջում մեղմանում է գէպքերի աղդեցութեան ներքոյ:

Ի՞նչպէս է ներկայացրել Արփիարեանը հայ գիւղի կեանքը եւ նրա մէջ մեծացող մարդը:

Հայաստանի խուլ գիւղերից մէկն է Տէր-Յուսիկի ծննդավայրը: Մէծանապարհներից հեռու, ընկած աւատական կառավարիչների միահեծան տիրապետութեան տակ, ենթակայ նրանց կամքին կամ աւելի ճիշտ քմահաւացոյքին, որ գիւղացի ժողովով միակ օրէնքն է: Այս ժողովուրդը չէ ապրում մարդկային ու մարդավայրել կեանքով: Սարուկ է նա այդ միջնադարեան վարիչների ձեռքում, որոնց պատկանում է ոչ միայն իր աղատութիւնը, այլ եւ իր աշխատանքի արդինքը, հացը, ամբողջ կեանքը: Տէր-Յուսիկը ծնուել է ահա այսպիսի պայմանների մէջ:

Պատանի եւ երիտասարդ հասակում նա շատ է խորհում իրենց գիւղի ծանր վիճակի մասին: “Տէրտէրը մահմետականին ծեռքէն ոսկորոտի դարձած հայ գիւղացին կը խորհրդանշէր . . .”

Այս գրութիւնից դուրս գալու համար հարկաւոր է ամենից առաջ ոյժ ունենալ: Պատմութեան մէջ, ոչ մի տեղ եւ ոչ մի ժամանակ պատահած չէ, որ տիրապետողները մարդասիրական զգացումներից մղուած աղատեն իրենց զոհներին: Եթէ մի ժողովուրդ կամ մի գասակարգ կամենում է աղատագրուել բռնապետի կամ հարստահարողի լուծից, անհրաժեշտ է, որ նա սոցիալական ոյժ ներկայացնի: Աւետարան կարգացող աշակերտը կամաց կամաց համոզւում է, որ Աստուածաշունը աւելի համապատասխան է իրականութեան: Այստեղ քարոզւում է “ակն ընդ ական նի սկզբունքը, որ ընդունում է երկու պայքարող կողմերի գոյութիւնը եւ իրական փաստը: Որքան էլ սա ընդգէմ լիներ աշակերտի ճանաչած եւ հասկացած Աւետարանին — այնուամենայնիւ նրա հայեացքով աւելի ճշմարիտ էր: Աստուածաշնչի Եհովան աւելի առողջ հասկացութիւն էր նրա համար, քան քրիստոնէութեան Աստուածը, որ նրանից պահանջում էր չդիմագրել չարին: Գառնուկը նրա համար սիրելի կենդրանի էր, բայց գործնական տեսակէտով, կեանքի ու գոյութեան համար նախընտրելի էր եղը:

“... Մեզի կեանք տուող ցորենին ան պտղտիկ հատիկները ունենալու համար խոշոր խոշոր, ոյժով եզներ պէտք են: Գառնուկով արտ կրնանք հերկել . . .”

Այսպէս: Պատմութիւնը այնչափ, որչափ կարգացել է Տէր-Յուսիկ, եւ կեանքը, որ գիսում է նա ամեն օր — նրան սովորեցնում են, թէ հայ գիւղացու կացութիւնը կարելի է փոխել միայն որ եւ է ոյժ ներկայացնելով: Այս ոյժի փիլիսոփայութիւնը “Կարմիր ժամուց”ի հիմնական գաղափարն է:

Բայց զիգը պէտք է գործ դրուի գիտակցաբար, այսինքն այնչափով, որչափով զիգը կարող է գեր կատարել: Ոյժի գերգնահամութիւնը եւ նրա համաձայն վարած գործունէութիւնը Տէր-Յուսիկի ըմբռնումով աղէտ կարող

Է լինել գիւղացի ժողովրդի համար: Յետոյ, այս ոյժը կարող է իրական հետեւանկներ տալ միայն այն ժամանակ, երբ նա բղխում է ժողովրդի ներքին կեանքից եւ բնաւ այն ժամանակ, երբ յենուում է արտաքին տարրերի վրայ:

Իր գիւղական բնական դաստիարակութեան մէջ եւ իրական կեանքից առաջ իր ամենօրեայ դիտողութիւններով Տէր-Յուսիկ նկել է այն եղակացութեան, թէ ժողովրդի համար վրկարար գեր կարող է կատարել նախ եւ առաջ ինքնօգնութիւնը եւ ինքնավաշտպանութիւնը: Այս ըմբռնումը նրա մեջ ամրապնդում է ընթերցանութեան միջոցով, որ որչափ էլ պատահական լիներ, այնուամենայնիւ միշտ հրահանգիչ էր նրա համար: Որովհետեւ ուրիշ բան է փորձուած եւ կեանքի իմաստութիւնն ունեցող մարդու ընթերցանութիւնը, եւ ուրիշ՝ կեանքի իրադարձութեան անտեղեակ գորոցականի կամ գրականի ընթերցանութիւնը:

Արփիար Արփիարեան պատմում է Տէր-Յուսիկի մասին թէ նա մի տեղ կարդացել էր, որ անգլիացիները իրենց տղաներին ջուրն են նետում, որ լուալ սովորեն եւ սեփական ջանքերով ազատուեն:

“Մենք ալ, ուզենք չուզենք, սա տղոցը կը նմանինք: Ժովն ենք ընկեր, մեր զլխուն ճարը մենք պիտի տեսնենք: Նթէ սպասենք, որ մեր ճայնը պատրիարքարան լսուի ու մեզ ազատելու գան — եթէ երբէք գալու ալ ըլլան — կը խեղդուինք, կը լրմանք:”

Կնքնապաշտպանութեան համար այն բարբարսական միջավայրում հարկաւոր էր որոշ զենք: Եւ Տէր-Յուսիկը միանգամայն գիտակից է այդ անհրաժեշտութեան: Ամեն կերպ աշխատում է գիւղի մէջ երկաթի քառակութիւնը շատացնել, որովհետեւ “ինչ որ չի կարելի բուժել գեղատում սով կարելի է բուժել երկաթով”: Հայաստանի այդ չքառոր գիւղը չի կարող ու արծաթ ունենալ, բայց կարող է երկաթ գնել — ահա թէ ինչ էր մտածում Տէր-Յուսիկ եւ ինչ էր սովորեցնում գիւղի երիտասարդներին:

Այստեղ էլ ընթերցանութիւնը նրան օգնութեան է հասնում եւ նրա ըմբռնումին տալիս է որոշ չափով թէօրիական հիմնաւորում: Ռոբինզոնի նշանաւոր գիլքը կարգացել էր եւ նրանից օգտառում էր այնպէս, որպէս իրենց գիւղի առարկայական վիճակն էր թելադրում:

“Տեսէք, Ռոբինզոն իր կղզիին մէջ քսան փարանոց երկաթի մը կտոր ուկիէ մեծ կտորէ աւելի օգտակար կը սեպէր... Մենք ալ Ռոբինզոնին պէս մեր գիլը կղզիացած ենք... Մեր ժամն ալ ուկին ինչ ընէ: Երկաթի կտոր մը մեր գործը աւելի լսւ կը տեսնէ:”

Ոյժի եւ երկաթի անհրաժեշտութեան մասին այս հիմնական գաղափարը ունենալով հանդերձ, ինքնօդնութիւնը եւ ինքնապաշտպանութիւնը գոյութեան առաջին ազդակն ընդունելով միաժամանակ՝ գիւղացի տէրտէրը թիւք պաշտօնեաների եւ վարիչների հետ “կը հետեւէր վեր վսր յարմարելու քաղաքականութեանը: Գանգատի եւ բողոքի աւելորդ ու յաշակ գրգռիչ միջոցները չէր կիրառում նա իր գիւղական գժուարին գործու-

նէութեան մէջ, այլ աշխատում էր շատ ինդիրներ լուծել անմիջական ձանապարհով:

“... Տէրտէրը առաջնորդին կաղերսէ, առաջնորդը պատրիարքին, պատրիարքը սադրազամին: Մ’ մեռնիր, գարուն պիտի գայ, առւոյտ պիտի ուտես...”

Այս քաղաքական ըմբռնումներից անկախ՝ Տէր-Յուսիկը մտածում էր, որ ներքին կուլտուրական միջոցներն էլ կարող են շատ չարիք բուժել:

“... Տղիտութիւնը, անհոգութիւնը ժողովրդին շատ աւելի աղէտաքեր են, քան թէ կառավարական հարատահարութիւնները...”

Եւ Տէր-Յուսիկը ամեն կերպ աշխատում է գիւղի մէջ կրթութիւն տարածել, առողջապահական անհրաժեշտ գիտելիքներ մացնել, մձերին առանձին սովորեցնել, փոքրիկների համար գպրոց բանալ — մի խօսքով խուլ եւ յետամնաց գիւղը երրուականացնել:

Գիւղական այս միջավայրի մէջ Արփիար Արփիարեան դնում է նաեւ մի պրոպագանդիստ ուսուցիչ, Արշամ անունով, որ Պոլսեցի է եւ որ գնացել է գիւղ քաղաքական եւ կուլտուրական նպատակներով: Արշամը Կ. Պոլսից մէկնել է — ինչպէս Արփիարեան է պատմում — Կերուս վարժապետականի պատրիարքութեան օրերում “երբ հայ ժողովուրդը ամեն գիշեր կը պառկէր անուշ երազովը թէ առտուն ինքնավար հայաստանի մը մէջ պիտի արթննար...”

Գիւղացուն եւ մասնաւրապէս Տէր-Յուսիկին շատ բան է սովորեցրել Արշամը, կապել է նրան արտաքին աշխարհի հետ, ներկայացրել է հայկական խնդրի պատմութիւնը, տարածել է բաֆֆիկ յեղափոխական գրականութիւնը — “Խենթը, պատմել է Բերլինի ժողովի եւ 61րդ յօդուածի մասին: Նրա միջոցով Տէր-Յուսիկը ծանօթանում է քաղաքական կուսակցութեան ծրագրի եւ նպատակների հետ, կարգում է յեղափոխական թերթեր, մի խօսքով իրազեկ է գառնում այն ինդիրներին, որ զրուած են հայ յեղափոխութեան առջեւ: Եւ ոչ միայն իրազեկ ու տեղեակ այլ եւ բարեկամ ու համակիր:

Բայց չնայելով բոլոր այս համակրութեան, Տէր-Յուսիկ եւ Արշամ մուլ են տարբեր ըմբռնումներ եւ մանաւանդ տարբեր նկարագիրներ:

Մինչ Տէր-Յուսիկ իր կենդանի գաղափարով, ինքնօգնութեան եւ ինքնապաշտպանութեան ձանապարհով է սպասում որ եւ է բարեփոխութիւն, Արշամ ոգեւորւում է պետութիւնների խոստումներով եւ յանձնառութիւններով.

“... Վեց պետութիւնները ինչեր պիտի ընեն, սպասէ, սպասէ...” շարունակ արտասանում էր նա բորբոքուած, լի խորին վստահութեամբ:

“... Թէ որ ընելու ըլլամն նէ...” առարկում էր գիւղացի տէրտէրը, գուղարականութեանը: Գանգատի եւ բողոքի աւելորդ ու յաշակ գրգռիչ միջոցները չէր կիրառում նա իր գիւղական գժուարին գործու-

Եւ այս երկու համառօտ արտայայտութիւնները բնորոշում էին ոչ միայն երկու տարբեր հոգեբանութիւնն, այլ եւ երկու տարբեր քաղաքականութիւնն:

Տէր-Յուսիկի մէջ անձնաւորուած է ժողովրդական առողջամտութիւնը, որ ուղում էր ինքնապաշտպանութեամբ եւ սեփական ոյժով բան տեսնել: Արշամի մէջ անձնաւորուած է ազգային-քաղաքական ոռմանսիզմը, որ անգիտանում էր իրականութիւնը եւ յաւակնում էր ժողովրդին փրկել դրամատիրական պետութիւնների խարդախ խոստումներով:

Տէր-Յուսիկի չէր կարողանում հաւատալ, թէ օտար պետութիւնները կը կամենան կամ կը յաջողեն հայ ժողովրդի համար որ եւ է դրական բան անել: Արշամի քաղաքական ճառերը նրան չէին համոզում այդ ուղղութեամբ: Եւ պրոպագանդիստ ուսուցիչը Տէր-Յուսիկի առողջ կասկածներին ու քննադատութեան մի վերջին դէմքով էր պատասխանում:

“Հէջ անանկ բան կ'ըլլայի . . .”

Այսինքն կարելի՞ բան է, որ վեց պետութիւնները բանակներ չխաղացնեն տաճիկ կառավարութեան դէմ հայ ժողովուրդը ազատագրելու համար: Կարելի՞ բան է, որ բերլինի որոշումներն ստորագրող պետութիւնները վերջ չդնեն հայ ժողովրդի տառապանքներին եւ չստեղծեն ինքնավար, աղատ Հայաստան:

Գիւղացի տէրտէրը մի անգամ մի թերթի մէջ կարդում է, որ մեծ պետութիւնները ուղղում են ոչ միայն թիւրքիան, այլ եւ ուրիշ պետութիւններ կործանել հայերի ձեռքով: Այս ընթերցումը նրան շատ ծանր մտահոգութիւն է պատճառում: Գաւառի պարզ մարդը չի կարողանում հասկանալ այս բարդ մեքենայութիւնը, այդ ընթերցումից ոչ մի լաւ բան չի գուշակում հայ ժողովրդի համար եւ ընդհակառակը խորհում է, որ ամեն չար անակընկալ կարող է թագնուած լինել այդ քաղաքական խաղի մէջ: Արկածանդրութիւնը եւ Եւրոպային գործիք լինելու պարագան շատ է վախեցնում նրան.

“Պարոն Արշամ, շատ կը վախնամ, որ գուցէ այս ամենուն վրան կայ տակը չկայ: Խենդ են, ինչ են ասոնք: Մեծ քարը վերցնողը չի կրնար նետել: Աս մեր աղքատանքը շատ շատ կը պոռան եւ ուժով: Վախնամ թէ “դատարկ կարասը զօրաւոր ծայն կը հանէ, ըստածը ըլլայ . . .”

Եւ իրականութիւնը արդարացնում է գիւղացի տէրտէրի ըմբռնումը: Տաճիկ կառավարութիւնը ձերբակալել է ոճագործ մի բէկ, որ Հայաստանի գիւղերում գիւղացի չարքաշ ժողովրդին անսանելի չարիք է պատճառել: Բոլորն էլ սպասում են, որ ոճագործը պիտի պատժուի: Առանձնապէս ոճեւորուած է “պարոն” Արշամը, որ կարծում է թէ թիւրք կառավարութիւնը Եւրոպական պետութիւններից պիտի վախենայ եւ ոճագործ բէկին արժանի հատուցում պիտի անի:

Իայց տաճիկ կառավարութեան ֆէօդալական քաղաքականութիւնը պաշտպանում է ոճագործ բէկին, արհամարհէլով գիւղացի ժողովրդի տառապանքները եւ բնաւ ուշադրութիւն չդարձնելով թէ կարող է վեց պետութիւնների կողմից որ եւ է դժո՞հութիւն լինել այդ առիթով: Եւ անշուշտ մեծ պետութիւններն էլ իրենց կողմից բնաւ չեն մտահոգում, որ Հայաստանի հեռաւոր գիւղերում գիւղացի ժողովուրդը արիւն է քամում եւ նրա ոճագործ բէկը փոխանակ պատժուելով՝ պաշտպանութիւն է գտնում կառավարութեան մօտ:

Տէր-Յուսիկը տեսնում է այս փաստը եւ չի զարմանում, բայց վրդովւում է խորապէս.

“Նը տեսնեմ, պարոն Արշամ, ուր մնաց ան քու Բերլինիդ դաշնագիրը. ուր է 61<sup>ու</sup> յօդուածդ, ուր է պետութիւններուդ միջամտութիւնը: Ուր է, ուր . . .”

Այս իրադարձութեան մէջ Տէր-Յուսիկը մտածում է “պարոն” Արշամն կ. Պոլիս ուղարկել, որ ճշգրիտ տեղեկութիւններ հաղորդի կենդրոնից եւ իմանայ թէ “կարասի”, մէջ ինչ կայ վերջապէս.

“Պարոն Արշամ, դուն մէյ մը Պոլիս երթալու ես: Գնա՛ նայէ կարասին մէջ բան մը կայ . . .”

Գիւղացի տէրտէրի խօսակցական ձեւի այս հեգնութիւնը նրա երկիրտ հոգեբանութիւնն է մատնում: Շատ բան չի սպասում նա քաղաքական ումանատիզմի ներկայացուցիչներից, բայց վերջապէս տեսնում է, որ “քաղաքականութիւնը” նրանցից է բախում եւ ուղղում է, որ պարզուի կացութիւնը:

Արշամը գնում է կ. Պոլիս եւ անմիջապէս կացութեան մասին “Ճշգրիտ” տեղեկութիւններ է հաղորդում Տէր-Յուսիկին:

“... Պոլիս հասած չհասած հոնկէ կրակոտ նամակ մը հասցուց Տումուզ գեղ: Ընկերութիւններ կազմուած էին, կովկասէն կտրիճ երիտասարդներ եկած, Ուուսիոյ հայերը ոտքի վրայ, Եւրոպայի հայերը կը գործէին . . .”

Եւ վերջը՝

“Բաներ պիտի ըլլային, բաներ . . .”

Այսպէս: Արփիար Արփիարեան երկրի ժողովրդի մտածկոտ, իրական ուղարկութեան դէմ գնում է դրսի ումանատիզական ոճեւորութիւնը, որ չի ստանայ պատճառում կառավարութիւններից:

Տէր-Յուսիկը իրեւ հոգեւորական կրօնասէր մարդ է: Իր պաշտօնը ստանձնել է որոշ հաւատքով եւ հետզետէ այդ հաւատքի մէջ զարգացել է: Կրօնը նրա աչքում հայ ժողովրդի անկապտելի իրաւոնքներից մէկն է, որին չպէտք է դիպէլ եւ որի համար պէտք է գնալ մինչեւ անձնազոհութիւն:

Բայց կրօնը սիրելով հանդերձ՝ նա սիրում է նաև հայ ազգը իր ամբողջութեան մէջ, իրրեւ մի անբացատրելի նուիրական բան։ Տէր-Յուսիկը ծագում է գաւառի միջն գասից, իր կենցաղով շատ չէ տարբերում ժողովի չունեւոր խաւերից մանաւանդ վերջնին շրջանում — բայց այս գասակարգի գիտակցութիւնը չունի նա եւ ազգութեան մէջ չէ հասկանում դասակարգային տարբերութիւններ։

Գրիտանէութիւնը նա միշտ հակադրել է մահմետականութեան եւ հայութիւնը տաճկութեան։ Հայաստանի եւ թիւզքիայի մէջ կատարուող բոլոր քաղաքական եւ սոցիալական երեւոյթները նա համարել է քրիստոնէութեան ու մահմետականութեան կամ հայութեան ու տաճկութեան հակամարտութիւն։ Մանկութիւնից սկսած այս տպաւորութիւններն է ստացել նա իր շրջապատից եւ երկար տարիների դաստիարակութիւնն էլ այդ գաղափարն է նրա մէջ զարգացրել։ Այսպէս, մի անգիտակցական ատելութիւն է մտել նրա մէջ դէպի մահմետականը եւ դէպի տաճիկը կամ քիւրդը։

Արփիար Արփիարեան այս գծերը ներկայացնում է Տէր-Յուսիկի մէջ ոչ որպէս իդէալ, այլ որպէս սոսկ իրականութիւն, պատկերացներով նրան այնպէս, ինչպէս նա գոյութիւն ունէր կեանքում։ Նրա սիրաը անկեղծօրէնց ցաւում էր հայ ժողովրդի տառապանքների համար, ազգային նախանձի զգացում ունէր, երբ տեսնում էր տաճկի փառաւոր ապարանքները եւ տրամադրութիւնը մուայլում էր, երբ տեսնում էր հայ ժողովրդի թշուառական խրձիթները։

Այս բարոյական եւ հոգեբանական պատկերն ունէր Տէր-Յուսիկ, երբ մտաւ կ.Պոլիս՝ քաղաքական կացութիւնը եւ գալիք հնարաւորութիւնը հասկանալու համար։

Արփիար Արփիարեան Պոլիս է տանում նրան ճիշտ նոյն օրը, երբ տեղի պիտի ունենար 1889ի գում-գարուի ցոյցը։ Տէր-Յուսիկը ոչինչ չգիտէ պատրաստուող ցոյցի մասին։ Կաւեից իջնելով՝ պանդուխտ հայաստանցիների հետ միասին նա դիմում է դէպի պատրիարքարան։ Օսմանեան փառաւոր մայրաքաղաքը նրա սիրաը տիրեցնում է, բայց համելով պատրիարքարան եւ տեսնելով այնտեղ զգացուող շարժումը, կեանքը, երթեւեկը՝ տիրութեան զգացումը փարատում է։ Մտնում է եկեղեցի, ուր բեմի վրայ տեսնում է աշխարհականներ, սրանց մէջ՝ «պարոն», Արշամին, որ Փէսը նետում է մի կողմ եւ կրակոտ ձառ է արտասանում։

“Այսօր Էրզրում, վաղը Մուշ, յաջորդ օրը Վան ու ամբողջ Հայաստան։ Պիտի ջարդեն, եղբարք, պիտի ջարդեն։ Հիմի էլ լունը . . .”

Քաղմութիւնը մոգական խօսքերի ազգեցութեան տակ մէքենայաբար ժայթքում է նոյն խօսքը։ — Հիմի էլ լունը։

Տէր-Յուսիկի միամիտ ու պարզ հոգին ծանր չարչարանքներ է ունենում, երբ տեսնում է եկեղեցու մէջ սուլթանի թուրանը։

“Հայաստանցի տառապեալին արիւնը կը բորբոքէր ի տես — հայութեան տանը մէջ — նշանի մը, որ դարերէ ի վեր հայ ցեղին մարտիրոսութեան արիւնուշտ վկան եղած է . . .”

Միթէ չկայ մէկը, որ արդելի այդ սրբապղումը։ Գիւղական քահանայի միաբը սահում, անցնում է դէպի հին Հայաստանի պատմութիւնը, յիշում է այն օրը, երբ Յուսիկ կաթողիկոսը հոռմէական բոնակալ կայսեր պատկերը պատում է ժողովրդի աչքի առջեւ։ Ինքը մնուել, դաստիարակուել է այդ գաղափարներով։ Յուսիկ կաթողիկոսը նրա համար եղել է պատմական մեծ դէմք, որին նմանելու փափագով՝ իր քահանայութեան ժամանակ ընտրել է Յուսիկ անունը։ Եւ այժմ ահա վայրկեանը հասել է հերոսութեան, քաղութեան, մեծութեան։ Դժբախտ քահանայի միաբը պլոտրում է, զգացում ները մոլորում են եւ ամբողջ հոգին ծանր ողբերգութիւն է ապրում։

Այս տագնապալի ժամին յանկարծ լսում է, որ թուրանը պատըստեցին։

“Հայ ժողովրդին ոտքերուն տակ ծղակոտոր կը տապլտկէր մահմետականութեան խորհրդանշանը . . .”

“Ախ, Յուսիկ հայրապետու, հոգուդ մատաղ, աղաղակեց Տէր-Յուսիկ ինքնիրմէն ելած։”

“Ալ կընար մեռնիլ։ Փրկութեան օրը իր աչքերը տեսած էին . . .”

Բազմութիւնը աղաղակում է՝ “դէպի Ելդըզ”։ Ապստամութիւնը սկսում է։

Բայց այլ եւս ոչինչ չի յիշում Տէր-Յուսիկ։ Երկու ժամ յետոյ աչքերը բաց է անում եւ ինքն իրեն փողցումն է գտնում։ Պատրիարքը, Արշամը, ցուցարարները չկան։ Թուրք զօքերն են վազելով յարձակում գործում, իր աչքի առջեւ ընկնում են երկու հայի գլուխներ, իր շուրջը կոտորում են հայերին, ձերբակալում, բանտարկում։ Ինքը եւս բանտարկում է, սակայն Արշամը եւ միւս կաղմակերպողները կարողանում են ժողովրել . . .”

Արփիար Արփիարեան այս ամբողջ մուայլ նկարագրութեան մէջ երեւան է գալիս ոչ թէ համակիր հոգով, այլ դառն հեգնութեամբ։ Այդ նկարագրութեան մէջ շատ նուրբ կերպով քննադատուած է ազգային ուօմանտիք գործունէութիւնը եւ ցոյցի միամիտ քաղաքականութիւնը։ Անշուշտ, այս նուրբ քննադատութիւնը եւ հոգեբանական այս ցաւագին վերլուծումը չէ վերաբերում այս կամ այն մասնաւոր ցոյցին միայն, այլ ընդհանրապէս այդ տեսակ ցոյցերին, որոնք աեղի ունեցան օսմանեան մայրաքաղաքում կամ ուրիշ վայրերում։ “մէծ” պետութիւնների ուշադրութիւնը գրաւելու համար։ Տէր-Յուսիկի տիպը լուացնելու համար այս քաղաքական դէպի նկարագրութիւնը կարեւոր նշանակութիւն ունի։ Արփիարեան ներկայացրել է իրականութիւնը ոչ այնքան քաղաքական մտահոգութիւններով, ողբան հոգեբանական ուղղութեամբ։ Տէր-Յուսիկը իր գաւառական առողջամտութեան մէջ միամիտ է, պարզ է, անկեղծ է իր մոլորուած զգացումների մէջ, բայց զո՞ւ է վերջապէս

աղգային եւ հասարակական նախապաշարումների, դաստիարակութեան ու քաղաքականութեան:

Ահա թէ ինչ է ցոլանում Արփիարեանի վէպի մէջ:

Գիւղական տէրտէրի դէմ Արփիար Արփիարեան դրել է Կ. Պոլսի մեծահարուստ կապալառու վաճառականին:

Գիւրքճեան Հայրապետ էֆէնտին թաղի մէջ յայտնի է պարզապէս էֆէնտի տիտղոսով: Ամէնքն էլ գիտեն, որ “նորին վսեմութեան” կոչումն է այդ:

Հայրապետ էֆէնտին իր առեւտրական գործերից զատ՝ վբաղւում էր նաև աղգային եկեղեցական խնդիրներով: Օրթագիւղի եկեղեցու հոգաբարձուն էր նա, ժողովրդի “տէրը”, թաղի “պահապանը”: Եկեղեցու քահանան, վարդապետը, մինչեւ իսկ առաջնորդ եպիսկոպոսը նրա հրամաններով պիտի շարժուէին: Եւ այս ոչ միայն տնտեսական խնդիրների նկատմամբ, այլ եւ ներքին կանոնի վերաբերմամբ:

Դրամատիրական ուժիմի ամենացայտուն արտայայտութիւնն էր այս: Հարուստը, դրամատէրը վարում է ոչ միայն նիւթական աշխարհը, այլ եւ բարյական կեանքը: Եկեղեցին Հայրապետ էֆէնտիի ըմբունումով ոչ թէ ժողովրդինն էր, հաւատացեալ ժողովրդինը, այլ գրամատէր դասի սեփականութիւնն էր, որ կարող էր նոյն իսկ անհաւատ լինել: Խղճի եւ կրօնի տեսակէտները ոչ մի դեր չէին կատարում այնտեղ, ուր իշխում էր գրամապետութիւնը:

Բայց Հայրապետ էֆէնտին ժամատէր մարդ էր: Ամեն կիրակի եկեղեցի էր գնում, համբուրում էր Աւետարանը, քահանային մէկ ոսկի ժամուց էր տալիս, Աստուածամօր պատկերի առջեւ երեսը խաչակնքում էր եւ փոքր ինչ շեղած քայլափոխով դէպի գուրս էր գնում, զգուշանալով որ թիկոնքը անպատկառ կերպով ուղղուած չլինի դէպի տիրամայրը: Եւ այս բոլորի վրայ՝ գանձանակ պտտեցնող երթասարդներին եւ գուրսը սպասող մուրացիկներին միշտ կատարեալ կերպով գոհացնում էր:

Հայրապետ էֆէնտին վաթսուն տարին անցած էր արդէն: Տղայութեան ժամանակ հազեւ կարդալ գրել սովորել էր, բայց ընթերցասէր էր եւ այնուշեան շատ էր կարդացել: Հայաստանից գնացել էր Կ. Պոլսի, “բախտը ժպտացել էր նրան, Խրիմի պատերազմին հարստացել էր: Այդ պատերազմի ժամանակ օսմանեան կայսրութեան պետական հայթայթին է դառնում:

“Փաշաներու եւ պաշտօնատէրներու գողակից ըլլալու հնարամութեան մէջ ամբաղջատելի ճարպիկ էր . . .”

Բայց այս յատկութիւնները արատ չեն նկատում գրամատիրական յոռի իրաւակարգի մէջ: Հայրապետ էֆէնտիի ապրած միջավայրում նրանք նոյն իսկ առաքինութիւնն էին, քանի որ ցուցնում էին “խելք” եւ “գործունեութիւն”:

Տաճիկ կառավարութիւնից զանազան աստիճաններ է ստանում Հայրապետ էֆէնտին, եւ այժմ՝ “ակնակառոյց կը մնար փաշայութեան . . .” թուրք պաշտօնեաների հետ վարւում էր վերին աստիճանի զգուշութեամբ: Ոչ մի ակնարկ, ոչ մի ձայն չէր հանում հայութեան մէջ տեղի ունեցող խնդիրների շուրջ եւ ամեն կերպ աշխատում էր պաշտպանել Հայերին: Հասան փաշան մի անգամ գոհունակութիւն է յայտնում նրան, որ էֆէնտին Օրթագիւղից ճամբել է “կասկածելի փափաղ” մը: Հայրապետ էֆէնտին խորապէս վշտանում է այն մարդկանց գէմ, որոնք հայութեան ներսը տեղի ունեցած այս գէպքը յայտնել են Օրթագիւղի փաշային, եւ անմիջապէս պատասխանում է.

“Ամա՞ն, փաշա էֆէնտի, Զեր վսեմութեան սխալ տեղեկութիւն հաղորդուած ըլլալու է . . . Բան մը շկայ: Ատ փափազին ծայնը շատ հաստ էր, մենք ալ անուշ ծայն սիրելնուս, պատրիարքարանէն ուրիշ քահանայ մը իննդրեցինք: Ամենը աս է:”

Հայրապետ էֆէնտիի համար այս մանրագէպը շատ յատկանշական է: Ամէն անգամ թուրք փաշաների հետ խօսած ժամանակ աշխատում էր ցոյց տալ, թէ Ցեղափոխութիւն չկայ հայերի մէջ, թէ Հայերը օսմանեան կայսրութեան ամեն տեսակէտով հաւատարիմ են: Մի հիմնական բարոյական ուներ իր բոլոր վարմունքի մէջ. — “կտրել չլրցած ճեռքդ պագ եւ ճակտիդ դիքը: Բայց իր ժոերիմներին կամացուկ ասում էր — “ասոնց ճեռքը փոտախտ պիտի դառնայ, ինքն իրեն պիտի իշնայ, կտրելու պէտք չկայ. սպասենք համերելուլով:”

Այս պատճառով՝ Ներսէս պատրիարքին շատ անհամբեր մարդ էր համարում եւ սաստիկ զայրացած էր Սան-Ստեփանօ եւ Բերլին եղած դիմումների համար:

Այս քաղաքական ձեռնարկների նկատմամբ նա մի տեսակէտ ունէր, որ ամփոփուում էր հետեւեալ ժողովրդական ասացուածքի մէջ. — “կամուլը չանցած, սատանային աշքը կը բանանք:” Մինչդեռ հարկաւոր էր՝ “սատանային հետ եղբայր եղիր, մինչեւ կամուրջն անցնիլդն:”

Այն ժամանակ, երբ ուօմանսէիք հրապարակագրութեան մէջ կրկնուում էր թէ “դժուարն անցանք”, Հայրապետ էֆէնտին կրկնում էր յամառօրէն թէ “կամուլը դեռ չենք անցած”:

Թուրքերի հետ ունեցած ամենօրեայ զգոյշ եւ երկիւղած յարաբերութիւնից ներքնապէս տանջուում էր Հայրապետ էֆէնտին: Արաի խորքուում ծանր տրամադրութիւն էր առաջացել թոյն էր հաւաքուել նրա գոյութեան ներսը, անկեղծօրէն ատում էր նրանց եւ խորապէս ցանկանում էր, որ այդ խեղդող ուժիմը վերջանայ:

“Գում՝ Գաբուի ցոյցի օրը յոյսի եւ վախի զգացութով ցնծաց ու տագնապեցաւ:”

Հայրապետ էֆէնտին մի վայրկեան կարծեց թէ “գործին մէջ ոուսին մատու կայ, սրտատրովի սպասում էր Ռուսաստանին, որովհետեւ “դանա-

կը ալ ուսկորին հասած կ'երեւնարդ: Սակայն սմբած մնաց, երբ ս բանտերը հայերով լեցուեցան, դէպի արեւակեզդ Աֆրիկէ շղթայակապ հայեր ճամբայ դրուեցան եւ սուսին մատը, չերեւաց:

Եւ քանի որ չերեւաց, Հայրապետ էֆէնտին մի կէտ անդամ չփոխեց իր վարժումքից, իր քաղաքականութիւնից:

Այսպիսի կազմով եւ այսպիսի բարոյական տրամադրութեան մէջ Հայրապետ էֆէնտին պատահեց գիւղական տէրտէրին:

Արփիար Արփիարեան այս հանդիպումը նկարագրել է գեղարուեստական փայլուն ձեռով: Երկու տիպերը — Հայաստանցի հրաբորքոր, պարզ տէրտէրը եւ Կ.Պոլսի սառնասիրտ ու քաղաքագէտուն էֆէնտին նկարուած են զարմանալի կենդանութեամբ: Նրանց իւրաքանչիւրի խօսքը, շարժումը, գաղափարն ու զգացումը վերին սատիճանի արտայայտիչ են դուրս բերուած, կատարելապէս բնորոշ՝ իւրաքանչիւրի համար: Մէկ քանի յատուկ գծերով Արփիարեան կարողացել է երկու իրական անձնաւորութիւններ ներկայացնել, որոնցից իւրաքանչիւրը մի բարոյական ամբողջ աշխարհ է արտացոլում:

Այդ նկարագրութեան մէջ Արփիար Արփիարեան ցոյց է տուել նուրբ դիտողութիւն, իւրաքանչիւրի հոգեբանութեան ձիչը ըմբռնում եւ լմբռնածի շատ յաջող ձեւակերպութիւն:

Լեզուն լի է պատկերաւոր արտայայտութիւններով, նեարդ ունի, շարժուն է, բովանդակալից է, միանդամայն աղատ է աւելորդ խօսքերից, ամիսով է եւ կտրուկ: Այդ լեզուն այնքան ինքնայատուկ գոյն ունի, որ գրեթէ իւրաքանչիւր էջի վրայ ոճի զարմանալի յատկութիւններ է ցուցահանում: Այս վերջն պարագան մանաւանդ գրագէտի համար առաջնակարդ յատկութիւն է: Մեր մէջ հեղինակներ կան, որոնք գրում են շատ կանոնաւոր, սահուն, քերականական կատարեալ ճշտութեամբ, եւ դարձեալ շատ ուրիշ արժանիքներով — բայց որոնք զուրկ են ոճ դառնալու, ստեղծելու կարողութիւնից: Արուեստագէտը ոճի մէջ է երեւան գալիս: Ով այս ինքնայատուկ, բնորոշ գոյնը չունի իր լեզուի մէջ — նա արժեքաւոր գրագէտ չի կարող լինել:

Արփիար Արփիարեան արեւմտահայ արձակագիրների մէջ այս տեսակէտից բացառիկ տեղ է գրաւում: Կա անշուշտ ոճաբան չէ բառիս հին առումով, ստիլիստ անունը նրան չեն տալ մեր գրականութեան այսպէս կոչուած դասականները: Եւ թերեւս Արփիարեան բաւականաչափ ուամիկ ու անզարդ երեւայ նրանց: Բայց չնայելով գրան՝ Արփիարեան կարողանում է խօսեցնել անձերը, կարողանում է երանգաւորել խօսքն ու արտայայտութիւնը, կարողանում է ոյժ եւ կենդանութիւն դնել ասացուածքի մէջ, մի խօսքով՝ կարողանում է միտքն արտայայտել մի ձեռով, որ իրն է գերազանցապէս եւ որ էապէս բաղմաղան է:

Իր նկարագրութեան մէջ նա ծանրաբարոյ, ողբերգական կողմի հետ տալիս է նաեւ սրամիտ, կատակերգական կողմը: Եւ տիպերն ու հոգեկան դրութիւնները արտայայտում է գործադրելով այս երկու միջոցները:

Տէր-Յուսիկի եւ Հայրապետ էֆէնտիի տեսարանները եկեղեցու խորհրդարանում, ժամերգութիւնից յետոյ, նկարագրուած են լրջութեան եւ կոմիքականի կրկնակի գոյներով: Գիւղացի տէրտէրը գեղջուկ մարդու եռանդով եւ միամիտ ոգեւորութեամբ արտասանում է աղատութիւն եղբարց մերոց գերելոց, ինչպէս եւ թագաւորաց քրիստոնէից եւ զինուորեալ մանկանց նոցան խօսքերը: Այդ խօսքերը արտասանում է նա գրեթէ կրօնական էքստազի մէջ, խառնելով նրան իր հայրենասիրական զգացումը եւ ամենեւին չմտածելով որ հայ եկեղեցում իր հանդիսաւոր պարտականութիւնը կատարելիս՝ անքաղաքագիտական գործ է թոյլատրում: Սակայն քաղաքագէտուն Հայրապետ էֆէնտին ցնցում է այդ խօսքերից, որ մինչեւ այն Կ.Պոլսի յոգնած եւ անտարբեր քահանաները հազիւ միմուալով են արտասանել:

Եւ էֆէնտին հասկացնում է, թէ Օրթագիւղում “ազատութիւն”, “զերեալ եղբայրներ”, “զինուորեալ մանուկներն խօսքերը չպէտք է արտասանուեն, թէ Կ.Պոլսի Օրթագիւղը Հայաստանի Տոմուղ գեղը չէ եւ ոչ էլ Օրթագիւղի Հասան փաշան գեղջուկ տէրտէրի ճանաչած Հասան փաշաներից որ եւ է մէկը:

Այս երկու տեսարանների մէջ ցոլանում է մեր հանրային կեանքի մի շատ նշանակալից ժամանակաշրջանը: Տէր-Յուսիկի եւ Հայրապետ էֆէնտիի բնորոշ նկարագիրների հետ երեւան է գալիս մի ամբողջ աշխարհ — Հայաստան, Յեղափոխութիւն, մատնութիւն, սուլթանի միահեծան տիրապետութիւն, Հասան փաշա, գում-գաբրուի ցոյցը, համբերութեան եւ սպասումի քաղաքականութիւն, էֆէնտիի եւ առաջնորդի իշխանութեան ինդիր, եւ այդ բոլորի մէջ “աղնուաշուքների եւ սարուկների մի ողորմելի հօտ, ստրուկ բարբերով, հոգով, իմաստութեամբ...

Արփիար Արփիարեան այդ ժամանակաշրջանը նկարագրել է կենդանի, պարզ, հոգեբանական ճշտութեամբ, իր նկարագրած պատկերին իրականի կատարեալ զգացում հաղորդելով:

Հայրապետ էֆէնտին հայութեան մէջ պատահող չարկների պատճեռը համարում էր Յեղափոխութիւնը: Կա տեսակէտով՝ այն բոլոր հալածանքները, կոտորածները, բանտարկութիւնները շատ կը մեղմանային կամ թերեւս բոլորովին չինէին, եթէ յեղափոխութիւնը չլինէր: Իր ամբողջ կեանքի ընթացքում ամեն կերպ աշխատել է չէղոքացնել յեղափոխականներին եւ յեղափոխութիւնը, ամեն բանի մէջ տեսնելով եւ որոնելով այդ չարկիքը եւ յաճախ կոռուելով նրա դէմ ծիծաղելի չափազանցութեամբ:

Եւ սակայն չնայելով այդ կատարեալ խոհեմութեան — սուլթանական

վարչութեան մէջ ձերբակալում եւ բանտարկում է նաեւ Հայրապետ էֆէնտին:

Այս բանտարկութիւնը խորին ազդեցութիւն է ունենում էֆէնտիի հոգեկան կեանքի վրայ: Արփիար Արփիարեան արուեստագէտի բարձր կարողութեամբ վերլուծել է Հայրապետ էֆէնտիի ներքին փոթորկալի հոգեբանութիւնը բանտարկուած վիճակի մէջ: Վաթուն տարեկան մարդ է էֆէնտին, սկզբից մինչեւ վերջ անընդհատ պայքարել է Յեղափոխութեան դէմ, ամենատեսակ խնարհութիւն է ունեցել կառավարող անձերի առջեւ, իր թաղից արտաքսել է բոլոր կասկածելի, խեղճ հայերին, անպատճել եւ հեռացրել է Հայաստանցի ղարիպ տէրտէրին, որովհետեւ նա յանդգնել է բարձրածայ: արտասանել հայոց եկեղեցու մէջ հին, աւանդական աղօթքը: Սակայն Հայրան պետ էֆէնտին եւս յանցաւոր է, քաղաքական ոճարգործ է, յեղափոխական է:

Այդ խոռվուած հոգու պատկերացումը՝ “Կարմիր ժամուց” ի լաւագոյն, ուժեղ, գեղեցիկ մասերն են գրաւում: Հոգեբանական այդ վերլուծումը ոչ միայն Արփիար Արփիարեանի գործերի մէջ, այլ եւ մեր գրականութեան մէջ աչքի ընկնող էջերից են, մեր արձակ գրականութեան, որ շատ հարուստ չէ հոգեբանական յղացումներով եւ իրագործումներով:

Հայրապետ էֆէնտիի մէջ՝ խարդախութեամբ եւ ստորութեամբ կատարուած բանտարկութիւնը ուժգին կերպարանափոխութիւն է առաջացնում: Եւ “հին հայրը բեկում է դէպի գաւառի մարդը, դէպի գաւառական Հայաստանը: Հոգեկան անձկութեամբ եւ կարօտալի յոյզերով — իր ազատութիւնից յետոյ — նա կամենում է տեսնել Հայաստանցի գեղջուկ տէրտէրին, որին այնքան չարութիւն էր արել Օրթագիւղի եկեղեցու ժամերգութեան պատճառով:

Տէր-Յուսիկը այնուհետեւ ձերբակալուել էր երկրում, իր գործունէութեան ասպարիզում, տարուել էր կ. Պոլիս, աքսորուել էր հեռաւոր վայրեր, ապա տարիներ յետոյ ազատուելով աքսորից՝ վերադառնում էր երկիր եւ առժամապէս գտնուում էր կ. Պոլիս:

Եւ մի երեկոյ Տէր-Յուսիկի աղքատիկ խուցի մէջ տեղի է ունենում Հայրապետ էֆէնտիի եւ գեղջուկ տէրտէրի սրտաշարժ հանդիպումը: Գեղցիկ, տիրօրէն գեղեցիկ է նաեւ այս հանդիպում նկարագրութիւնը:

Տեսակցութեան ժամին նրանք խօսում են Հայաստանի, գաւառի ինքնապաշտպանութեան մասին — եւ կերպարանափոխուած Հայրապետ էֆէնտին գեղջուկ տէրտէրի ձեռքը համբուրել ուղելով եւ նրան հրաժեշտ տալով յանձնում է նրան մի քսակ լեցուն ոսկի, իբրեւ ժամուց:

Բայց այդ ժամուցը այն ժամուցը չէ, որ նա տալիս էր Օրթագիւղի եկեղեցու եպիսկոպոսին, ժամերգութեան հանդիպաւոր օրերում:

Այդ ժամուցը կարմիր ժամուց էր եւ տրում էր Հայաստանի ինքնապաշտպանութեան համար:

“Կարմիր ժամուցը»ը քաղաքական վէպ է, ներկայացնում է մեր ազգային ոռմանտիզմի ժամանակաշրջանը:

Բայց այդ շրջանը եւ նրա մէջ գործող անձերը ներկայացնում է նա իրական ուղղութեամբ: Ուէալիստական վերլուծումը եւ ուէալիստական արուեստը այդ վէպի համար եւս յատկանշանական գիծ է, ինչպէս էր Արփիարեանի նախորդ երկերի համար: Անշուշ դժուար է ասել, թէ ոռմանտիզմ գրականութեան սկզբունքները եւ իդէալները չեն գործում այդտեղ: Գրական տեսակների մէջ անկարելի է չափաղանց ճշգրիտ սահմանագիծ անցկացնել: Եւ այս մանաւանդ այն գրական գործերի նկատմամբ, որոնք փոխանցման ժամանակաշրջանի արտայայտութիւն են: Խնդիրը աւելի քանակական է, քան թէ որպական: Եւ Արփիար Արփիարեանի քաղաքական վէպի մէջ գերակշռում է իրապաշտական տարրը:

Այս յատկութիւնը նրան հնարաւորութիւն է տուել կեանքի դէպիերի եւ անձերի նկատմամբ որոյ առարկայական վերաբերում ունենալ եւ քննադատական տեսակէտ հանդէս բերել: Այս քննադատական տեսակէտը անշուշ ուղղակի մեթօդով չէ կատարուած, ինչպէս էր կատարուէր հրապարական գործի մէջ: Արփիարեան արուեստագէտ է եւ նրա քննադատութիւնն էլ արուեստին յատուկ ձեւով է երեւան գալիս: Բայց ուշադիր ընթերցողը միշտ կարող է այս ինքնայտուկ ձեւից էլ հանել, դուրս բերել գրագէտի քննադատութիւնը, դէպիերի կամ անձերի գնահատութիւնը, մի խօսքով նրա աշխարհայեցքը:

ԱՌԴ, Ինչպէս է նայում Արփիար Արփիարեան իր գծած եւ իրական կերպով պատկերացրած անձերի ու դէպիերի վրայ:

Թէ Արշամին, թէ Հայրապետ էֆէնտիին եւ թէ Տէր-Յուսիկին նա ներկայացրել է իրենց համապատասխան միջնորդի մէջ, բացատրելով իւրաքանչեւրի հոգեբանութիւնը եւ իւրաքանչեւրի գործը: Բայց որքան էլ առարկայական լինի այս բացատրութիւնը — Արփիար Արփիարեան ունի դէպիերի եւ կեանքի իր ուրոյն ըմբռնումը:

Այս ըմբռնման համաձայն Պոլսեցի ուսուցիչ-պրոպագանդիստ Արշամը, որ իւր քաղաքական կուսակցութեան անդամ մտնում է Հայաստանի գիւղը գործելու՝ զրական հանդամներով չէ երեւան եկել: Այստեղ է գտնուում ոռմանտիզմ բաժինի իւր լոնդհանրապէս իրապաշտ Արփիարեանի տարբերութիւնը:

Արշամը ոօմնատիք է, հողից եւ իրականութիւնից կտրուած, գործում է վեց պետութիւնների միջամտութեան վրայ յոյս դրած, չէ արտայայտում աշխատաւոր գիւղացիութեան տրամադրութիւնը — եւ նրա գործունէութիւնը իր լաւ կողմերի հետ միասին ընդհանուր առմամբ վեսակար է: Վնասակար է, որովհետեւ նա նկատի չունի մեր ժողովրդի ներքին ոյժը, մեր երկրի ներքին

յարաբերութիւնները, որ միայն կարող են արժէքաւոր հետեւանքներ ստեղծել: Նա ժողովրդի բախուր փորձում է անհիմ, խաբուսիկ տուեալների վրայ, որի և խօսքով՝ արկածախնդրական գործ է կատարում:

Հայրապետ էֆէնտին արտայայտիչ է Կ.Պոլսի առեւտրական-բուրժուազիայի եւ չէ կարող ըմբռնել հայ աշխատաւոր գիւղացիութեան տեսակէտը: Այն ժամանակ, երբ պայքար է սկսուած աւատական միջնադարեան ուժիմի եւ աշխատաւոր գիւղացիութեան միջեւ՝ կրաւորական համակերպումը ոչինչ չի կարող անել: Ինքը Հայրապետ էֆէնտին էլ, հակառակ իր բոլոր համակերպման ազատ շմաց “արհաւիրքից”, չնայելով որ այդ արհաւիրքը ուղղուած էր ոչ թէ էֆէնտիների, այլ աշխատաւոր գիւղացիութեան դէմ:

Նա չէր կարող ըմբռնել, որ աշխատաւոր գիւղացիութիւնը կարող է ազատագրուել ներքին ոյժ կազմելով, միայն թէ այս ոյժը իմաստնօրէն գործադրելով:

Տէր Յուտիկը հայ գիւղական միջին խաւի արտայայտիչ է, իր ծագումով մինչեւ անդամ գիւղի միջին խաւից բարձր: Պաշտօնով քահանայ է նա, եւ ենթակայ ազգային, կրօնական, հասարակական նախապաշարումների, որոնք միջնացնում են նրա միտքը, մոլորում նրա զգացումը եւ շեղում նրա գործը:

Իբրեւ գիւղական կեանքի ծնունդ, ժողովրդի անմիջական ազդեցութեան ներքյա մեծացած՝ նա գնահատում է ինքնօգնութիւնը եւ ինքնապաշտպանութիւնը, եւ հասկանում է, որ կեանքում ներքին ոյժը միայն կարող է ըրպջ հետեւանք առաջացնել: Արշամի քարոզած եւրոպական “միջամտութեան դադարարը” նա մինչեւ վերջն էլ չի ըմբռնում: Բայց քանի որ նախապաշարումների տակ է եւ աշխատաւոր գիւղացիութեան հարազատ արտայատիչը — չի կարողանում սոցիալական յենարաններ որոնել թիւրքիայի միւս աշխատաւորների շրջանում, դուրս գալ մեկուսացումից, կղղիացումից եւ իր շուրջը ընական դաշնակիցներ գտնել: Կա ատում է թուրքին, ատում է մահմետականին առանց դասակարգի խտրութեան — եւ այս ատելութիւնը նրան միայնացնում է եւ նրա համար ողբերգական կացութիւն ստեղծում: Նրան պակասում է վստահութիւն դրացի աշխատաւորի նկատմամբ եւ աշխատաւոր գիւղացու զիտակցութիւնը, որ միացած ինքնօգնութեան, ինքնապաշտպանութեան եւ ներքին կազմակերպութեան գաղափարին՝ կարեւոր դեր կարող էին կատարել: Կա գտնում է նշանակալից կերպով Արշամից առաջ, եւ որքան շուտ ազատագրուի Արշամի ազգեցութիւնից, կրօնական եւ ազգային նախապաշարումներից, որքան շատ իր միջավայրի, իր դրացի աշխատաւորների հետ միասին գործէ — այնքան աւելի կը մօտենայ իր ազատագրութեան:

Որովհետեւ ժողովուրդների իսկական ազատութիւնը հնարաւոր է միայն աշխատաւոր ժողովուրդների համերաշխութեամբ եւ համագործակցութեամբ: Այդ ճանապարհը գծուարին եւ երկարաւեւ ճանապարհ է, այո՛, նա չունի

Եւրոպական “միջամտութեան”, եւ ցոյցերի արտաքին փայլը: Բայց նա է միակ ճշմարիտ ուղին, որ պիտի տանի չարքաշ եւ աշխատաւոր գիւղացիութիւնը դէպի քաղաքական ու տնտեսական ազատագրութիւն:

Յետագայ գառն եւ զարհուրելի գէպերը ցոյց տուին, որ Եւրոպական մեծ պետութիւնների միջամտութեան եւ նրանց “մարդասիրութեան”, միջոցով հայ աշխատաւորութիւնը ոչ թէ ազատագրուեց, այլ անդարմանելի հարուած ստացաւ: Արշամի քաղաքականութիւնը մեր մէջ գործեց տասնեակ տարիներ, մինչեւ որ հասաւ իր տրամաբանական վախճանին ու այլասերման:

Այսօրուայ իրականութիւնը, հայ աշխատաւոր ժողովրդի եւ իր դրացի աշխատաւոր տարրերի համերաշխութիւնն ու համագործակցութիւնը, որ սկսուել է այնքան գժուխային վերիվայրումներից յետոյ — պէտք է նկատել մեր կեանքի պատմական ամենամեծ գէպերից մէկը, վերջին դարի ամենամեծ գէպերը:

Արփիար Արփիարեան “կարմիր ժամուցոյի մէջ քննադատելով հանգերձ Արշամի արկածախնդրական ուօմանստիզմը, վեր հանելով հանդերձ հայ գիւղացու ներքին ոյժի, ինքնօգնութեան, ինքնապաշտպանութեան կարեւոր գերը — չէ կարողացել սակայն տեսնել ամբողջ ճամբան:

Ուօմանստիզմը եւ սոցիալական նախապաշարումները նրա վրայ էլ ունեցել են իրենց բացասական ազդեցութիւնը:

Սակայն իր յետագայ գրուածքների մէջ Արփիարեան հետզհետէ աշխատում է ազատագրուել այդ ազդեցութիւնից:

“Ոսկի ապրջանը այս զարգացող տրամագրութեան եւ հոգեբանութեան արտայայտութիւնն է:

## ԱՃԽԾՏԱԿՈՐԾԿԱՆ ՎԵՊԸ

(“Մինչեւ Երբ:,” “Ոսկի Ապօջան:,”)

Արփիար Արփիարեանի այս երկու գրուածքները մեր գրականութեան մէջ բացառիկ տեղ են գրաւում: Նրանց մէջ պատկերացած է հայ աշխատաւորի կեանքը այնպէս, ինչպէս մինչեւ այդ մեր արձակագիրներից ոչ ոք չէր պատկերացրել: Երկու գրուածքների կենդրոնական անձնաւորութիւնները պատկանում են աշխատաւորական-գործաւորական դասին: Արփիար Արփիարեան այդ գրուածքներով բաց է անում մի նոր աշխարհ, իր կենդանի տիպերով, իր ցաւագին պրօբլեմներով, իր ողբերգականութեամբ, որ այլապէս յուղիչ է եւ տարբեր կերպով զարհուրելի:

Այդ աշխարհում մարդիկ տանջուում եւ զոհաբերուում են ոչ թէ քաղաքական ոչժիշտ պատճառով, այլ տնտեսական անարդար կարգերի հետեւանքով, ոչ թէ օտար վարիչների սարսափով, այլ ներքին շահագործողների ձնշումով:

Եւ այս տանջանքն ու զոհաբերութիւնը մասնաւոր բնոյթ չունի, անհատական կամ պատահական բնաւորութիւն չէ կրում, այլ ընդհանուր է, սիստէմատիկ է, համատարած է: Նրա ստեղծած աւերը, թէեւ դանդաղ ու ծածկուած, սոցիալական օրգանիզմի համար սարսափելի հետեւանքներ է ունենում:

Արփիար Արփիարեան իր երկու գրուածքների մէջ այս ներքին վէրքը ներկայացրել է ոչ իր հրապարակագիր կամ քարոզիչ, այլ իբրեւ գեղարուեստագէտ, որ տեսնում է կեանքը, վերլուծում է դէպքերն ու անձերը եւ տալիս է այն կենդանի պատկերներով:

Նրա գրուածքները մեր իրականութեան անխարդախ արտայայտութիւնն են:

—

Առաջին գրուածքը, “Մինչեւ Երբ”, տպուած է Ա. Պոլսի “Մասիսի մէջ 1889 թուականին: Հեղինակը յետագայում փոփոխութեան է ենթարկում այն եւ նոր ձեւով հրատարակում է 1906 թուին, Գահիրէի “Շիրակուի մէջ:

“Այս պատկերը առաջին անգամ 1889ին ‘Մասիսին մէջ տպուեցաւ, երբ ընկերական իննդիլները մեր մոռքերը յուղել սկսած էին: Բաւական փոփոխութիւններով այժմ կարտատպենք զայն, 1890ի մեր մտահոգութեանցը իբր մէկ նշանը”:

Այսպէս էր գրում Արփիարեան 1906 թուին<sup>1</sup>:

<sup>1</sup> “Շիրակու 1906 թ. Հոկտեմբեր. Գահիրէ:

Այս մի քանի տողը մեր գրականութեան որոշ շրջանի վրայ լոյս են տառածում:

Արփիարեանի ասելով՝ ընկերական ինդիլները սկսել էին մեր մտքերը յուղել տակաւին 90 ական թուականներին: Անշուշտ այս հաստատութիւնը չպէտք է ընդունել լայն իմաստով: Գրականութիւնը 90 ական թուականներին այդպիսի մաքերով յուղուած չէր մեր մէջ: Բայց գրողները, իբրեւ մտաւորական մարդիկ, սկսել էին կարդալ ընկերական գրուածքներ, գիտել մեր կեանքի մէջ երեւացող ընկերական երեւոյթները եւ խորհրդածել այդ պրօլետական մէրի շուրջը: Արփիար Արփիարեան այս մտաւորական մարդկանց մէջ նշանակելի տեղ էր գրաւում, որ կարողացաւ գեղեցիկ գրականութեան միջոցով արձագանդ տալ մեր մոռքերը յուղող ընկերական ինդիլներին:

“Մինչեւ Երբը՝ նա համարում է 90 ական թուականի “մեր մտահոգութեանցը իբր մէկ նշան”»: Բայց ապահովաբար այս հաստատութիւնն էլ պէտք է ընդունենք որոշ վերապահութեամբ, քանի որ 90 ական թուականներին աշխատաւորական, կամ աւելի որոշ իմաստով գասակարգային վէպը մեր գրագէտների մտահոգութեան առարկան չէր: Բաւական է մի ամփոփի հայեացք նետել մեր գրականութեան թէ արեւելահայ եւ թէ արեւմտահայ հատուածի վրայ, համոզուելու համար, որ այդ ժամանակաշրջանում Արփիարեանի ակնարկած ընկերական մտահոգութիւնը մեր մէջ տակաւին գիտելի երեւոյթ չէր:

Ռաֆֆին այդ շրջանում մեռած էր արդէն: Կրա վերջին գործերը եղան քաղաքական եւ պատմական վէպեր: Ղազարոս Աղայեանը ապրում էր Տէքիաթների գիւթական աշխարհում: Պերճ Պոօշեանը շարունակում էր ազգագրական վէպը, նկարագրելով գիւղի կեանքը իր բացասական եւ դրական կողմերով, իր ցեցերով եւ զոհերով, անշուշտ անկախ 90 ական թուականների մեր ընկերական մտահոգութիւնից: Շիրվանզարէ, Լէօ, Վրթանէս Փափազեան, Մուլացան, Նարդոս զանազան ուղղութեամբ եւ տարբեր տաղանդով գրուած իրենց արձակի մէջ հանդէս ըներեցին “90 ական թուականի ընկերական մտահոգութիւնը», այս իմաստով, ինչ իմաստով գրուած է Արփիարեանի “Մինչեւ Երբը»:

Արեւմոահայ վիպագիրները այս տեսակէտից չէին տարբերուում արեւաշայ վիպագիրներից: Այդ շրջանի հեղինակները՝ Գրիգոր Զօհրապ, Լէւոն Բաշալեան, Տիգրան Կամսարական, ընօսելով այլ եւս հների մասին, իրապաշտ էին Արփիարեանի գրական գործունէութեան առաջին շրջանի ոգով, բայց չունեին նոյնպէս “90 ական թուականի ընկերական մտահոգութիւնը»:

Այսպէս: Արփիարեանի վերոյիշեալ միտքը չէ բնորոշում 90 ական թուականների մեր գրական ուղղութեանը ընդհանուր տեսակէտով: Այդ միտքը արժէք ունի միայն այնքան, որքան նա վերաբերում է մեր մտաւորական որոնումներին ընդհանրապէս եւ Արփիարեանի գրական սկզբնաւորութեան

մասնաւորապէս: Հայ վիպագիրների մէջ Արփիարեան առաջինը եղաւ, որ արտայայտեց աշխատանքի եւ դրամի ընդհարումը, որ ներկայացրեց այս ընդհարման զոհերին իրական, յուղիչ պատկերներով եւ որ ինչպէս ինքն է առում՝ նշանացյց եղաւ մեր մտքերը յուղով ընկերական խնդիրներին ու մտահոգութեան:

Արփիար Արփիարեանի աշխատաւորական վէպը այսպիսով եղաւ ոչ միայն կեանքի պարզ, բնական արտայայտութիւնը, այլ եւ դրական ու ընկերական գիտակցութեան առարկայացած նշանը:

“Մինչեւ ե՞րբ» ի մէջ դուրս են բերուած երկու տիպեր, որոնք արտայայտիչ են երկու հակամարտ դասակարգերի: Առաջինը՝ թորոս աղբարք, որ երեսուն տարիներից ի վեր բանուորութիւն է անում Կ.Պոլիս, իսկ երկրորդը՝ ճարտարապետ Գասպար Էֆենդին, որ “Տինգվեց հարիւր գործաւոր կը բանցնէր”:

Թորոս աղբարք սկզբնապէս եղել է հողագործ: Հայաստանի հեռաւոր եւ աղբարք վայրում մշակելիս է եղել նա մի կտոր հող, որ սակայն բաւարարութիւն չէ տուել նրա ընտանիքի ամենատարարական պահանջներին:

Սակաւահողութիւնը եղել է թորոսի, եւ անշուշտ միւս թորոսների համար, տնտեսական աղբարտութեան, մշտական զբկանքների պատճառ: Այս պարագան նետել է նրան գիւղական վաշխառուի գիրկը, “Հայ քրիստոնեայ, վաշխառուների, որոնք չքաւոր գիւղացիներին հարստահարելու գործում ոչ մի աղբային կամ կրօնական խորութիւն չէին դնում”:

Սօցիալական եւ տնտեսական այս ծանր պայմանների հետեւանքով՝ թորոս աղբարք թողնում է գիւղը եւ գնում է դէպի արդիւնաբերական-առեւտրական կենդրոն Կ.Պոլիս, աշխատելու իրեւե գործաւոր:

Գիւղացիական կեանքի մի չափազանց հետաքրքրական ըրջանի արտայայտութիւնն է արձանագրուած այստեղ, այն ըրջանի, երբ տնտեսական կենդրունացման հետեւանքով գիւղացիութիւնը հետզիւտէ ենթարկում է բանուորականացման: Մեր մէջ այդ ըրջանում գիւղացիները թողնում էին երկրագործական աշխատանքը եւ փոխագրուում էին քաղաք՝ ժամանակաւորապէս գործաւոր լինելու մոադրութեամբ: Կրանք տակաւին կապուած էին գիւղը հետ, ընտանիքի անդամները ընդհանրապէս գտնուուր էին գիւղում եւ սպասում էին շարունակ իրենց դարիաների վերադարձին: Վարիաները քաղաքում ամեն կերպ աշխատում էին իրենց նշին օրավարձից մի բան խնայել, որպէս զի կարողանան “արտը, փրկել վաշխառուի ճիրաններից եւ վերադառնալ նորէն գիւղ, հողագործութեամբ պարագելու համար: Բայց այս մտադրութիւնը ընդհանրապէս չէր իրագործուում, որովհետեւ մէկ կողմից վաշխառուի պարագերը երբէք չէին վերջանում, միւս կողմից՝ չէին կարողանում “մի բան”, խնայել իրենց օրավարձից, որովհետեւ այս “արդար” օրավարձն ան-

գամ չէին ստանում իրենց անխիղճ գործատէրերից առանց մեծամեծ կրծատումների: Եւ պանդուխտ-գործաւորների համար ստեղծուում էր մի յոռի շրջանակ, որից երբէք չէին կարողանում գուրս գալ նրանք եւ որ նրանց պանդուխտութիւնը եւ գործաւորութիւնը տեւական էր գարձնում քաղաքում:

Արփիար Արփիարեան այս ընդհանուր միջավայրի եւ այս ախտաւոր կարգերի մէջ է գրել իր հերոսին, թորոս աղբարին, որ ծերացել է արդէն գործաւորական տաժանելի բերան տակ:

“... չիմակ յիսունը անցուկ, թորոս աղբարը թալուէն տասնութը տարու Փոլիս զալով հիւսն եղած էր, իր թուրո երկրացիներուն պէս: Առջի քան տարին չորս անգամ սիլահ ըրած էր, բայց տասը տասերկու տարիէ Փոլսէն չէր կրնար հեռանալ, վասն զի գործերը գէշ կերթային: Սակայն ետքերը ուրիշ ճարտարապետի մը քով աղեկ բանած էր ու կրցած էր թէ տունը ստակ իրկել, թէ պարտքին իհաշիւ բան մը վճարել եւ թէ քսան ոսկի մըն ալ աւելցնել: Ակրան եթէ քիչ մըն ալ սղմելու ըլլար, պիտի կրնար չէն շնորք երկիր դառնալ, հնն պահանգատանար պիտի այլ եւս: Բայց այդ ամառը գործին էն բանուկ օրերը, լաստակերտէ մը վար ինկաւ, վիրաւորուեցաւ:”

Այսպէս է ներկայացնում Արփիարեան թորոս աղբարի անելանելի կացութիւնը: Յիսնամեայ գործաւորը տասնեակ տարիներ արիւն քրտինք է թափել, առաւօտից երեկոյ գրաստի պէս աշխատել է — եւ սակայն չնայել այդքան աշխատանքին՝ իր ծերութեան հասակում նա նորէն ու նորէն կատարելապէս սեփականազուրկ է: Թորոս աղբարը քաղցր երազներ է ունեցել գիւղ վերադառնալու վերջապէս, պարտքը վճարելու, արտը փրկելու վաշխառուի ձեռքից: Բայց այդ երազները չեն իրականանում, որովհետեւ աշխատանքի ժամանակ լաստակերտից վայր է ընկնում եւ վերատրուում: Այսպիսի պատահարները բանուորական կեանքում բացառիկ գէպքերը չեն: Մէկը հանքի մէջ է մնում, միւսը մէքենայի տակ ձեռքը կամ ոտքն է թողնում, երրորդը հիւծախտ է ստանում մուրի մէջ անդապրում աշխատելով, չորրորդին հասնում է մէկ ուրիշ “պատահար”: Թորոս աղբարն էլ լաստակերտի զոհն է գառնում: Հիւանդութեան ժամանակ հայստանցի գործաւորը սպառում է իր տաժանագին խնայողութեան մէկ նշանակելի մասը: Գիւղ գնալու, պարտքը վճարելու, արտը փրկելու գեղցիկ ծրագիրները եղերական կերպով ոչնչանում են: Թորոս աղբարի հոգում ստեղծուում է անասելի գառնութիւն: Երես երկար տարիների ծանր աշխատանքից յետոյ, երբ նա այնքան մօտեցել էր երազած օրուան, այժմ կրիին անդառնալի կերպով հեռացած է նրանից: Երիտասարդ հասակում թորոս աղբարը դեռ կարող էր ամեն բան նորից

սկսել, կարող էր չափել տասը, քսան տարուայ տաժանելի աշխատանք եւս եւ թերեւս եռանդով, ջերմութեամբ գործի կպչէր: Բայց այս հասակում, տարիների այս ծանրութեան տակ, երբ ապագան նրա աչքերի առջեւ մընում է եւ հեռանկարները դառնում են այնքան մշուշապատ — ինչ պիտի անէր թորոս աղբարը:

Ահա թէ ի՞նչպիսի ողբերգութիւն է ստեղծում աշխատաւորի հոգում:

Թորոս աղբարը տեսնում է, որ ի զուր են անցել բոլոր չարչարանքները, որ երեսուն եւ երկու տարիների պանդխտական եւ գործաւորական դառնալից կեանքը ոչ մի բան չարժէ այսօր, ոչ մի հետեւանք չտուեց այսօր: Գիւղը նրա համար մնում է նորէն հեռաւոր, անհասանելի տարածութեան ետեւ, արտը մնում է յաւիտենապէս վաշխառուի ձեռքում, ընտանիքը դատապարտուած միայնութեան, աղբատութեան, սովամահութեան:

Արփիար Արփիարեան մի քանի համառօտ, բայց բովանդակալից էջերի մէջ ներկայացնում է այս կեանքը եւ այս գժուարին դրաման: Այդ դրամայի մէջ միայն թորոս աղբարը չէ, որ գտնում է: «Նա մի հաւաքական անձնաւորութիւն է, նա մի իրական տիպ է, նրանով ներկայացուած է մի ամբողջ աշխարհ»:

Այդ էջերի մէջ Արփիարեան վեր է հանում կեանքի սոցիալական-տնտեսական վիրաւոր կողմը, բաց է անում մի միջավայր, որ գոյութիւն ունէր մեր կեանքում, բայց որ յայտնուած չէր գրականութեան միջոցով: Եւ սոցիալական կեանքի այդ անխարդախ ցուցադրութեան հետ միասին՝ պատկերացնում է մարդկանց հոգեբանութիւնը, մարդկանց ներքինը վարպետի փորձուած եւ համարձակ ձեռքով:

Իր հոգեկան ծանր տանջանքների մէջ՝ թորոս աղբարը չի կարողանում մի ելք գտնել: Հայաստանի յիսունամեայ գործաւորը, որ ծերացել էր դաժան պայմանների մէջ տարիքից աւելի շուտ, կ'ուղէր գիւղ երթալ: Իր ընտանիքի եւ զաւակների կարօւը, իր ծննդավայրի սէրը, իր հողը, իր արտը այս կացութեան մէջ աւելի եւս քարշում էին նրան:

Սակայն ի՞նչ անէր եւ ի՞նչպէս գնար:

«Ի՞նչո՞վ պիտի երթար: Ստակ պէտք էր ճամբու ծախքի համար, ստակ պէտք էր արտը ազատելու համար: Արտը, մեծ մումուռով: Երսուն երկու տարի առաջ երկրէն հինգ հարիւր դուրուց պարտը նելած էր՝ արտը գրաւ դնելով: Երսուն երկու տարիէ ի վեր կը դատէր ու կը դատէր, պարտը կուտար ու կուտար: Ինքը ծերացաւ, պարտը չլմնցաւ: Ոչ միայն լմնցած չէր, այլ աւելցած ալ: Գոնէ կէսը վճարելու էր, չէ նէ արտը ծեռքէն կերթար: Արտը՝ ծերութեան յոյսը, զաւկին ապաէնը, թոռներուն ապագան . . .»

Այս յուսահատ մոքերի մէջ թորոս աղբարը վճռում է դիմել իր «պարտապանին»:

«Ի՞նչպէս ուրիշ շատ զործաւորներ, թորոս աղբարն ալ առնելիք քուոր մըն էր, բայց պարտապանը շատ հարուստ մէկը ըլլալով, առնելիքը փրցնելու յոյսը յիմարամիտ փորձովթիւն մը կրնար համարուիլ:»

Սակայն պէտք էր դիմել, քանի որ ուրիշ որ եւ է ելք չկար թորոս աղբարի առջեւ: «Նրա պարտապանը ճարտարապետ գասպար էֆէնդին էր, որ այժմ պարզապէս «էֆէնդին էր կոչում» իր հարստութեան եւ դիբքի պատճառով:

Գասպար էֆէնդին ծագումով գիւղացի էր: Երիտասարդ հասակում, աղբատ վիճակի մէջ, գիւղից կ. Պոլիս էր գնացել դրամ վաստակելու: Գիւղում թողել էր մօրը միայն: Զէր ամուսնացել այնտեղ, մտածելով որ կ. Պոլիս աւելի «նպատակայարմար», ամուսնութիւն կարող էր պատահել: Զէր ուղեցել գաւառում «աւելորդ», կապեր ունենալ, առանց այն էլ մօր կապը նրան շատ ծանր էր երեւում:

Կ. Պոլսում գասպարը աշխատում է սկզբում իբրեւ պարզ գործաւոր: Ինքնամիտի, լուակեաց, սակաւապետ երիտասարդ էր: Ստացած օրավարձի մեծ մասը խնայում է: Ընկերներից եւ հայրենակիցներից հեռու էր մնում, չէր ապրում նրանց համայնական, ընկերական կեանքով, որովհետեւ չէր ուղղում ոչնչ զոհաբերել նրանց համար: Կատարելապէս հեռու էր փոխադարձ աջակցութեան գաղափարից եւ գործադրութիւնից: Ապրում էր միայն ինքն իր համար: Եկեղեցի չէր գնում ամենեւին, ոչ թէ նրա համար, որ ժամ չէր սիրում, այլ նրա համար, որ չափազանց ինսայող էր եւ չէր ուղղում մոմ վառել: Սիրալ սաստկապէս նեղանում էր, երբ հարկ էր լինում գիւղը հարազատ մօրը դրամ ուղարկել: Երկու քոյր ունէր կարգուած: Գեռայրները աղբատ մարդիկ էին: Երկան մի անգամ մի քանի դուրուց պարտը ուղեցին: Գասպարը պարզապէս «չունիմ», պատասխանեց, կարճ, կտրուկ, որպէսզի յետոյ ոսկի չուղեն, յետոյ ամբողջ վաստակը շառնեն:

Գործաւորական վիճակից կամաց բարձրանում է գասպարը, քծնելով, շողբորթելով, յամառ եւ անդադրում աշխատելով: Գառնում է շնութիւնների վերակացու, տաճիկ պաշտօնակիցների մեղսակցութեամբ կատարելապէս ապահովում է «բացափիկ շահերի» գործը եւ հարստանում է վերջապէս:

Տարիներ յետոյ գասպարը գառնում է անկախ գործատէր, իր ձեռքի բանեցնում է հինգ-վեց հարիւր գործաւոր, վճարում է շատ քիչ, իւրաքանչիւրի օրավարձից էլ ամեն տարի վար է դնում 2—5 ոսկի եւ պատպիսով տարեկան 2000—2500 ոսկի «աւելորդ», եկամուտ ապահովում իր համար: Գործաւորները տանչում են, տառապում են, բայց չեն կարողանում իրենց «պարտը», յետ ստանալ անխիղճ, անկշտում գործատէրից:

Ճարտարապետ Գասպար Էֆէնդին հարստանալով փոխադրւում է Գատը-գիղ, ամուսնանում է կեսարացի հարուստ վաճառականի աղջկայ հետ եւ դառնում է զօրաւոր “Գասպար Էֆէնդին”։ Գատը-գիղի հասարակութիւնը նրան թաղական է ընտրում, յետոյ այդ թաղից “աղջային երեսիուան” է ընտրում եւ Աղջային ժողովն էլ նրան Քաղաքական ժողովի անդամ է դարձնում։

Ահա թէ ինչպէս է բարձրանում Գասպար Էֆէնդին։

Սակայն այդ բարձր պաշտօնների մէջ Գասպար Էֆէնդին ամենեւին չէ մեղմանում, չէ աղնուանում, այլ աւելի սարսափելի է դառնում տարաբախտ գաւառացիների եւ իր հարիւրաւոր գործաւորների համար։

Այս մարդուց ահա պէտք է թորոս աղքարը իր առնելիքը ստանար։

Հայաստանցի գործաւորը որ եւ է յստ չունէր, քանի որ լաւ էր ճանաչում Գասպար Էֆէնդիի անողորմ հոգին, բայց “ծովն իյնողը օձուն կը փաթթուի”, մտածում է նա եւ քայլերը ուղղում է դէպի Էֆէնդիի գրասենեակը։

Ամբողջ ողբերգութիւնը այնտեղ է սակայն, որ Գասպար Էֆէնդին չունէր նոյն իսկ առածի գթասրտութիւնը։

“Մասալների մէջ օծը երեխն կը կարեկցի պաղատող աչքերու, բայց որ եւ է առասպելաբանութիւն իսկ երբէք երեւակայած չէ ստեղծել մասալ մը, որուն մէջ Գասպար Էֆէնդի մը, որ մը օրանց գէթ օծին չափ զթասիրու երեւար . . .”

Ահաւասիկ եղակացութիւնը։

Արփիար Արփիարեան այսպիսի դառն հեղնութեամբ իր պատմուածքի գոյները խտացրել է վերջում, բայց այս խտացումը բնաւ չէ փոխում տիպերի, դէպքերի, իրողութիւնների ներքին իմաստը, որ մնում է գերազանցապէս բնական եւ խորապէս ճշմարիտ։

—

Արփիարեանի գրուածքի մէջ երկու տարբեր տիպերի եւ երկու տարբեր գասակարգերի ընդհարումը պատկերանում է մեզ իրական ողբերգութեամբ։ Այդ ընդհարման մէջ զոհւում է թորոս աղքարը, որ հիւանդանում է Գասպար Էֆէնդիի պատճառած չարչարանքների հետեւանքով եւ մեռնում է աղջային հիւանդանուց։ Գործաւորի արիւն քրտինքով ինայած տասը ոսկին սեփականում է աղջային հիւանդանոցի վարչութիւնը, թէեւ թորոս աղքարը այնտեղ երկու օր է միայն ապրում։ Եւ երբ թորոսի տարաբախտ որդին գիւղից գնում է Կ. Պոլիս ստանալու համար հօր թողած միակ “ժառանգութիւնը աղջային հիմնարկութիւնից — հիւանդանոցի քարտուղարը յայտարում է անմարդկային խստութեամբ։

“Հիւանդանոցը ծրիաբար դարմանուրդ դարիպին վրայէն ինչ ելլայ, հիւանդանոցին կը մնայ։ Օրէնքը աս է։”

Հայաստանցի գիւղացու համար տասը ոսկին ամբողջ հարստութիւն էր։ Մելքոնը, թորոսի որդին, աղիողորմ կոչերով ինդրում է հանել տասը ոսկուց այն, ինչ որ ծախսուած է հիւանդի վրայ։ Եւ երբ նորէն ստանում է չար, բացասական պատասխան, դառնացած սրտով բացականչում է հիւանդանոցի ամենալզոր քարտուղարին։

“Էֆէնդի, աղջատին հանուր պիտի ուտէք, Աստծու արդար դատաստանէն չէք վախնար . . .”

Այս խօսքերից յետոյ հիւանդանոցից արտաքսում են Մելքոնին իր ընկերների հետ, զավթիէ կանչելու սպառնալիքի տակ, կրկնելով շարունակ թէ՝

“Չեր հախէն քիւրդերը կրուգան, քիւրդերը . . .”

Հայաստանցի գործաւորի որդին գնում է գանգատուելու պատրիարքարանին, բայց վերջնս պատասխանում է թէ “պատրիարքարանը հիւանդանոցի գործերուն չի խառնուիր” . . .

Հետեւանքը։

“Գնաց, արտը զնաց։”

“Հիմակ անդին երկիրը մարն ու մամը ո՞րը լային պիտի, մեռենին մի, ղարիպնին մի, չէ նէ արտերնին մի . . .”

Այս սրտաճմիկ եւ իրական պատմուածքի վերջում Արփիար Արփիարեանի ներկայացրած բանուորները հետեւեալ դառն մոքերն են արտայայտում։

“Ա’ի, Աստուած, աս մինչեւ ե՞րբ պիտի քաշենք։ Մեր հայուն մեզի ըրածները ալ տաճկին ըրածները մոոցնել կու տան։ Երկիրը մեր ազգէն հայ քրիստոնեան է, որ օծի պէս վգերնիս կը փաթթուի, հողերնիս, տուներնիս, ունեցածնիս, չունեցածնիս ծեռքերնուս կառնէ, նորէն չի կշտանար, նորէն չի կշտանար։ Հոս Սթամպօլ մեր ազգէն հայ քրիստոնեան է, որ հախերնիս կուտէ, մեր փարայովը մարդ կ’ըլլայ ու մեզի ղարիպութեան մէջ հիւանդանոցները կը մեղնէ։ Մեր ազգն է, որ ոչնչպէրին երկու փարային աչք կը տնկէ, ճէպէն կը գողնայ, աւոր հացի կարօտ կը թողու։ Ա’ի, Աստուած, ա’ի։ աս մինչեւ ե՞րբ, մինչեւ ե՞րբ . . .”

Արփիար Արփիարեանի “Մինչեւ ե՞րբ” պատմուածքը ցուցահանում է մեր ներքին վէրքը։ Այն ժամանակ, երբ հին ումանսէիք գրողների ամբողջ ուշադրութիւնը ուղղուած էր “քաղաքական դէպքերի” վրայ, Արփիարեան ներկայացնում է ներքին ողբերգական կեանքը, իր աւերիչ կողմերով, իր այլասերման ահաւոր վտանգով։

Քաղաքական կողմից աւելի նա իր ուշադրութիւնը գարձնում է սոցիալական կողմի վրայ եւ ցոյց է տալիս, թէ մեր աշխատաւոր ժողովուրդը ինչ սարսափելի տանջանքներ է կրում իր “աղջակից հայ քրիստոնէից”։

Այս տանջանքները կրում է հայ աշխատաւոր գիւղացին չայաստանի հեռաւոր գիւղերում, գրաւ դնելով իր արտը քրիստոնեայ վաշխառուների ձեռքում, գառնալով նրանց ստրուկը, կորցնելով իր կեանքը եւ հացը:

Այս տանջանքները կրում է նաև հայ գործաւորը Կ. Պոլսում, Ենթարկուելով քրիստոնեայ գործատէրի ամենաբիրտ շահագործման: Կ. Պոլսի հայ բորժուազիան հարստանում է նրա արիւնոտ աշխատանքի գնով եւ ամենեւին չէ մտահոգում թէ ինչպէս է ապրում եւ մեռնում զարիա աշխատաւորը մեծ քաղաքի բանուղական թաղերում:

Հայ հասարակական եւ “բարեգործական”, հիմնարկութիւնները միւս կողմից, պաշտպանում են զրամատէրին աշխատաւորի հանդէպ եւ միջոց են ծառայում՝ զրամատէրի լուծը աւելի եւս ծանրացնելու հայ աշխատաւորի պարանոցին:

Վերջապէս հայ պատրիարքարանը, որ արեւմտահայոց մէջ ոչ միայն “կրօնական”, այլ եւ “քաղաքական”, կազմակերպութիւն էր եւ պիտի պաշտպանէր հայ ժողովրդին “հարստահարութիւնների” գէմ, թոյլ էր տալիս, որ այդ ժողովուրդը անխիղճ հարստահարութեան Ենթարկուի հայ էֆէնդինների եւ հայ դրամատէր դասի կողմից:

Արիիար Արփիարեան իր գրուածքի մէջ ներկայացրել է այս սոցիալական ախտը, ցոյց տալով, թէ հայ աշխատաւորը ինչպէս է թուլանում, տկարանում այս ներքին հիւանդութիւնից եւ զրանով իսկ կորցնում արտաքին վտանգներին գիմազգելու կարողութիւնը:

Այս կեանքը, այս պրօբլեմները եւ այս սոցիալական աշխարհահայեացքը նա զրել է գրական-գեղարուեստական ձեւի մէջ, տալով իրական պատկերներ եւ գծելով իրական հոգեբանութիւն: Իր գրական գործին նա չէ տուել քարողշական կամ դաստիարակչական բնոյթ, ինչպէս անում էին մեր ոռմանտիքները:

Այդ գործը որքան համարձակ է իր գաղափարներով եւ իր սոցիալական կողմով, նոյնքան գեղեցիկ է արուեստի, գրականութեան տեսակէտից:

“Մինչեւ երբ լից յետոյ “Ուսկի ապրջանը”, նրա երկրորդ կարեւոր աշխատութիւնն է այդ ուղղութեամբ, աւելի ամբողջական եւ աւելի բովանդակալից, որին եւ դառնում ենք այժմ:

—

“Մինչեւ երբ ոի սկզբնական տպագրութեան եւ “Ուսկի ապրջան” միջեւ ընկած է բաւական երկար ժամանակամիջոց: Առաջնոր Կ. Պոլսի “Մասիսու մէջ երեւաց 1889 թուին, իսկ երկրորդը Գահիրէի “Շերակին մէջ երեւաց 1906 թուին:

Այս ժամանակի ընթացքում մեր կեանքի մէջ բաւական նշանակելի փոխլութիւն առաջացաւ: Եթէ Արփիար Արփիարեանի ակնարկած “ընկերային մտահոգութիւնը” տակաւին 90 ական թուականներին շատ մասնակի նշանակութիւն ունէր, ապա 1906 ին արդէն բաւական հիմքեր ունէր: Դեռ

անցեալ դարավերջին Ռուսաստանսւմ սկսուեցին շարժումներ, որոնց վրայ շատ բնորոշ կերպով ընկերային խնդիրների “մտահոգութիւնը” կար: Քասներորդ դարի սկզբում, 1902—1903 թուին, կովկասում եւս տեղի ունեցան նոյն խմատով շարժումներ: Թիֆլիս եւ Բագու — կովկասեան մտաւորական եւ արդիւնաբերական կենդրոններում — գործաւոր դասակարգը կազմակերպուած ձեւով գուրս եկաւ տիրող քաղաքական վարչածեւի եւ անտեսական հասարակակարգի դէմ: Այդ շարժումները հետզհետէ աւելի գորացան ուսուձագանական պատերազմի ընթացքում, 1904 թուին, որին հետեւ 1905 թուի Ռուսաստանի առաջն Յեղափոխութիւնը: Այս յեղափոխութեան յատկանական կողմն այն էր, որ սկսուեց անտեսական մեծածաւալ գործադուլով եւ առաջ տարուց գլխաւորապէս աշխատաւորական դասակարգի միջոցով: Հետզհետէ գործնական կեանքում իրականանում էր այն տեսակէտը, որ արտայայտել էին Ռուսաստանի աշխատաւորութեան յայտնի տեսաբանները եւ որի համաձայն Ռուսաստանում Յեղափոխութիւնը պիտի լինէր կամ գործաւորութեան միջոցով եւ կամ երբեք չպիտի լինէր:

Գրականութիւնը քաղաքական եւ սոցիալական այս գէպերի հանդէպ չէր կարող լուռ մնալ: Ռուսաստանում այդ ժամանակաշրջանը արտայայտեց առաւելապէս Մաքսիմ Գորկին, որ երեւացել էր մինչեւ այդ իբրեւ աշխատաւորական յեղափոխութեան “փոթորկաբեր”:

Արեւելահայ գրականութիւնը, որ շարժում էր այդ պատմական գէպերի մինչողութում, ընականաբար չէր կարող խուլ մնալ կեանքի մեծամեծ իրադարձութիւնների հանդէպ: Ամենից առաջ նոր շարժումներին եւ հասարակական նոր արամաղրութիւններին արձագանգ տուեց հրապարակագրութիւնը: Ութ սունական եւ խնսունական թուականների մեր հրապարակագրութիւնը, որ զբաղուած էր բացառապէս աղդային եւ “թիւբքահայկական” քաղաքական խնդիրներով — սկսեց զբաղուել նաև սոցիալական եւ տնտեսական հարցերով: Աշխատաւորութիւնը, գործաւորական շարժումները, մի խօսքով “ընկերային մտահոգութիւնը” նոր հրապարակագրութեան կարեւոր հիմքերից մէկը գարձաւ: Անշուշտ հին հրապարակագրութիւնը եւ հին հրապարակագրիները ասպարէղց չեռացան, “թիւբքահայկական” հարցի շնորհւ նրանք մինչեւ անդամ պահեցին ընթերցողների մեծամասնութիւնը — բայց վերջապէս կորցըին իբրեւ տարամերժ տիրապետութիւնը: Նոր հրապարակագրութիւնը ընկերային կարեւոր խնդիրների հետ միասին՝ զբաղուեց նաև “թիւբքահայ”, հարցով եւ այդ յաւիտնենապէս անլուծելի խնդրի համար առաջարկեց նոր տեսութիւն, որ մերժում էր եւրոպական գիւտանական արտաքին ճանապարհը եւ առաջարկում էր ներքին միջոց:

Հրապարակագրութիւնից յետոյ նոր արամաղրութիւններին եւ հասարակական նոր իդէալներին արձագանգ տուեց նաև բանաստեղծութիւնը: Այս ողջութեամբ եղած փորձերից կարեւոր են իտալացի բանաստեղծութիւնը և գանգրիի երգերի թարգմանութիւնը եւ Շուշանիկ կուրղինեանի ինքնու-

րոյն բանաստեղծութիւնները: Եղան նաեւ ուրիշ գրողներ, որոնք թէ բանաստեղծութեան եւ թէ արձակի մէջ արտայայտեցին նոր ժամանակը — բայց այդ գրական փորձերը չանցան միջակութեան սահմաններից եւ չըարձրացան գեղարուեստական կատարելութեան աստիճանը: Շուշանիկ կուրղինեանն էլ անշուշտ գեղարուեստական տեսակետով՝ առանձնապէս նշանակալից չէ, բայց նա կարողացաւ որոշ թափ եւ որոշ զարկ դնել իր բանաստեղծութիւնների մէջ, արտայայտելով ժամանակի տրամադրութիւնը եւ ազդելով ընթերցող ների բազմութեան վրայ:

Հասարակական կեանքի ազդեցութիւնը գրականութեան վրայ այդ ժամանակաշրջանում գրեթէ այսքանով էլ սահմանափակուեց: Հրապարակագրութիւնից եւ բանաստեղծութիւնից զատ, վիպագրութիւնը եւ թատերագրութիւնը կարեւոր գործերով չարտայայտեցին այդ շրջանը, եւ առջասարակ յայտնի հեղինակները սպասողական դիրք բռնեցին նոր կեանքի հանդէպ եւ շարունակեցին իրենց հին նիւթերը մշակել:

Եթէ արեւելահայ գրականութիւնը, որ ապրում էր քաղաքական եւ սոցիալական փոթորկուած միջավայրի մէջ, այսպէս էր, աւելի շարժուն չէր կարող լինել արեւմտեան հայերի գրականութիւնը, որ գտնում էր կամ թիւքիայում՝ կապանքների մէջ եւ կամ աստանդական վիճակում, առանց ժողովրդական յենարանի եւ ներշնչումների:

Արփիար Արփիարեանի “Ոսկի ապրջանը”, այս պայմաններում աւելի եւս ուշագրաւ հանգամանք է առնում, լինելով միակ արժեքաւոր երկը ժամանակակից մէր վիպագրութեան մէջ եւ արտայայտելով այնքան հեռուից ժողովրդական, սոցիալական նոր շարժումներն ու նոր իդէալները:

Արփիար Արփիարեան 1905 թուին Ռուսաստանի Յեղափոխութեան եւ Կովկասեան շարժումների ժամանակ ապրում էր Գահիրէում: Կեանքին նա հետեւում էր լրագրութեան եւ գրականութեան միջոցով: Սակայն չնայելով այս աննպաստ պարագային, կեանքն ու սոցիալական շարժումները ազդեցին նրա գեղարուեստական տրամադրութեան եւ երեւակայութեան վրայ, մղեցին նրան դէպի մի ձանապարհ, որով պիտի ընթանար ապրող, ստեղծագործող գրականութիւնը: Այդ ժամանակաշրջանի իրականութիւնը եւ հրապարակագրութիւնը նրան ոչ այնքան նոր փաստեր հաղորդեցին, որքան լուսաւորեցին նրա ստեղծագործական հայեցողութիւնը՝ իր ծանօթ կեանքի վերաբերմամբ: Ընկերական յարաբերութիւնների խորին լաբիրինթոսում շարժուելու եւ նրա զանազան կողմերը տեսնելու համար՝ շատ կարեւոր դեր կատարեց այդ բովանդակաւլից եւ ուժգին ժամանակաշրջանը: Որքան էլ ըստ երեւոյթին թոյլ լինի կապը նրա սոցիալական գրականութեան եւ այդ ժամանակաշրջանի տրամադրութիւնների միջեւ, այնուամենայիւ այդ կապը դոյութիւն ունի անկասկածելի կերպով:

Եւ “Ոսկի ապրջանը” մի նշանակալից պատմական էպօքի արտայայտութիւն է:

Գրուածքի կենդրոնական անձնաւորութիւնը մի գործաւոր է, զուկաս անունով մի գրաշար: Այս գործաւորը ոչ միայն կենդանի տիպէ, այլ եւ խորհրդանշան է, մի ամբողջ աշխարհահայեցքի պատկերաւոր ձեւակերպութիւնն է: Արփիար Արփիարեան այդ մարդուն չէ վերցրել իրեւ մի արշեստական միջոց, իր նախասիրած գաղափարը ներկայացնելու համար, ինպէս անում էին, եւ մինչեւ հիմա էլ յաճախ անում են, մեր ոռմանտիք հեղինակները: Նա նաև եւ առաջ ուշալիս հեղինակ է: Ինչ որ ներկայացնում է նա, ինչ որ դնում է ընթերցողի առջեւ — կենդանի, անխարդախ, ստոյգ իրականութիւն է: Բայց որովհետեւ ամեն մի իրականութիւն իր մէջ ունի մի ներքին իմաստ, մի շարժող սկզբունք — Արփիարեանի ցոյց տուած իրականութիւնն էլ ունի այդ ներքին իմաստը: Հեղինակներից է կախուած, հեղինակների տաղանդի չափից եւ յատկութիւնից՝ իրականութիւնը այնպէս պատկերացնել, կենսական երեւոյթները այնպէս վերլուծել, որ այս ներքին իմաստը գուրս բղիք միջից միանգամայն բնական կերպով:

Արփիար Արփիարեան այս տեսակէտից անվիճելի կարողութիւն ունի: Գեղարուեստական հաղուագիւտ յատկութեամբ նա կարողանում է կեանքի սովորական նկատուած անկիւնները այնպիսի փայլով լուսաւորել եւ մարդկային ամենօրեայ յարաբերութիւնները այնպէս պատմել — որ դուք ստանում էք ոչ թէ իրականութեան սոսկական ցուցադրութիւնը, այլ տեսնում էք գաղափարների, իմաստի մի ամբողջ աշխարհ: Մարդիկը այլ եւս պարզ մարդիկ չեն երեւում այնտեղ իրենց առօրէական կերպարանքով, այլ ներկայանում են որպէս փիլիսոփայական ընդհանրացումներ, որ իրենց մասնաւոր ձեւերի մէջ թագյունում են մարդկութիւնը, կեանքը առհասարակ:

Մեր գրականութեան մէջ, մինչեւ անդամ անուանի գրողների երկերում, գեղարուեստական տարրական պահանջները յաճախ զոհ են գնացել հեղինակի կանխակալ մտադրութեան: Կեանքի ձամարիտ վերաբերացրութեան փոխարէն ունեցել ենք յաճախ իրականութեան ծաղըանկարներ, թէկուղ եւ լալագին, ողբերգական արտաքինի տակ: Այս պատճառով՝ առանձնապէս դիտելի է Արփիար Արփիարեանի գրականութեան այն կարեւոր գիծը, որով դէպէերն ու անձերը հետեւում են իրենց բնական, ուղիղ ձամբան եւ կեանքը հոսում է իր բուն հունի մէջ: Եւ այս բոլորը այնքան անկաշկանդ կերպով, որ ընթերցողը շատ յաճախ չի գուում նոյն խոկ հիմնական գաղափարը, այլ տեսնում է միայն ակնյայտ, պայծառ, յուղիչ կեանքը, որ խօսում է ինքնին:

“Ոսկի ապրջանունի մէջ էլ, ինչ որ երեւում է ընթերցողին եւ ինչ որ խորապէս ազդում է նրան — գործաւոր զուկասի կեանքն է, նրա ընտանիքի դառն եւ անտանելի ձակատագիրը:

Վաթուուն տարեկան մարդ է գործաւոր զուկասը, որին տարիքի պատշաճով եւ երկրի սովորութեան համաձայն, անուանում են Ղուկաս աղա: Այս աղան հեգնութիւն է զուկասի ողորմելի կացութեան եւ ծայրայեղ թշուառութեան հանդէպ, բայց ընթերցողը անմիջապէս ընդունում է այդ

բառը իբրեւ մի գատարկ հնչեւն, որ չի տալիս գրաշար Ղուկասին ոչ դիբք եւ ոչ էլ որ եւ է նիւթական բարեկեցութեւն:

“Ղուկաս աղան հիմակ վաթունը անցուկ, քառունհինգ տարիէ ի վեր աշխատող գրաշար, դեռ երկու մէջիտիէ քով քովի չէր կրցած դնել նեղ օրուան համար: Եւ ընտոր ալ ինայողութիւն ընէր: Քանի մը մէջիտիէ շաբաթականը ո՞ր մէկ ծախքին ծեռք պիտի տար, տանը վարձրէն, ուտեղիքնո՞ն, վրայ զլուխի, ծխախոտին, երթալ գալո՞ն: Հապա ան պարապ մնալները, հապա ան հիւանդանալները, որ գրաշարին օճախին մուխը կը մարեն:”<sup>7</sup>

Բանուոր Ղուկասի ընտանիքը մէծ չէ: Ինքն է, կինը եւ եղբօր աղջիկը, Արմիկը, որ հօրից եւ մօրից որբ է մնացել երկու տարեկան հասակում եւ որ այնուշետեւ մեծացել է Ղուկասի ընտանիքում իբր հարազատ զաւակ: Գործաւորը, ինչպէս եւ նրա կինը նայել են Արմիկի վրայ ծնողական գուրգուրանքով եւ խանդաղատանքով, ոչինչ չնեն ինայել նրանից, ուտում եւ կրթութիւն են տուել նրան, որքան կարողացել են իբրենց բանուորական սուղ միջոցներից: Արփիարեան իր գրուածքի մէջ գեղեցիկ կերպով ներկայացնում է այն ամբողջ կեանքը, որ անցնում է Արմիկի մանկութիւնից մինչեւ նրա հասունութեան շրջանը: Բանուորական ընտանիքի ներքին յարաբերութիւններն է ցուցահանում, որբ աղջկայ կացութիւնը այդ առաքինի միջավայրում, ուր ոչ շահագիտական հաշիւներ կան, ոչ աղդակցական եւ մարդկային կապերի շահագործում, ուր անխարդախ բարեկամութիւն գոյութիւն ունի եւ փոխադարձ սրտակցութիւն երկու կողմից: Արմիկի հայրը մահից յետոյ թողել է որոշ խնայողութիւն նրա համար, բայց Ղուկասը ձեռք չէ տուել այդ գումարին եւ պահել է Արմիկի համար իբր անձեռնխելի ապահովութիւն՝ գներով նրա անունով երկաթուղիների թղթեր: Տառապանքով շարչարանքով, բայց եւ սիրով ու գորովանքով հասցել է նա Արմիկին մինչեւ 19 տարեկան հասակը, երբ ժամանակ էր արդէն ամուսնութեան:

“Արմիկը ա՛լ հասուկ աղջիկ էր, տասնինին մատ կար...”<sup>8</sup>

Հօրեղբայրը կամենում է նրան ամուսնացնել, “բայց գէմը իշխամէթ մը չէր ելլար:” Սակայն վերջապէս՝

“Մարդը ըրաւ չըրաւ, աղէկ տղայ մը ձեռք ձգեց. Սամաթիացի Արթաքի աղան: Մանչը մեծ պահքի կիրակի մը հօրեղբօրը հետ Խասգեղ աղջիկ տեսի զնաց եւ Արմիկին հաւնելով, դիմացի կիրակին էլ խօսք կապը տարին հետեւեալ համաձայնութեամբ: Աղջկանը հօրենական ժառանգութիւնը՝ Ռումելիի տասերկու երկաթուղի՝ փեսին պիտի յանձնուէր պատրիարքարանով նշանտուքի օրը. օժիտը՝ Ղուկաս աղային վրայ:”<sup>9</sup>

Մեր հասարակական կարգի տարկանոն երեւոյթներից է այս ամուսնութեան խնդիրը, որ անըմբոնելի արտօնութիւն է տալիս աղամարդուն եւ անելանելի կացութիւն է ստեղծում աղջիկների համար: Արմիկը, աշխատասէր,

աղնիւ, գեղեցիկ Արմիկը, պիտի տրուի իբրեւ կին մի ծոյլ եւ անաշխատ տղամարդու, որպիսին Արթաքի աղան է: Մի տղամարդու, որ որ եւ է գործ սկսելու եւ իր կեանքը վաստակելու համար՝ պէտք ունի Արմիկի հօրից մնացած խնայողութեան եւ գործաւոր Ղուկասի նիւթական աջակցութեան: Այս արտասոց երեւոյթը մեր ժամանակակից հասարակակարգի մէջ երեւան է գալիս իբրեւ պարտականութիւն կնոջ վրայ դրուած եւ իբրեւ իրաւոնք՝ տղամարդուն արուած: Գործաւոր Ղուկասը անշուշտ չէ մտնում այս ցաւագին խնդրի քննութեան մէջ: Կրա առջեւ կանգնած է կեանքի անողոք պահանջը — եւ միամիտ, գժբախտ գործաւորը ամեն կերպ աշխատում է այդ պահանջին գոհացում տալ:

Դժբախտութիւնն այստեղ է սակայն, որ չնայելով իր կատարեալ համակերպութեան՝ Ղուկասը չէ կարողանում իրագործել նշանադրութեան պայմանները: Ի՞նչպէս պատրաստի օժիտը, որ միջոցներից, ի՞նչ եկամուտից: Կրա բանուորական ողորմելի օրավարձը բաւականութիւն չէր տալիս ընտանիքի ամենաանհրաժեշտ ծալիքերին: Սեփականազորը գործաւորը չէր կարող “ծայրը ծայրին հասցնել”, եթէ կինն ու Արմիկը իբրենց աշխատանքով — ձերմակեղէններ կարելով — օգնութեան չամսնէին նրան: Ի՞նչպէս այժմ նոր ծալիքի տակ մտնի, ի՞նչպէս իրագործէ նշանադրութեան պայմանը:

Այս ծանր կացութեան մէջ, երբ նա մտածում էր վաշխառութիւն գիմելով մի կերպ գուրս գալ ստեղծուած անելից՝ պայմում է նոր, անդիմագրելի չարէք: Գործաւոր Ղուկասին հեռացնում են տպարանից — եւ նրա գլսի վրայ կախւում է գործազրկութեան սարսափելի ուրուականը: Ոչինչ բացաձակապէս ոչինչ չի աղդում գործատէր էֆէնդիի վրայ, ոչ Ղուկասի սրտաճմէկ աղերսանքը, ոչ նրա երկար տարիների քրտնաշան ծառայութիւնը, ոչ փորձառութիւնն ու անմերի աշխատանքը եւ ոչ էլ ի հարկէ Արմիկի անսասոց ապագան: Եւ ինչ որ գառնապէս ծանր է այս արձակման պատմութեան մէջ, ոչ թէ գործերի պակամն է, որ իբր պատճառ ներկայացնում է էֆէնդին, այլ այն մտահոգութիւնն է, թէ մի գուցէ գործաւորը ստիպուած լինի պարտքեր անել եղբօր աղջկայ ամուսնութեան համար եւ ինքը, էֆէնդին, աւելորդ ձանձրոյթի մէջ ընկնի այդ պատճառով: Գրամատէրը մտածում է գործնական մարդու պէս: Կա կանխում է յետագոյի բոլոր գիմումները եւ ինդիրը լուծում է արմատական կերպով, արտաքսելով բարեխիղմ, փորձուած, պարտաճանաչ աշխատաւորին: Կապիտալիստական հոգեբանութեան մի ցայտուն օրինակն է այս, որ Արփիարեան ներկայացրել է այնքան նուրբ կերպով, չխօսելով այդ մասին եւ թողնելով որ ուշագիր ընթերցողը գէպքերի կապակցութիւնից հանէ այդ եղբակացութիւնը:

Այս անխիղմ արձակումը, ծաղկաղարդի շաբաթ օրը, զատկական տօների նախօրեակին, այնպիսի տագնապալի մի վայրկեանում, խորին աղդեցութիւն է անում գործաւոր Ղուկասի հոգեկան աշխարհի վրայ: Ի՞նչ: Ինքը, որ այնքան սրտացաւ բանուոր է եղել, աշխատել է կատարեալ բարեխղճութեամբ, աչքի լոյսը ձեռագիրների վրայ խաւարեցրել է, չգնել է ամեն անընթեռ-

Նելի գեր կարդալ, որպէս զի սրբագրիչները չնեղանան — այժմ այդ վաստակաւոր գործաւորը իրեւեւ մի շուն դուրս պիտի նետուի գործարանից: Քառասունհինդ երկար տարիների աշխատանքից յետոյ ուր պիտի գնայ գործաւորը եւ որտեղ պէտք է նոր գործ գտնի՝ իր ընտանիքի թշուառական գոյութիւնը պահպանելու համար, երբ մանաւանդ արձակուած է վարկաբեկութեամբ, իրեւեւ անկարող, անպէտք, ծերացած բանուոր: Մի ամբողջ ողբերգութիւն կայ այս վախտունամեայ մարդու հոգում: Նրա ներքին գոյութիւնը փոթորկուում է իր հիմքից: Նրա բարոյական կեանքը ցնցուում է ուժգնօրէն: Արփիար Արփիարեան արուեստագէտ հոգեբանի կարողութեամբ դրսեւորել է զուկասի հոգին, ցոյց տալով մարդկային ցաւերի, գդացումների, մոածումների, ընդհարումների մի մոայլ աշխարհ, որ յուզում է ընթերցողին մինչեւ հոգեկան խոռովութիւն: Ծերունի գործաւորը կեանքի բիրտ հարուածների գէմ անշը՝ հարկադրուած է լինում գրաւ գնել իր ամենանուիրական իրը, Արմիկի երկաթուղիների թղթերը: Արփիարեան վարպետի գրչով է նկարագրում այն սարսափելի վայրկեանները, երբ գործաւոր զուկասը գողգողալով որոնում է ամենակարող թղթերը, սունդուկի հեռաւոր անկիւններում փաթթուած ու պահուած Արմիկի խնայողութիւնը:

Եւ այսպէս՝ գնում է ամեն ինչ:

Թղթերը այլ եւս չեն վերագառնում անսիրտ վաշխառուի մօտից: Սամաթիացի Արթաքին լքում է Արմիկին: Գործաւոր զուկասը չէ կարողանում նոր գործ գտնել: Գժբախտ աղջիկը հիւանդանում եւ մեռնում է չքաւորութեան ճիրաններում: Եւ ամբողջ տունը խորտակուում է այսպէս:

Արփիար Արփիարեան կեանքի գեղարուեստական պատկերացման հետ միասին ներկայացնում է նաեւ այն, թէ այդ ողբերգական իրականութեան ինչպէս են վերաբերում գրականութիւնը եւ քաղաքականութիւնը:

Իր վէպի մէջ Արփիարեան տեղ է տալիս արեւմտահայ “համբաւաւոր գրագէտ”, Եղիա Տէմիրճիպաշեանին: Այս անձնական յիշատակումը գրական այժմեան սովորութիւնների մէջ չկայ անշուշտ, եւ որոշ աղատութիւն է ցուցնում այն: Բայց վերջապէս մենք ընդունում ենք վէպի Տէմիրճիպաշեանին, իրեւեւ այն ժամանակուայ գրագէտի միմրոլ: Գործաւոր զուկասը գրագէտին պատմում է իր տիսուր կեանքը սրտաձմիկ խօսքերով: Սակայն գրագէտը ոչինչ չէ հասկանում այդ կեանքից եւ գործաւորի ծանր կացութիւնից:

“... ինք որ այնքան ցաւածներու վրայ լացած էր, որ մը գրաշարը մտքէն անցուցած չունէր...”

Այս ժամանակուայ գրականութիւնը կեղծ կերպով լալիս էր անիրական գժբախտութիւնների վրայ: Խսկ իրական ողբերգութեան առջեւ աչքերը գոցած էր: Եւ իրեւեւ նմուշ այգպիսի կեղծ լացերի՝ Արփիարեան դնում է գրագէտի գրչի տակ մի բանաստեղծութիւն, որի մէջ այս նմուշը.

“... չէ՞զ գեղեցիկ աղջիկ... տերեւք անկանին թերիկամունարդ յածին ստուերք դամբանին: Նիրհդ է խոռվ յոյժ, եւ իր երազ մ’ արթնութիւնդ, Մէն մի ճաճանչ արփիոյն ըմպէ վարդ արփիւնդ...”

Ժողովրդի մարդը կարդում է այս բանաստեղծութիւնը եւ ամենեւին չի կարողանում ըմբռնել, թէ ինչ կապ ունի այդ գրականութիւնը կեանքի եւ իրական ողբերգութեան հետ: Եւ չի հասկացում այն, ոչ թէ նրա համար որ բարձր է ժողովրդի ըմբռնողութիւնից եւ իրը թէ նրբօրէն գեղարուեստական է, այլ այն պատճառով, որ կեղծ է եւ սուտ գրականութիւն է:

Ժամանակի կեղծ գրականութիւնից զատ՝ Արփիար Արփիարեան գործաւոր զուկասի բերանով քննադատում է նաեւ ազգային քաղաքականութիւնը, որ արտայայտում էր Երեսփոխանական ժողովի եւ պատրիարքարանի միջոցով:

“Եղիա Էֆէնդի, բան մըն ալ ըսեմ, կ’ուզես նէ զնա մէյ մը պատրիարք սրբազանին, երեսփոխան էֆէնդիներուն հարցուր, նայէ ինչ կրսեն...”

“Եղան մինչեւ Փերլինները մարդ դրկեցին, Հայաստանի հայերը ըրդերուն հարստահարութիւններէն, վալիններուն կեղերումներէն ազատելու համար: Աղէկ ըրին, պարտքերնին կատարեցին: Ինշալլահ օր մը բան մըն ալ կ’ըլլայ: Բայց ճանըմ, Եղիա Էֆէնդի, աս Սթամպովի մեր չորպաճի էֆէնդիները քիւրդերէն ալ էւել զալլմ չեն, վալիններէն ալ պէթէր կեղեքիչ չեն: Քիւրդը, վալին գոնէ ժողովրդին բերանը պատառ մը չոր հաց կը թողուն, որպէս զի մարդիկը անօթի չսատկեն, նորէն դատեն, նորէն իրենց կերցնեն... Հու մեր չորպաճի էֆէնդինները բերաննիս չոր հացի պատառ ալ չեն թողուր, ան ալ խափմիշ կը լինեն, իրենք կ’ուտեն: Քառունը հինգ տարի դատեցայ, աշխատեցայ, օրին մէկն ալ կոնկիս թէքմէ մը, հայդէ դուրս: Մարդս տունը շուն մըն ալ պիլէ ունենալու ըլլայ նէ, ըխտիարցեր է ըսելով, պոշէն չի բռներ տէ փողոց նետեր... Պատրիարք սրբազանը, երեսփոխան էֆէնտինները ասիկա չեն մի տեսնար...”

Բայց պատրիարքը եւ երեսփոխանները վարում են նոյն “չորպաճի”, էֆէնդինների քաղաքականութիւնը եւ ամենեւին չեն մտահոգում, որ հայ ժողովրդի ներսում գործաւոր գասակարդ կայ, որ այդ գասակարգը անկարելի զոհողութիւններով ստեղծում է բարիք եւ ինքը մնում է յաւետինապէս զոհ: Զուկասի հայրը ծայրայեղ միամտութիւն է ունեցել մտածելու, որ իր որդու ձեռքում արհեստը, աշխատանքը կարող է լինել ուսկի աւպարաննշան, բայց մեր ախտաւոր հասարակարգի մէջ այդ աշխատանքը գառնում է անտառի ծանր կապանք.

“... ԶԵՆԱՎԱՂԾՈՒ ՈՍԿԻ ԱՎՋՐՃԱՄՆ մի: ՔԵԼԵՎՀԵՔ, ՔԵԼԵՎՀԵՔ, ՃԵՌԵՐՍ  
ԿՊՈՄՐՈՒՑԵց...”

Այս դառն խօսքերով է վերջանում՝ Արփիարեանի գրուածքը, Ղուկասի  
թուրքախառն եւ պատկերալից բարբառով, որի մէջ նա դրել է ժողովրդա-  
կան մարդու մուայլ փիլխոփայութիւնը եւ նրա վիրաւոր, տանջուած հոգե-  
բանութիւնը:

Արհեստը ոսկի ապարանջան է արգեօք, հարցնում է բանուորը: Ոչ:  
Չեռնակապ է միայն, որ կոտրտում է աշխատաւորի ձեռքերը, պատասխանում  
է բանուորը ինքն իրեն:

Արփիար Արփիարեան այս գրուածքով լրացնում է “Մինչեւ երբ ո՞ի  
նիւթը: Այնտեղ արտայայտուած էր գիւղացու եւ պանդիստի գործաւորական  
կեանքը, որ կապուած էր գիւղի հետ: Այստեղ արտայայտուած է քաղաքացի  
բանուորի կեանքը, որ աշխատում է քառասունինդ երկար տարիներից ի վեր  
եւ որ կատարելապէս սեփականազուրկ է:

Թէ թորոսը “Մինչեւ երբ ո՞ի մէջ եւ թէ Ղուկասը “Ոսկի ապրջան” ի մէջ  
զո՞չ են հասարակական յոոի կարգերի: Հայ գրամատիրական դասակարգը  
նրանց աշխատեցնում է գժոխային պայմանների մէջ — եւ շահագործում է  
նրանց աշխատանքը, աւերելով նրանց տնտեսութիւնը գիւղում եւ քաղա-  
քում, ոնչացնելով աղգութեան հիմքը, կրծելով նրա արմատը ամենաբիրտ  
ապերախտութեամբ:

Արփիարեանի աշխատաւորները տակաւին միամիտ են, անգիտակից իրենց  
բարձր քաղաքակրթական դերին, անգիտակից մանաւանդ իրենց սոցիալական  
ոյժին: Բայց կեանքի ծանր փորձութիւնների մէջ եւ դասակարգային պայ-  
քարի ոլորտում նրանք սկսում են հասկանալ իրենց գրութիւնը, սկսում են  
ըմբռնել ախտաւոր իրականութիւնը եւ ըմբռտանալ նրա դէմ: Գործաւոր  
Ղուկասի հոգում այս գիտակցութեան սկիզբը նկատում է արգէն, երբ նա  
զայրանում է ոչ միայն շահագործող դասի անարդարութիւնների դէմ, այլ  
եւ դրագէտների դէմ, որոնք չեն ներկայացնում իրական ողբերգութիւնը, այլ  
եւ պատրիարքարանի ու երեսփոխանական ժողովի դէմ, որոնք “չեն տեսնում”  
գործաւոր դասի հարստահարութիւնը:

Այս տեսողութիւնը սակայն դեռ երկունքի սկիզբն է:

Այեր սոցիալական կեանքում Արփիարեանի ժամանակ հաւաքական գի-  
տակցութիւնը այդ փուլի մէջ էր տակաւին:

Նրա աշխատաւորական վէպը այդ սկզբնական շրջանի բողոքն է՝ ներքին  
հարստահարութեան եւ աշխատանքի շահագործման դէմ:

Նա պատմական ժամանակաշրջանի արտայայտութիւն է եւ իրեւ այդ-  
պիսին՝ պատմական նշանակութիւն ունի:

## VII.

### ԱՐՓԻԵՐԵԸՆԻ ԴԵՐԸ

Այեր ուսումնասիրութեան մէջ մենք քննեցինք Արփիար Արփիարեանին  
իբրեւ գրագէտ-գեղարուեստագէտ:


Նրա հրապարակագրական աշխատանքը, որ ապահովաբար նրա գործի  
մայուն մասը չէ եւ որ չի կարող հրահանդիչ լինել այժմեան սերնդի հա-  
մար — նիւթ չգարձաւ մեր ուսումնասիրութեան: Ինչ որ Արփիար Արփիա-  
րեանին արժէք է տալիս այսօր, նրա մահից 14 տարի յետոյ, այդ նրա գեղե-  
ցիկ գրականութիւնն է: Հրապարակագրութիւնը գրուեց եւ անցաւ: Գեղա-  
րուեստական գործը մնաց եւ կը մնայ: Արփիար Արփիարեանի գերը նշանակալից  
եղաւ մեր գրականութեան մէջ առաւելապէս այդ տեսակէտից:

Իր ժամանակին, ուժունական թուականների մեր հրապարակագրու-  
թեան մէջ, նա խոշոր գեր կատարեց եւ աղդեցութիւն ունեցաւ նաեւ իբրեւ  
հրապարակագիր: Բայց ինչպէս նկատեցինք իր տեղում, այդ գերի մէջ նա  
չկարողացաւ գերազանցել կամ նոյն իսկ հաւասարել երենից առաջ ապրող  
եւ գրող Միքայէլ Նալբանդեանին:

Գեղարուեստական գրականութեան մէջ սակայն նա ունեցաւ այնպիսի  
գեր, որ շատ տեսակէտներով առաջնակարգ է: Այեր ուսումնասիրութեան  
ընթացքում մենք աշխատեցինք ցոյց տալ նրա գործի իրական, առար-  
կայական արժէքը եւ դրանով իսկ պատկերացնել նրա գերը: Այնք չժանրա-  
ցանք նրա գործի թերութիւնների վրայ, այլ աշխատեցինք վեր հանել այն,  
ինչ որ նրա գործի մէջ արժէքաւոր է, գրական է եւ ինչ որ մեր գրականու-  
թեան հարստութիւններից է:

Արփիար Արփիարեանի գրական գործը արժէքաւոր է ոչ միայն իր ա-  
րուեստով, այլ եւ իր ներքին բովանդակութեամբ՝ եւ իր սպով: Այն ժամա-  
նակ, երբ արեւմտահայ վիպական գրականութիւնը գտնւում էր կեղծ գասա-  
կան ձեւերի եւ նրա շունչով ապրով անկերպարան ոռմանտիզմի մէջ, Արփիա-  
րեան հիմք դրեց իրական, կենսալից արձակի, որ իր սյովով եւ խորութեամբ  
նոր արուեստի սկիզբ դարձաւ: Այս աշխատանքի մէջ Արփիարեան մեկու-  
սացած չմնաց: Կա կարողացաւ այդ արուեստի սկզբունքների հետ կապել  
ժամանակի երիտասարդ գրողներին եւ նրանց տանել այն ուղիով, որ գծել  
էր ինքը այնքան տաղանդաւոր կերպով եւ այնպիսի մեծ համարձակու-  
թեամբ: Տիգրան Կամսարական, Լեւոն Բաշալեան, Գրիգոր Զոհրապ, Մելքոն  
Կիւրճեան, Ռուբեն Զարդարեան եւ ուրիշները, որոնք գրեցին նրա ժամանակ  
եւ նրանից յետոյ, այս կամ այն չափով կրեցին Արփիարեանի ազգեցութիւնը  
եւ գնացին նրա գծած գրական ճանապարհով:

Այս տեսակէտից Արփիար Արփիարեան արդէն կատարել է կարեւոր  
գեր, որ կը մնայ միշտ արեւմտահայ գրականութեան պատմութեան մէջ:



Բայց Արփիարեան դեր ունի նաեւ իբրեւ քաղաքական եւ աշխատաւուրական վէպի տաղանդաւոր ներկայացուցիչ:

Աշխատաւորական վէպը, որին նուիրեցինք մեր ուսումնասիրութեան վերջին գլուխը, բացառիկ տեղ է գրաւում ոչ միայն Արփիարեանի գրական գործերի, այլ եւ մեր թէ արեւմտահայ եւ թէ արեւելահայ գրականութեան մէջ։ Այդ վէպով Արփիարեան սկիզբ է գրել մի գրական շարժման, որ ոչ միայն իր գերն ունի իբրեւ պատմական գործ, այլ եւ այսուհետեւ դեր պիտի ունենայ, որքան մեր կեանքը եւ գրականութիւնը առաջ գնան աշխատաւորական գիտակցութեան ձանապարհով։

Վաղը, գրամատիրական զարհուրելի պատերազմից եւ Ռուսաստանի Մեծ Յեղափոխութիւնից յետոյ, պիտի երեւան անշուշտ նոր երկեր եւ նոր գեղագէտներ, որոնք պիտի արտայայտեն նոր կեանքն ու նոր մարդկութեան իդէալ ները։ Արփիար Արփիարեանի գործը, գրուած տասնիններորդ գարի վերջին եւ քսաներորդի առաջին տասնամեակում, ունի եւ մանաւանդ գալիք գործերի համեմատութեամբ պիտի ունենայ շատ թերութիւններ։

Բայց չնայած այդ անխուսափելի պակասներին՝ Արփիարեան պիտի մնայ մեր գրականութեան պատմութեան մէջ որպէս տաղանդաւոր, առաջամարտիկ գրագէտ։ Եւ այն, ոչ միայն արուեստի, այլ եւ գաղափարների սահմանում։



# ԵՐԻ ՄԱՏԵՆԱԴԻՐԱՆ

Թիկ 4

ԱՐՓԻԱՐ ԱՐՓԻԱՐԵԱՆ

*Loyu t' mshabik'*

ԳԵՏՈՅԱ ԳՈՒՐԵԱՆ

*Մամուլի տակ ճան*

ՀԵՐԱԿՈՅԾ, ԱՐՑԱԽԻԱՆ

ՄԻԶԱՋԱՎԵՐԻ ԳՐԱԳԻՇԱԲՐ

*յիսլու*

S. Hakobian, Wien, VII. Mechitaristengasse Nr. 4.

Գիշե և 4 ֆրամ. Ամերիկայի համար՝ 50 սկզբ:



ՀՀ Ազգային գրադարան

NL0371979

66-835